





國家圖書館 NATIONAL CENTRAL LIBRARY, TAIWAN, R.O.C.

	
登記號	003240
類號	
類別	史部地理類
全書	函四冊



3400566 v1



大元大一統志卷第一百二十二

奏進

集賢大學士資善大夫同知宣徽院事臣孛蘭所



昭文館大學士中奉大夫秘書監臣岳 錠等上進

孟州

元大一統志

卷一百二十二

一



太原人善行氣不食服天門冬療病不用鍼灸在人間三百歲乃入王屋山茅君內傳云王屋山洞周回近萬里名曰小有清虛之天按洞天福地記濟濟源出王屋山名沈水係清源王所理又有齊子嶺在王屋縣東十二里即宇文周與齊分境之所又析城山在王屋縣西北六十里其峯四面形若城有南門焉故曰析城口

太行山

即皇母山也或名曰女媧山上有祠居
民歲時禱之多應其山起於濟源縣界
距縣十八里崔伯易作感山賦凡數十
萬言韓愈詩云是時新晴天井溢誰把
長劍依太行韓文注云天井闕在太行
山上

天壇山

在濟源縣西一百二十里洞天之一也
王屋之北山峯突兀頂上有石壇世傳
軒轅祈福之所洞淵集云天壇一號清

虛小有洞天頂上嘗有五色祥雲覆焉
旦夕有五色影現於壇之東西夜有芝
燈燦然巖谷間號曰仙燈又有仙猶洞
唐劉禹錫送其兄歸王屋山隱居據道
書山一名陽洛詩云陽洛天壇上依稀
似玉京夜分先見日月淨遠聞笙雲路
將雞犬丹臺有姓名古來成道者兄弟
亦同行杜甫詩云萬里仇池穴潛通小
有天白樂天亦云天壇在天半欲上心
遲遊山有靈壽杖黃庭堅以此送孫覺

有詩云玉屋千霜老紫藤扶公休沐對
親朋異時駟馬安車去拄到天壇願力
能近代元好問有詩云同向仙家抵丹
鼎不隨雞犬上青天謂仙猫也即唐司
馬鍊師得道之所

華蓋峯

在陽臺宮之後宋徽宗游幸之所今臺
猶在

孔山

在濟源縣西北三十里沁口之西山峯

有穴南北相通遠近洞見穴中石上有
車轍牛跡自然成者非人力所爲因以
名之白樂天詩云孔山刀劍立沁水龍
蛇走是也

白澗山

在濟源縣東北三十里有懸泉邑人號
曰白澗

琮山

在濟源縣東北三十里即澳水所出

莽山

在濟源縣西北四十里相接王屋山上
多草莽因爲名俗呼爲王莽山

陵山

在濟源縣西北一十里形勢孤絕如丘
陵之狀爾雅云大阜爲陵因名山上有
寺曰寶峯院

猴嶺山

在濟源縣西北十五里山據太行之南
上有狙猿薶因名俗稱侯景山

武山

在濟源縣西十三里北接猴嶺舊名白
虎山以形勢爲名山之東麓有石若卧
牛之狀號曰石牛村

巉山

在濟源縣西南二十五里有石巉巖因
以爲名

共山

在濟源縣北稍西原鄉之北楊景謨云
黃山海經謂濼水出焉西北流入秦澤行
地下至共山南復出東丘蔡肅闕詞云

濟源盤谷共山沐澗端如倒蔗謂此也

黃河

在河陽縣南一十七里即孟州渡西自濟源縣西王屋山夾中流出南去縣四十五里經從本縣境一百九十里東至駝塢村南十里入溫縣界蓋自河陽縣西來歷溫縣南東入武陟縣界

濟瀆

在濟源縣西北五里平地而出其源有二禹貢導沈水東流爲濟蓋沈水之源

出於天壇山絕頂之西半崖澗湫流至此爲二源而出東流與澆水合山海經云王屋山之東澗水出焉郭璞云澗水是沈水之源澗沈聲相近即沈水也禹貢導沈水東流爲濟入于河溢爲滎東出陶丘北又東至于荷又東北會于汶又東北入于海顏師古云導沈水而爲濟截河又爲滎澤陶丘在定陶而南過荷澤又與汶水會北折而東入海也按沈水出王屋縣山東流至濟源縣而爲

濟水然水澤即今滎澤縣定陶即今濟陰縣荷澤即今魚臺縣汶水在萊蕪縣然濟水因王莽末旱渠涸但入河而已不復截河南過今東平濟南淄川北海界中有水流入于海謂之清河實荷澤汶水合流亦曰濟河舊因舊名非本濟水也而水經引漢和帝以後所撰乃言濟水南過滎澤至于乘氏等縣一依禹貢舊道斯不詳之故也九州要記云濟源縣有慢流水玉漿澗木溝皆會于濟

也爾雅云水注會曰瀆蓋謂此也宋嘉祐中自濟源祠東百步許開千倉渠一道築千功堰一道其水分爲二渠東北引水灌溉民田東入于懷以灌城壕一渠南流與洧澳相合東歷孟州入于河寰宇記云西池南出有二源其東源周回七百步深不可測西源周六百八十五步深一丈皆繚之以牆源出王屋山今按圖冊云濟水有二源東源池方百步深不可測繚之以垣即今靈池也西

源周回約二百步淵深亦然東流入溫南截河溢出爲滎即今滎澤是也其水清潔性喜潛伏入河不渾載之祀典而尊崇之者爲有源以會衆水而朝于海也

澳河

在濟源縣其源有三其一源出自原城西北琮山訓掌谷口俗呼爲白澗水春秋會諸侯于澳梁即此一源出縣西二十里曲陽城西南山一源出陽城南溪

至縣西南官橋村北出焉東流至縣東與洧水合又東流去縣十里至皮城村入河陽界東入于河

沁水

在濟源縣東北二十八里其源出沁州陽城縣經太行山至本縣北燕川東出孔山歷沁臺入河內界

枋口

在濟源縣之東北燕川之東南兩山之口沁水出焉一日沁口韓愈詩平沙綠

浪傍枋口鴈鴨飛起穿楊柳又盆池詩
曰一夜清蛙鳴到曉恰如枋口釣魚舟
白樂天詩云危磴上懸泉登灣轉枋口
文彥博詩云下馬入枋口漾船沿碧溪
雪消山骨瘦風急浪頭低數里復登岸
羣賢同杖藜徘徊巖石半尋覓退之題
其水之南有石崖隋唐間名士磨崖多
有題名者知名者惟韓愈蕭穎士李愿
之流按水經云沁水之南有石門謂之
沁口石門是晉安平憲王司馬孚爲之

岸口壘石以爲門舊是木門以枋爲之
故曰枋口今王寨村司馬孚古堰尚存
隋盧奐唐節度使溫造俱嘗開渠灌溉
民田名曰廣濟渠

國朝己未歲勸農官楊端仁王允中奉

詔旨復開枋口引水溉濟源武陟河內河陽溫五
縣民田亦云廣濟渠

泥溝河水

在濟源縣西南二十里源出澤谷西水
經云泥溝水出軹城西南山下轉流入

軹屈曲北流東入于澳河

天漿水

在濟源縣南二十里其源出軹城西南向城北其水二源各出一溪東北合流又東北至趙村會泥溝水正東與沆澳相合

懸泉

在濟源縣東北白澗山其水從上穴空而落下澗東南入于沁

馬頭溪

在燕川之北沁水一帶地名也韓愈詩云馬頭溪深不可厲倩車載過水入箱白澗水

濟源縣西北琮山即澳源也

龍潭

在濟源縣西北五里其源出延慶院之西有泉湧出匯為數廣數畝人傳淵深處有龍居焉東流經濟瀆廟前又東北入于河

泗澗水

在濟源縣南二十里稍西有澗水出焉
五龍溪

在濟源縣沁口五龍祠北白樂天詩云
公門欲返駕溪路猶迴首是也

太液池

在天壇西半崖間有泉流出泱流而下
鄉人歲時過旱則禱焉

淇水

在王屋山東自天壇避秦溝出焉引流
而南入于河

泲水

亦名澳河在溫縣西三十五里從河陽
縣界流入縣境馳塢村南合入黃河寰
宇記云泲水在古城西東南流注於河
泲與濟通即淇水也

洧水

源自濟源縣之西四里潘村後出東流
經縣之北郭又東至柙橋與濟水合又
東南與洧澳合又東入河陽縣界東入
于河

土產

鐵

有冶在濟源縣西百里西山百家平歲
煉辦課

麻

河陽濟源二縣出

布

濟源縣軹城出

硝

河陽縣舊孟州出

蓮

河陽縣出

魚

河陽縣出

天門冬

濟源縣出

鬼見草

草薺

紙

並出濟源縣

棗

柿

並出溫縣

風俗形勢

孟州古河陽地風土得宜民性好惡不偏
興淳儉之化息崇侈之風

雖地有肥磽之殊而頗宜五穀風俗尚儉

河陽濟源二縣皆然

土壤腴潤其民純質溫縣之俗也

溫軹西負上黨北負趙史記云

太行之南黃河之北其地向陽濟源縣

南控黃流北連懷壤河陽縣

舟從砥柱過雲自太行來宋庠出鎮河陽

詩云

大元大一統志卷第一百二十二

大元大一統志卷第一百二十三

秦進

集賢大學士資善大夫同知宣徽院事臣孛蘭貯

昭文館大學士中奉大夫秘書監臣岳 筮等上進

孟州

古蹟

孟津

在今河陽縣南十里即周武王觀兵處
蘇忿生十二邑有盟津今平陰縣北津
是也或謂之富平津或謂之小平津或
謂之陶河渚皆異名也在河陽縣南即

國家圖書館 NATIONAL CENTRAL LIBRARY TAIWAN R.O.C.

大元大一統志卷第一百二十二

大元大一統志卷第一百二十三

秦進

集賢大學士資善大夫同知宣徽院事臣孛蘭貯

昭文館大學士中奉大夫秘書監臣岳 筮等上進

孟州

古蹟

孟津

在今河陽縣南十里即周武王觀兵處
蘇忿生十二邑有盟津今平陰縣北津
是也或謂之富平津或謂之小平津或
謂之陶河渚皆異名也在河陽縣南即

國家圖書館 NATIONAL CENTRAL LIBRARY TAIWAN R.O.C.

魏尚書杜畿船沈之所尋立爲河陽國
禹貢註盟津地名在洛北都道所湊古
今以爲津又周書註云孟乃河北地名
春秋所謂向盟是也故史記謂之盟津
漢嚴尤作銘大旨謂昔在周武集會孟
津魚入王舟乃往克殷

河陽縣古城

在河陽縣西南三十里即周襄王所狩
之地昔潘岳爲令多植桃李號曰花縣
土人謂之潘岳城遺址猶在

程莊古城

在今河陽縣北十五里至今猶有遺址
存焉

孟州古三城

在河陽縣南十五里按齊書神武使潘
岳鎮北城即舊北中府城也今稱爲下
孟州高永樂守南城以備西魏今孟津
也東魏所築中渾城厥後城廢或言今
夾灘是也

古坂城

在河陽縣西北三考⁺五里左傳隱公十一年王以易鄭餘邑即此寰宇記云按坂城莫知爲何邑也今從報冊所載

浮橋

在河陽古縣南一里晉太始十一年杜預征南所造晉武帝勞預曰非卿不能造此預對曰非聖明臣不能施功此施是也

畜魚池

按唐書城有池唐永徽四年濟水漲之

開元中以畜黃魚按舊志古貢黃魚鮓今城尚有水泊居人種蓮蒲畜魚池疑即此也

河陽宮

隋文帝所置入唐宮廢

河陽關

在河陽古縣城南遺跡猶在

新城村古城

在河陽縣東七里

令狐村古城

在河陽縣西北一十三里

遮馬隄

在河陽縣西南十三里後魏介末榮殺朝士千三百人於此

西濟川故城

唐所置周圍一十三里今濟源縣城在此城內跨城東垣稍北周圍七里乃隋唐以來濟源縣城也

古原城

在濟源縣西北十五里晉文公伐原示

信卽此城也今名原鄉後漢郡國志云軹有原鄉是也

柏崖城

在濟源縣西南八十里唐武德四年於此置懷州後移懷州于野王城此遂廢軹故城

在濟源縣南十三里秦漢時爲繁會之處史記云秦伐魏取軹漢爲縣故城基址尚存今爲軹城村

廢王屋縣

在濟源縣西八十里本成周畿內地召
公之邑平王東遷亦爲采地縣西有康
公祠六國屬魏漢爲河東郡垣縣地後
魏皇興四年分置長平縣屬邵州北齊
置懷州後周武成三年州廢改爲王屋
縣因縣北十里山爲名仍于縣置王屋
郡焉元和六年又於郡理立西懷州建
德六年省爲王屋郡隋開皇三年罷郡
以縣屬邵州大業六年州省以縣入河
內郡唐武德元年改爲邵伯縣後建都

河洛顯慶三年復爲隸隸河南府宋慶
歷三年割屬孟州四年還舊熙寧五年
復來屬全因之

國朝至元三年併入濟源

軹關陘

乃太行第一陘也東魏以鎮西將軍平
鑿爲懷州仍以軹關屯戍以防西魏遺
跡今存

古沁水城

在濟源縣東北沁水南沁臺西今名王

寨城後漢郡國志曰波有沁水即此地也

古河清縣

在濟源縣西南六十里隸洛州今蓼塢村是也

沁臺

在濟源縣東北三十里今爲村名

皮城

在濟源縣東南二十八里周圍四里六十步皮城之名不見經史按後漢郡國

志云河內波縣波有絺城沁水左傳曰王以溫原絺樊與鄭即絺在溫原之間與沁水相近杜預又謂絺在縣西南而沁水在縣之東北近于波即今皮城疑是古波城也其一字之誤歟酈道元水經亦云溴水東北經故波縣北今溴水經皮城北過即皮爲波尤明矣又漢封不害爲皮侯是也

向城

在濟源縣西南即周向國也蘇忿生所

隸之邑左傳曰桓取向以與鄭是也

曲陽城

在濟源縣西南十五里史記魏昭王十九年秦拔我新垣曲陽之城是新垣即王屋也魏武侯二年置亦名王垣陽亦樊也國語曰王以陽樊賜晉人也春秋樊氏叛惠王使虢公伐樊執仲皮歸于京師即此城今其地亦有樊村莊

古溫城

在溫縣西南三十五里亦蘇忿生之邑

遺址猶存相傳魏司馬懿曾於此築城

今爲招賢村

李城

今溫縣是也春秋戰國爲李侯邑史記秦圍邯鄲傳舍吏子李同說平原君得敵死者三千人赴之秦軍却追三十里會楚魏救至秦軍罷李同死封其父李侯徐廣曰河內平臯縣亦有李城唐於縣置李城

平臯城

在溫縣東一十五里漢置平皋縣高祖封劉宅平皋侯即此城跡尚存今土人呼爲平皋村舊屬武德縣

玉泉

在濟源縣東一里流水之北岸乃唐盧仝之泉上有寺名曰玉泉寺

侍中庵

在濟源縣西北龍潭延慶院西即陳堯叟讀書處故基尚在四今碑係司馬溫公之文

裴公亭

唐相裴相所建在濟祠之側後人有詩曰裴相亭成未退身空煩舞袖與歌塵至今亭下蕭蕭竹似對西風怨主人趙秉文題額

傅堯俞草堂

在濟祠西數十步水竹掩映餘跡尚存蘇東坡贈傅堯俞詩云先生卜築臨清濟喬木而今似畫圖今呼爲傅家園黃山谷寄題云河南有伏流經營太行根

盛德不終晦發為清濟源公家濟源上
太行當正門修竹當藩籬百禽鳴朝瞰
仰視浮雲作俯窺流水奔相望有盤谷
李愿故居存司馬温公亦有詩云林間
清濟水門外太行車

平嵩閣

在州後圃因城為臺北倚太行南憑嵩
少俯瞰黃流貫河陽偉觀故基尚存宋
李文定公迪詩云南指嵩高北太行大
行中出貫雲長君王不恃金湯險自有

仁恩結四方

德威堂

在州治蘇軾作記銘大意謂潞國文公
自相府出鎮三城公之子及甫亦來為
守請銘于軾榜曰德威取德威為畏之
義中更靖康兵革焚毀

太師堂

太史范祖禹作記謂神宗熙寧六年潞
國文公以司徒侍中河東節度由宰輔
出鎮三城明年留守北都元祐五年歸

洛六年十二月公之子集賢殿修撰周
翰遙來作守明年二月周翰奉公安輿
至河陽父老覲公儀刑如見父母府舍
瀕河地鹵下濕周翰因舊治而新之榜
曰太師之堂公作二詩周翰刻之石

揚清閣

宋慶曆中河陽令鮮于亨築亭于潘岳
所治縣之後園曰聯芳架閣曰揚清後
四十年元祐三年高元敏來作邑治地
闢園尋故地改閣爲亭仍以揚清名之

黃庭堅作記後經兵革廢矣金時遺址
猶存元好問嘗有賦咏

靈井

在濟源縣西二十里東魏以鎮西將軍
平鑿爲懷今仍於軹闔築城以防西魏
新城少水有土井隨汲即潤鑿整衣冠
俯井而視俄而井泉湧出闔城用之不
竭此井今在故城中

張衡宅

在沁口之北衡字建平隋大業三年楊

帝幸榆林上太行開直道九十里以抵
其宅帝觀其山水留宴三日賜宅傍田
三十頃

石敬瑭別墅

今藏馬谷是也在濟源縣西六十里韓
村社俗呼爲特進莊即潛龍莊也

唐盧仝莊

地名玉川在濟源縣西北二十里花石
洞前盧仝詩云買得一片田濟源花洞
前在石村之北太行之南俗呼爲錯入

內蓋貴之也號玉川子莊

唐蕭俛別墅

在太行之中近北山有壘珠之像其上
平可登因石爲壘珠之壇壇左有洞深
廣又名蕭相洞即蕭相故居也按本傳
文宗時累遷太子太傅旣老家於洛歲
時賓客請謝以爲煩乃舍濟源別墅自
放山野優游窮年

溫造舊墅

在鐵岸東水磨社去濟源縣四里造字

簡輿姿表瑰傑史傳中言造不喜爲吏
隱王屋山號其居曰處士墅傳不言居
濟源然舊居之南有温家橋橋之東有
五色泉今墓在縣西南三十里石刻尚
存白樂天有詩云白石清泉拋濟口碧
幢紅旆照河陽村人渾不知時事猶自
呼爲壯士莊

望懷亭

在濟源縣枋口山上五龍祠西峯上有
亭名曰望懷唐賢哲游咏之所今遺跡

大元大一統志卷第一百八十二

奏進

集賢大學士資善大夫同知宣徽院事臣李蘭

昭文館大學士奉奉大夫秘書監臣岳鉉等上進

鄭州

管城縣 滎陽縣 汜水縣 河陰縣

建置沿革

禹貢豫州之域星分氐宿古軒轅所都之
地高辛氏火正祝融之墟周初封管叔鮮
建爲號鄩之國故周禮註壽星爲鄭之分
寶豫州之北境也鄭武公爲平王東遷武

簡輿姿表瑰傑史傳中言造不喜爲吏
隱王屋山號其居曰處士墅傳不言居
濟源然舊居之南有温家橋橋之東有
五色泉今墓在縣西南三十里石刻尚
存白樂天有詩云白石清泉拋濟口碧
幢紅旆照河陽村人渾不知時事猶自
呼爲壯士莊

望懷亭

在濟源縣枋口山上五龍祠西峯上有
亭名曰望懷唐賢哲游咏之所今遺跡

大元大一統志卷第一百八十二

奏進

集賢大學士資善大夫同知宣徽院事臣李蘭

昭文館大學士奉奉大夫秘書監臣岳鉉等上進

鄭州

管城縣 滎陽縣 汜水縣 河陰縣

建置沿革

禹貢豫州之域星分氐宿古軒轅所都之
地高辛氏火正祝融之墟周初封管叔鮮
建爲號鄩之國故周禮註壽星爲鄭之分
寶豫州之北境也鄭武公爲平王東遷武

公滅二國而徙都烏國詔鄭桓公爲平王
司徒問於史伯寄孳與賄於虢鄆十邑註
云十邑謂虢鄆郟濮補母依柴歷莘也此
即莘地後鄭爲韓所滅韓又徙都之其東
境又屬魏秦并天下屬三川郡漢逮魏屬
河南郡晉泰始二年分河南地置滎陽郡
理古滎陽城宋初因之至武帝又立司州
刺史理虎牢領河南滎陽宏農三郡後魏
武帝置東桓農郡尋罷文帝又改司州
爲北豫州所領如之東魏天平元年析滎

陽置成臯郡理今之汜水又移滎陽理大
索城即今之滎陽也屬北豫州尋又分此
爲廣武郡理中牟置東中郎將府以總之
高齊天保七年廢成臯郡入滎陽郡亦屬
北豫州後周初改北豫州爲滎州取滎澤
爲州名領郡如故隋開皇三年罷郡改滎
州爲鄭州十六年於管城縣分置管州煬
帝三年廢鄭州改管州爲鄭州尋復廢鄭
州復爲滎陽郡唐武德四年平王世充置
鄭州于武牢領汜水滎陽成臯密滎澤五

縣其年又于管城縣置管州領管城須水
圃田清池四縣貞觀元年廢管州及須水
清池二縣以廢管之陽武新鄭管城圃田
四縣來屬七年自武牢移鄭州治所於管
城天寶元年曰滎陽郡朱梁於汴建都以
其地爲畿內地故輔王都置防禦使治之
宋景祐元年號奉寧軍節度兼河防使熙
寧五年廢隸開封府元豐八年又爲奉寧
郡復行鄭州事元祐元年復爲奉寧軍崇
寧四年建爲西輔金天眷二年復爲鄭州

壬辰歸

國朝不改舊領管城滎陽汜水河陰原武新鄭密
滎澤八縣及司候司領在城事後割出新
鄭密二縣屬鈞州滎澤原武隸開封府併
司候司入管城今領縣四

管城縣

本周封管叔鮮之國杜預釋例國在滎陽
縣東北春秋晉師救鄭楚子次于管以待
之即此漢晉爲京縣地及中牟界屬河南
隋開皇十六年於此置管城縣屬滎陽郡

十八年改內年曰圃田省入管城大業二年改鄭州爲管州縣屬焉唐貞觀七年自武牢移鄭州理此東有圃田爲豫州數有邲城爲縣南左傳晉楚戰處五代至宋因之金貞祐二年於此囚愛王改縣爲洧州又作故市縣至

國朝戊戌歲復立鄭州仍爲管城縣在郭

滎陽縣

古號國所謂東號也按今滎陽則古大索亭也左傳晉韓起如楚送女鄭子皮勞諸

索氏是也又縣東北四十里有小索城存即六國時二索也又京城太叔即在縣正東郡城也秦置教倉史記楚漢戰于索京間酈生說高祖據教倉之粟是此漢爲縣屬河南郡晉泰始二年分河南郡立滎陽郡取名於滎澤也後魏太和十七年滎陽自漢故理移於今所北齊改曰成臯郡隋開皇初郡廢僑鄭州建都河洛割入洛州唐天授二年七月分滎陽地于縣西立武泰縣屬洛州亦會移此額於今郡西北五

十里古滎陽城安置神龍元年後為滎陽
縣以隸鄭州歷五代宋至金因之

國朝不改

汜水縣

古東虢國春秋鄭之制邑漢為成臯縣屬
河南郡左氏傳制巖邑也虢為鄭所滅穆
天子傳云穆天子獵于鄭國有虎在葭中
七萃之士擒之以獻命畜之東虢號曰虎
牢今界內有虎牢城存焉戰國屬韓秦屬
三川郡楚漢相距於滎陽成臯即此地後

為縣北臨黃河後漢為成臯關魏又為縣
復屬河南郡晉隸滎陽郡宋武帝北平關
洛置司州後魏明帝置北豫州太和十九
年罷州置中郎將府東魏靜帝天平元年
罷府又置北豫州并成臯郡同理於此高
齊天保七年省北豫州周宣帝宣政元年
置滎州隋開皇元年改為鄭州三年罷成
臯郡十六年析鄭州置管州十八年改為
汜水縣唐武德四年分置成臯縣貞觀六
年省入汜水縣以屬鄭州明慶二年改屬

河南府嵒拱四年改爲廣武縣神龍元年復爲汜水縣會昌二年屬孟州宋建隆元年以河東未定權隸洛州慶厯三年復隸河南府熙寧三年省縣爲行慶關隸河南府鞏縣四年復置五年省爲鎮併入河陰縣元豐三年復置隸孟州金遼來屬

國朝不改

河陰縣

周時於廣武山置平陰縣遺基尚存漢徙於瀕河山下爲平陰縣以其在平城之南

故爲縣名屬河南郡唐開元二十三年侍中裴耀卿奏以地當汴河口便于漕運宜析汜水滎陽武涉三縣地置縣以頓之因在河之南故於輸場輔云東渠口北二百五十步立河陰縣隸河南府會昌元年屬孟州宋熙寧五年省汜水入焉金割以來屬仍舊名

國朝不改

坊郭鄉鎮

管城縣

圃田鄉 富戶鄉 懷忠鄉 管鄉

滎陽縣

高陽鄉 救義鄉 孝義鄉 尊賢鄉

滎邑鄉

汜水縣

制巖鄉 龍泉鄉

河陰縣

廣武鄉 鴻溝鄉

里至

本州

北至大都一千五百七十里

北至上都二千三百七十里

東至本路一百四十里

東至中牟縣界三十里

南至新鄭縣界三十里

西至鞏縣界一百二十五里

北至滎澤縣界四十五里

東到中牟縣七十里

西到鞏縣一百五十里

南到許州一百一十五里

北到滎澤縣六十里

東北到原武縣七十里

西南到鈞州一百八十里

西北到懷孟路二百二十里

東南到洧川縣一百四十里

管城縣

至都并本路與本州同

東至中牟縣留村界三十里

西東滎陽縣京水河二十里

南至新鄭縣郭店界六十里

北至滎澤縣汴河界四十五里

東到中牟縣七十里

西到滎陽縣七十里

南到新鄭縣一百一十五里

北到滎澤縣六十里

東南到洧川縣一百四十里

東北到原武縣七十里

西南到密縣一百八十里

西北到河陰縣六十里

滎陽縣

北至上都二千三百里

北至大都一千五百里

西南至本州七十里

東至管城縣中郭村界四十五里

西至汜水縣夏侯保界五里

南至密縣范村界四十五里

北至河陰縣張村界二十五里

東到管城縣七十里

西到汜水縣三十五里

南到鈞州密縣七十里

北到河陰縣六十里

東南到新鄭縣一百三十里

西北到懷孟路溫縣九十里

東北到滎澤縣七十里

西南到河府登封縣一百五十里

汜水縣

北至上都二千三百三十五里

北至大都一千五百三十五里

東至本州一百五里

東至滎陽縣鴻溝界三十里

西至鞏縣界三十里
南至登封縣界鹿兒寨二十里
北至懷孟路溫縣一十里
東到滎陽縣三十里
西到鞏縣四十五里
南到登封縣一百二十里
北到溫縣二十五里
東南到密縣一百一十里
西南到舊芝田縣一百二十里
東北到河陰縣六十五里

河陰縣

西北到懷孟路一百里
北至上都二千三百里
北至大都一千五百里
東南至本州七十里
東至滎澤縣山莊村界一十五里
西至汜水縣樹何村界三十三里
南至滎陽縣張村界三十里
北至懷孟路武陟縣黃河五里
東到滎澤縣二十五里

西到温縣八十里
南到滎陽縣六十里
北到武陟縣三十里
東南到鄭州七十里
西南到汜水縣六十里
東北到獲嘉縣一百里
西北到修武縣五十里

山川

梅山

在管城縣南三十里春秋時楚為子馮

率師侵費滑還師於此

泰山

管城縣南五十里此非孔子登泰山之
山偶名同耳

靈源山

按神境記云滎陽縣西有靈源山其間
生靈芝石菌叢頂有石髓紫菊往往人
聞長嘯之聲

蘭巖山

神境記云滎陽縣西有此山峭拔千丈

常有雙鵲不絕來往傳云昔有夫婦隱此山數百年化為二鵲忽一旦爲人所害其一鵲歲常哀鳴響動巖谷莫知其年歲

嵩渚山

一名小陘山俗名周山在滎陽縣三十里索水所出山海經所謂少陘之山器難之水出焉舊傳器之之水即索水也

三山

在汜水縣界山有三峯故名

鵲山

在汜水縣北竇建德陣敗於此

方山

在汜水縣東南四十二里山海經云浮戲之山汜水出焉注水經云浮戲之山俗名方山經武牢城東漢破曹咎於此

三皇山

亦曰教鄔山山上有三城即漢楚相持於此山在河陰縣乃與滎澤縣界相接

廣武山

在河陰縣南一里東連滎澤西連汜水
縣

鄭水

一名不家水源出管城縣之梅山注水
經云不家溝水京縣東南梅山北溪
東北經管城縣西謂之管水又東北分
爲二水一水東北流注入黃雀溝即黃
池也

清水

唐開元遺志云滎陽有清水中有魚皆
青色

三十里河

發源管城縣西南五十里泰山東經本
縣三十里河與十八里河合流

十八里河

管城縣泰山發源出自本縣西南五十
五里經本縣十八里河至縣界七里與
三十里河合流

圃田店河

一名樂巴河源出新鄭縣東北五十里
韓村見此泉數道金時於圃田店修隄
堰併入金水河南京內兵革皆散為陂
塘又云圃田澤在縣東三里

金水河

在管水縣西南二十五里發源于迴山
南有宋建隆元年碑東流鄭圃溉稻一
百餘頃金貞祐二年開入南京宮城內
故號為水水河

京水河

在管城縣西南三十五里迴山西楊李
村發源有宋碑於本縣皇甫莊浸養鹽
地其後改入汴河又云京水在滎陽縣
東二十二里注水經云發源京縣黃堆
山東南流亦名祝龍泉泉勢沸湧狀如
巨鼎揚湯世謂之京水

須水河

在滎陽縣東南三十五里楚邨發源經
須水鎮西下流入滎陽縣田橋村入于
汴河

索水

在滎陽縣南三十五里注水經云索水出經縣西南嵩渚山與京水同源分流即古旃然水也左傳謂楚伐鄭次旃然即此水名漢書云京索之間亦楚漢之戰所

黃河

自鞏縣界流入汜水去縣東四十二里至河陰縣流入滎澤縣界

汜水

水有二焉並在鄭州春秋天王出居于汜漢高祖即位于汜水皆是南汜在許州襄城縣界非此也今在成皋東按京都要記云板渚牛口渚在汜水縣東北郡國十道記云汜水出縣南方山東始合於河王荆公安石詩云汜水鴻溝楚漢門跳兵走馬百重山李壁詩注云汜水漢書在成皋者音凡又音似即汜水縣之汜水也在濟陰縣音數劔反高祖即位于汜水之陽者是也高祖四年漢數

挑戰于成臯大司馬咎渡兵汜水張晏
注曰在濟陰界如淳又引左傳曰在鄭
地汜臣瓚云高祖攻曹咎于成臯咎渡
汜水而戰合成臯城東汜水是也師古
曰此水不在濟陰瓚說之括地志云汜
水源出洛州汜水縣東南三十二里方
山山海經云浮戲之山汜水出焉

土產

石榴

河陰縣出見貢

梨

舊貢金時黃華王庭筠行河陰道中有
詩梨葉成陰杏子青榴花相映可憐生
林深不見人家住道上惟聞打麥聲

風俗形勢

習俗淳厚而朴野九域續志云
其俗剛武尚氣力寰宇記云
人無爭妬頑嚚之風地理志云
習俗務本不事末作輿地撮要云
俗習樸實絲綿堅密他郡所無輿地云

樂有麻黃之產果有雪梨之美而人知重
本勤于耕織輿地撮要云

前華後河右洛左濟國語謂史伯對鄭桓
公之辭

滎陽西有蘭巖山峭拔千丈鴻溝在西乃
楚漢分界處輿地志云

據教倉之粟塞成臯之險以示形制之勢
酈食其傳所云

望河洛之交流者成臯之旋門東京賦云
汜水東南二里南門名成臯北門名玉門

汜水記云

管城理所直天下大達肘武平而咽東夏
中山劉禹錫作管城騷記云

子男之國號爲大注號即汜水也漢書云
汜水舊屬孟州今屬鄭州

王侯設險虎牢擁要扼之以五岳維嵩萃
鳥通之以四瀆洪河突焉宜其咽喉九州

闕域中夏唐賈至虎牢闕銘
茫茫大埜萬邦錯峙維王守途設險于此

呀谷成塹崇巔若壘洪河在下太室旁倚

岡盤嶺蹙虎伏龍起鎖天中區控地西鄙
唐呂溫成臯銘
邈矣維高峻極于天磅礪崔嵬北臨洪川
嶽瀆會險蹙折封泉實開虎牢作固伊瀍
維茲虎牢天設巨防攻在坤下拒在離旁
賈至虎牢關銘
城壓長川龍盤虎踞河流暗合溝池山色
遙連睥睨唐詩人雍陶河陰新城詩句

大元大一統志卷二百八十二

大元大一統志卷第二百八十三

秦進

集賢大學士賈善大夫同知宣徽院事臣李蘭肝

昭文館大學士中奉大夫秘書監臣岳鉉等上進

鄭州

古蹟

邲城

在管城縣東六里左傳晉荀林父帥師
與楚子戰于邲即此城

莘城

在管城縣國語謂史伯對鄭桓公虢郟

岡盤嶺蹙虎伏龍起鎖天中區控地西鄙
唐呂溫成臯銘
邈矣維高峻極于天磅礪崔嵬北臨洪川
嶽瀆會險蹙折封泉實開虎牢作固伊瀍
維茲虎牢天設巨防攻在坤下拒在離旁
賈至虎牢關銘
城壓長川龍盤虎踞河流暗合溝池山色
遙連睥睨唐詩人雍陶河陰新城詩句

大元大一統志卷二百八十二

大元大一統志卷第二百八十三

秦進

集賢大學士賈善大夫同知宣徽院事

臣李蘭肝

昭文館大學士中奉大夫秘書監

臣岳鉉

等上進

鄭州

古蹟

郟城

在管城縣東六里左傳晉荀林父帥師
與楚子戰于郟即此城

莘城

在管城縣國語謂史伯對鄭桓公虢郟



有十邑萃其一也韋昭曰萃國也十邑謂號鄆鄢蔽補母依睢歷萃也

滎陽故城

今滎陽縣即滎陽地按輿地志即古大索亭也東號之地漢高祖遣御史大夫周苛守滎陽城項羽既破城周苛罵不絕口羽怒烹苛唐人李觀作碑大意謂糜軀冀於不朽不朽在於立節立節在於顯主主顯節立獨苛有之初苛殺魏豹可謂無人薄我及拒項氏豈非臨難

不苟免耶

大索城小索城

今滎陽城所理即大索城是也又縣界東北有小索城存即六國時二索也王觀國學林新編曰前漢高祖紀曰韓信收兵與漢王會兵復大振與楚戰滎陽南京索間處之應邵注曰京縣名今有大索小索城晉灼注曰索音冊顏師古注曰索音求索之索前漢蕭何傳曰漢三年與項羽相距京索間韓信傳曰復

擊破京索間師古注曰索音山客反觀
國按後漢郡國志河南有京縣有索亭
北征記有索水其字或作洵則洵音山
客反是已文選陸士衡撰漢祖功臣頌
曰京索既振引師北討五臣注曰索音
桑各切乃以索爲宵索綯之說誤矣韓
退之郾城夜會聯句雪夜收新息陽生
過京索於号字韵同押則知亦以索爲
宵爾索綯之索亦誤吳曾作漫錄辨之
曰春秋左氏傳昭公五年昔韓宣子如

楚送女叔向爲介鄭子皮子大叔勞諸
索氏杜預注云河內成皋縣東有大索
城陸德明音義曰索氏奚落反以左氏
證之五臣退之以索爲宵爾索綯之索
爲是而王說非也

祭城

在管城縣東北十五里公第五子封
於祭城爲伯祭仲字仲足爲鄭大夫始
爲祭封人王以諸侯師伐鄭鄭人共攻
之祭足爲左拒

武彊城

在管城縣東三十一里曹參擊項羽攻武彊即此

故市城

在管城縣西北三十里漢爲縣後漢省徐晃擊袁紹軍于此

京墻城

在滎陽縣東南二十五里周平王時魯隱公元年鄭莊公即位母姜氏爲之制公曰制巖邑也號叔死焉他邑唯命請

京使居之封叔段謂之京城太叔段繕甲治兵侵至廩延莊公命子封帥車二百乘伐之京叛太叔段入于鄆公伐諸鄆故址尚存今呼爲京墻城

坂城

在汜水縣東北三十里有津亦名板渚河陰古城

有二楚漢相據處因割鴻溝爲界以分東西其城二各方三里各丈餘在縣之西南

虎牢

在汜水縣本春秋共叔段之邑戰國屬韓秦屬齊楚漢相距於滎陽成臯是也漢以爲成臯縣劉宋時毛德祖戍虎牢後魏晝夜攻圍二百日乃克之隋開皇十八年成臯爲汜水大業元年置虎牢都尉府有關屬滎陽郡唐常侍賈至作虎牢關銘柳宗元作唐鼓吹鏡歌十二曲其三曰戰武牢言太宗討王世充竇建德助逆師奮擊武牢下擒之遂降世

充也司馬溫公題虎牢關詩云天險限西東難名造化功路邀三晉會勢壓兩河雄餘雪霑枯草鷲颺捲短蓬徒觀爭戰處今古索然空王安石亦有虎牢關下水逶迤之句金末趙秉文有詩云兩崖峽束枕洪濤自古英雄爭虎牢蒼天胡爲設此險長使戰骨如山高

成臯故關

在滎陽縣東南二里洛陽記云洛陽在四關之內左成臯關隋大業九年移成

臯闕于虎牢城西邊黃河當汜水之上
按故闕在縣東今在縣南唐呂溫字和
叔作成臯銘

汜水闕

汜水之東魏國鄭滅之為制邑所謂制
巖邑隋開皇八年改成臯曰汜水唐神
龍元年縣屬孟州有汜水闕宋大中祥
符四年改為行慶闕東南有成臯故闕
西南有旋門故闕王荊公題詩汜水闕
寺壁有汜水鴻溝楚漢間之句

旋門闕

在汜水縣西南十里即八闕之一也又
云旋門坂東京賦所謂東門于旋也

為刊二古邑

屬鄭地見杜預注春秋魯隱公十一年
鴻溝

在滎陽縣西即劉項分界之所北接廣
武山與滎澤相連應劭注漢書小異文
穎曰於滎陽下引河東南為鴻溝以通
宋鄭陳蔡曹衛與濟汝淮泗會于楚即

官渡水也今廣武山上有石刻大書鴻
溝二字左右扶書八字西屬汜水東隸
滎陽呂蒙正嘗有詩懷古其詩曰溝中
流水已成塵溝畔荒涼起暮雲大抵華
戎須一統可能天地更分平烟橫綠野
山空在樹倚高原日漸曛閑凭征鞍思
往事數聲長笛馬前聞

僕射陂

在管城縣東南四里後魏以此陂賜僕
射李冲因呼爲僕射陂周回十八里

汴渠

在河陰縣南二百五十步首受黃河一
名通濟一名良苕渠漢書謂滎陽漕渠
如淳謂矜磔溪是也水經云河水入東
過滎陽北良苕渠出焉酈元注云大禹
塞滎澤以開渠通淮泗又後漢書初平
帝時河汴決壞未及得修汴渠東侵日
月彌廣水門故處皆在河中永平十二
年議修汴渠乃引樂浪人王景問治水
形便景陳其利害應對敏給帝善之乃

賜景山海經河渠書禹貢圖及錢帛秘
物遂發卒數十萬遣景與將作謁者王
吳修渠築隄起自滎陽東至千乘海口
千餘里景乃商度地勢鑿山截澗防遏
衝要疏決壅積十里立一水門令更相
洄注無復潰漏之患明年渠成帝親循
行詔濱河郡國置河隄負吏如西京舊
制靈帝建寧中又增修石門以遏渠口
又坤元錄云自宋武北征之後復皆湮
塞隋大業元年再令開導名爲通濟渠

引河水入河河自大梁之東引入泗通
于淮至江都宮入于海亦謂之御河河
畔築御道植柳楊帝巡幸乘龍舟而往
至于江都其交廣荆楊益越等州運漕
卽此渠也周顯德五年四月浚汴口導
河疏達于淮於是江淮舟楫始通又六
年二月命王朴如河陰按行河隄立斗
於汴口魏泰著東軒筆錄云汴渠舊例
十月閉口則舟楫不行王安石富國欲
通冬運遂不令閉口水旣淺溢舟不可

行而流冰頗損舟楫於是以船輪數十
前設巨碓以搗流冰而役夫苦寒死者
甚衆京師有頽語云昔有磨去磨冰漿
水今見碓搗凌

牽渠

在管城縣界魏書牽招字子經爲廣武
太守郡中井多鹹人遠汲水往復七里
招乃望勢鑿源開渠注入城中人賴之
號曰牽渠

殷渠

大元大一統志卷第三百五十六

秦進

集賢大學士賈善大夫同知宣徽院事臣字蘭旂

昭文館大學士中奉大夫秘書監臣岳 鎰等上進

襄陽路

古蹟

古樊侯國

祥符圖經云鄧城古樊侯國九域志云
仲山甫之國也又有樊侯國在樊侯縣
圖經云樊城在漢江北與襄陽峙立今
城內東北角廟基尚存

行而流冰頗損舟楫於是以船輪數十
前設巨碓以搗流冰而役夫苦寒死者
甚衆京師有顏詒云昔有磨去磨冰漿
水今見碓搗凌

牽渠

在管城縣界魏書牽招字子經爲廣武
太守郡中井多鹹人遠汲水往復七里
招乃望勢鑿源開渠注入城中人賴之
號曰牽渠

殷渠

大元大一統志卷第三百五十六

秦進

集賢大學士賈善大夫同知宣徽院事臣字蘭旂

昭文館大學士中奉大夫秘書監臣岳 鎔等上進

襄陽路

古蹟

古樊侯國

祥符圖經云鄧城古樊侯國九域志云
仲山甫之國也又有樊侯國在樊侯縣
圖經云樊城在漢江北與襄陽峙立今
城內東北角廟基尚存

古鄧城縣

元和志云在襄陽東北二十里本春秋
鄧國地寰宇記云即古樊城齊書云建
武中大將軍曹虎鎮此魏孝文帥兵十
萬圍樊城經月不下即此城也天寶中
改臨沮縣貞元中改爲鄧城縣李心傳
繫年錄紹興七年廢鄧城縣爲鎮入襄
陽縣

大隄城

今城是李白有大隄曲李善美大隄曲

云酒旗相望大隄頭隄下連橋隄下接
日暮行人爭渡急槳聲幽軟滿中流王
荆公擬賦峴臺詩城似大隄來宛宛溪
如青漢落潏潏

夫人城

即晉朱序母韓夫人率女婢所築元和
志則載于襄陽縣謂之理中城寰宇記
則載之鄧城下按鄧城在襄陽之北十
三里方秦敗朱序於襄陽城韓夫人不
應率女婢往遠縣境內築城寰宇記云

云恐非

羅國城

在南漳縣東南八十里舊在中廬縣南五十里春秋楚使莫敖伐羅于此城是也

鄆城

在鄆城南八里即古鄆子之國鄆南鄆也

漢宜城故城

在今宜城縣南一十五里唐元和郡國

志云本楚縣其地出美酒李肇國史補曰酒之美者宜城之九醞梁元帝詩宜城醞酒今朝熟停鞍繫馬暫棲宿温庭筠常作歡歌云宜城酒熟花覆橋沙晴綠鴨鳴咬咬

中廬故城

西漢志顏師古註云在襄陽縣南東漢有中廬侯國以隋室諱忠故改曰次廬繫年錄云紹興七年廢中廬縣爲鎮入南漳圖冊云南漳舊縣在縣東北小義

鋪東即所廢中廬縣是也

山都縣城

寰宇記云秦之邑廢城在中廬鎮

廢樂鄉縣

在襄陽縣南二百二十里本春秋鄧國

地

故臨漢城

元和郡志志本漢鄧縣地古樊城西魏于此立安養縣天寶元年改為臨漢縣闕羽圍曹仁于樊即此地今謂之樊城

故博望城

張騫所封也

黎丘城

在宜城縣久廢

羅川城

在宜城縣昔聞夷水歷宜城西山又東逕羅川城故羅國地也

筑陽縣城

在穀城縣東四里東臨漢江南臨筑水梁有筑陽城隋開皇初廢十年改為穀

城縣

南陽城

在穀城縣東南三十二里舊聞司馬周
侶所築

延岑城

在穀城縣西八里南陽人延岑起兵武
當于此築城

陰城

在穀城縣北漢為縣今廢城存

古穀城

鄴城

在穀城縣西北五里穀伯餘之舊國也
今穀城是也漢鄴縣屬南陽郡漢蕭何
所封其詳已見前矣寰宇記云故鄴侯
城在乾德縣北三里西臨漢江輿地廣
記云漢蕭何封邑晉置順陽郡初治鄴
焉西魏鄴城郡後周廢入陰城故城在
縣東北

故乾德縣

在今穀城縣遵教翔鸞漢均三鄉乾德

A 1 2 3 4 5 6 M 8 9 10 11 12 13 14 15 B 17 18 19

1 2 3 4 5 6 7 8 9 10 11 12 13 14 15 16 17 18 19

三年以年號名縣熙寧五年改乾德爲
光化縣屬襄州

固王古城

寰宇記在乾德縣東北五里按穀城縣
圖經云晉咸寧中封扶風王子暢爲順
陽王城內有順陽碑

岑彭馬城

在棗陽縣東北三十里水中有墓石羊
石虎存并收馬去處

東漢襄鄉縣城

輿地廣記云初屬南陽郡後廢城故在
縣東北又有襄鄉故城亦在棗陽縣北

春陵故城

元和郡國志云在棗陽縣南三十里漢
景帝子長沙定王發子春陵戴侯之邑
也按東漢長沙定王發子春陵戴侯仁
家徙南陽元帝六年以蔡陽白水鄉徙
仁爲春陽侯蔡陽屬南陽郡望氣者蘇
伯阿見春陵城喟曰氣佳哉鬱鬱蔥蔥
則南陽之春陵也及世祖即位幸春陵

復其徭役改曰章陵元和志云大唐避
太宗諱改世祖曰代祖

舊城

又名昌城即光武舊宅在棗陽縣東南
二十五里按光武本紀註舊宅在棗陽
東南宅南二里有白水是也圖經又云
有城二坐在縣南約三十里名舊城城
北有臺高二丈上有一石方圓一丈元
和郡縣志云宅南有白水東京賦所謂
白水龍飛是也寰宇記云建武三年六

月春陵祠園廟因置酒舊宅大會父老
故人之地

隆中

元和郡國志云襄陽縣西七里曰隆中
漢魯春秋諸葛亮家南陽在襄城西二
十里號曰隆中蘇東坡詩云諸葛來西
國千載愛未衰誰言襄陽野生此萬衆
師是公武子有詩云只言天下少霖雨
不知隆中有卧龍之句

冠蓋里

荆州記曰襄陽郡峴首山南至宜城百餘里其間雕牆峻宇漢宣末有鄉士刺史二千石數十家朱軒駢輝華蓋連延掩映于泰山廟下荊州刺史行部見之雅歎其盛號爲冠蓋里

牽羊壇

者舊傳襄陽有壇號牽羊壇刺史初至必牽一羊詣壇遶之以其遭數驗治州之年晉文帝爲刺史羊行六遭不止果八年而驗

晉柏

在峴山下有小碑題曰晉柏柯榦如鐵石

桃林

在襄陽縣南六里南襄州記云桓冲北伐頓軍于此是時食桃至春其核萌生遂成茂林

松嶺

九域志在襄陽界內

楚觀

在府治

鴨湖

在襄陽縣劉備乘的盧所到處東流為

鴨湖

聞喜亭

在府治唐咸通太守裴怛建趙璘作記

今廢

樂善堂

梁簡文為魯安王鎮襄州日畫前政刺史李陽等十三人形像于此堂襄陽志

云

雅歌堂

在府治今廢

雄覽堂

在府治

籌邊堂

在府治

北顧堂

在府治

愛峴閣

在漕治占三峴之勝得中峴爲多

湧月亭

在峴山

漢廣亭

在府北小北門西二百五十步南望羣山環繞有漢水映帶平陸萬里使人感慨又名北顧亭是宋淳熙中安撫使高夔建立端平三年兵火不存而遺址猶在

三賢堂

張漢陽龐居士孟浩然俱襄陽人謂之

襄陽三賢

四友堂

魏泰于此有四咏詩謂竹柏梧松也

學業堂

者舊相傳孔明讀書之所謂之學業堂在江之南

劉琦樓

舊在府東二里八十步都城内琦與諸葛亮謀自安計

王梁樓

在襄陽縣西前人富有題詠

文選樓

舊圖經云梁昭明太子所立以撰文選聚才人賢士劉孝感庾肩吾徐防江伯恭孔敬通惠子悅徐陵王圓孔燦鮑至等十餘人號曰高齋學士今在古城正南去山南東道一百五十步基址猶存

霽景樓

在光化縣李彥字方叔有詩層樓壓清

漢初上使忘歸夕霽藏平野時烟漏翠

微

山南東道樓

舊府治有唐李陽冰篆書山南東道四大字碑端平丙申襄陽失守此碑蕪沒淳祐辛亥高達掇襄之後程士元來爲創立層樓下通市路會俗飲燕于此南觀羣山北望中原一大勝景

得勝樓

府之東南

思賢樓

府之西南

銅鞮坊

在山南東道樓東按唐李白歌襄陽小
兒齊拍手攔街爭唱白銅鞮故名曰銅
鞮坊宋查道詩云白銅鞮側花迷塢解
佩江邊柳拂青

三顧門

諸葛亮三顧臣于草廬之中自此門出
故也

光武臺

九域志云

劉琦臺

元和郡縣志云劉琦與諸葛孔明登樓
去梯處也

呼鷹臺

寰宇記在鄧城東南東坡詩莫上呼鷹
臺平生笑劉表表有野鷹來曲又李豸
詩曰呼鷹復何用龍卧獨不顧

漁樂亭

在襄陽城外竹溪竹柳森陰諸亭參差清流貫其間

檀溪

蜀先主乘滴顛馬西走墮於斯溪一躍而過元和郡國志云在襄陽縣西南初梁高祖鎮荊州聞齊始安王蕭遙允等五人輔政謂之五侯歎曰政出多門乃潛造器械多伐斫竹木沈于檀溪爲舟裝之備參軍呂僧珍獨悟其旨亦私具櫓數百張義師起乃取檀溪竹木裝戰

艦諸將爭櫓僧珍每船付二張事尅集

今溪已涸非舊

蔡洲

在襄陽縣東北漢水中後漢蔡瑁居其上因名

清泥洲

在穀城縣

袁曹渡

在穀城昔曹操袁術爭渡於此

白公湍

南雍州記云白起伐楚之日涉此水而
濟號曰白公湍

斬蛟渚

盛宏之荊州記城北沔水先有蛟龍爲
人患鄧遐爲襄陽太守拔劍入水蛟繞
其足遐因揮劍截蛟自後無復蛟患

解佩渚

在襄陽縣西十里宋志云即鄭交甫見
二女之所

抱玉巖

按襄沔記荆山有此巖卞和得玉處在
南漳西界

靈泉

在中廬鎮景山鄉靈泉寺

溫湯泉

在襄陽縣

金沙泉

在今宜城縣東一里其水造酒極美世
謂之宜城春又謂竹葉酒

木里溝

後漢王寵爲刺史鑿廣水與木里溝灌田六千頃宋淳熙十年春太府少卿總領湖廣財賦祭戡面見孝宗言襄漢國家要害而沃野彌望水利弗修衮衮數千言請復修宜城以廣溉灌詔下其事于京西俾條上轉運使江溥安撫使知府事齊慶胄都統制侍衛步軍都都郭杲相與講究求可任者宜城縣令陳表臣自言鑿溝溉田令職也矧溝洫在吾邑乎遂索故跡疏其所以浚導之方

工費之數持以必成之說請自任之奏上即報可居無何慶胄守鄱陽中書舍人王柎來爲之代亦以表臣可用于是調兵民二千民以屬令兵以屬統佐官董佐才畢力疏治既閱月而渠成表臣因以起水門四十六通舊陂四十有九平繇役分田畷立約束均水利井井有序按舊碑鄢水出古中廬西山入清涼河過靈隄斗折而東爲木渠截渠爲木里山鑿山脊而下者十五丈激水東注

可千步而山之麓遂窮渠延數百里縣後漢王寵守南郡嘗鑿決密水與之合泉流灌浸為頃數千曹魏時梅敷兄弟聚民萬家據食之謂之租中時號租中為天下膏腴吳將朱然提精兵爭取其地不克厥後渠廢宋治平中縣令朱統訪故道鑿之民享其利凡六十年靖康之亂沒塞者五十八年乃復通此據重修木渠記云

赤溝

在穀城縣

葛井

荊州記諸葛亮宅有井

昭王井

韓愈宜城騷記井北有楚昭王廟

王粲井

在襄陽縣西萬山前有石欄唐上元遷

欄於州

長渠

在宜城縣正西按南豐會輦記荆及康

狼楚之西山也水出二山之間曰沔水
楚屈瑕伐羅及鄢亂次以濟是也秦昭
王使白起攻楚去鄢百里立碣壅是水
爲渠以灌鄢楚都也遂拔之漢惠帝改
名宜城韓愈宜城驛記可考曾鞏長渠
記云自起壅水灌鄢爲渠因不廢

清涼堰

九域志召信臣所造

玉池

南都賦其陂紺盧玉池

濯筆池

在虎頭山華嚴院世傳劉元德濯筆于
此又云謝公事見劉瑾謝公巖碑

琵琶池

在襄陽縣東二里

習家池

在宜城縣南一十里其宅在朱欄橋北
宅邊一魚池有芙蓉芰荷今人號爲朱
欄橋是也

弄珠灘

在城北津

牛首灘

在襄陽縣

鳳臺驛

在襄陽縣舊羅城東門外昔南國有處女學繡鳳凰一日成功倦去

高陽池

在襄陽縣境晉山簡字季倫鎮襄陽每臨此池必大醉而歸

大元大一統志卷第三百五十六

大元大一統志卷第三百五十七

秦進

集賢大學士資善大夫同知宣徽院事臣李蘭貯

昭文館大學士中奉大夫秘書監臣岳 鎰等上進

襄陽路

官蹟

鄧禹

東漢光武拜禹為大司徒封鄴侯禹時年二十四渡汾陰河入夏陽是時三輔連覆敗赤眉所過殘滅百姓不知所歸聞禹乘勝獨克而師行有紀皆望風相

國家圖書館. NATIONAL CENTRAL LIBRARY, TAIWAN, R.O.C.

在城北津

牛首灘

在襄陽縣

鳳臺驛

在襄陽縣舊羅城東門外昔南國有處女學繡鳳凰一日成功倦去

高陽池

在襄陽縣境晉山簡字季倫鎮襄陽每臨此池必大醉而歸

大元大一統志卷第三百五十六

大元大一統志卷第三百五十七

秦進

集賢大學士資善大夫同知宣徽院事臣李蘭貯

昭文館大學士中奉大夫秘書監臣岳 鎰等上進

襄陽路

官蹟

鄧禹

東漢光武拜禹為大司徒封鄴侯禹時年二十四渡汾陰河入夏陽是時三輔連覆敗赤眉所過殘滅百姓不知所歸聞禹乘勝獨克而師行有紀皆望風相

攜負以迎軍降者日千數禹所止輒停車住節以勞來之父老重稱華髮戴白滿車下莫不感悅於是名震閩西建武年更封梁侯

鄧遐

漢水有蛟龍遐爲襄陽守自入水斬蛟由是無患

王寵

鄭獬水渠記云後漢寵守襄陽鑿巒水與木里溝溉田六千餘頃遂無飢而襄

中爲天下膏腴

胡烈

後漢爲襄陽守築石堤民歌之曰譬春之陽如冬之日耕者讓畔百姓豐溢惟我胡公恩惠難及

劉表

事漢初平元年長沙太守孫堅殺荊州刺史王睿詔以表爲荊州刺史鎮襄陽表單騎入宜城請南郡人蒯越襄人蔡瑁與共謀畫經理兵事遷鎮將軍荆

州牧封武武侯初荊州人情 授加四
方駭震寇賊相扇處處糜沸表招誘有
方威惠兼洽姦猾宿賊更爲效用萬里
肅清大小咸悅闕西交豫學士歸者千
數表安慰賑贍皆得資全遂起立學校
博求儒術表在荆幾二十年家無餘積

關羽

蜀先主收江南諸郡以羽爲襄陽太守
盪寇將軍羽攻曹仁於樊圍呂常於襄
破降于禁威震華夏曹操議徙都以避

其銳

胡質

仕曹魏至征東將軍荊州荊州其子威
自京師定省家貧無車馬僮僕自驅驢
單行每至客舍躬放驢取樵炊爨食畢
復進道既至見父停廐中十餘日告歸
父賜絹一疋爲裝威曰大人清高不審
於何有此絹質曰是吾俸祿之餘以爲
汝程耳威受之辭歸質帳下都督先威
未發請假還家陰資裝於百里餘要威

爲伴每事佐助行數百里威疑而誘問
之既知乃取所賜絹與都督謝而去之
後因他信以白質質杖都督百餘吏名
其父子清慎如此於是名譽著聞

羊祜

晉恭始初帝有滅吳之志祜以尚書右
僕射衛將軍出爲都督荊州諸軍假節
散騎常侍鎮襄陽於是親率營兵出鎮
南夏開設庠序綏懷遠近甚得江漢之
心在軍常輕裘博帶身不被甲館閣之

下侍衛不過十數增修德信以懷遠人
墾土八百頃其始軍無百日之糧季年
乃有十年之積後卒百姓爲建碑望其
碑者莫不流涕祜常與陸抗相對使命
交通抗稱祜德量雖樂殺孔明無以加
抗嘗病祜饋之藥抗服之無疑人多諫
抗抗曰羊叔子豈醜人者時諱以爲華
元子及獲見于今

杜預

以度支尚書假節行平東將軍 征南

軍司拜鎮南大將軍都督荆
領襄陽羊祜舉為代也預至鎮繕甲兵
耀威武乃簡精銳襲吳西陵督張政大
破預請伐吳表陳至計果旬日累寇城
邑如預策吳平以功封當陽侯子耿封
亭侯預還鎮修立類宮又修郤信臣堰
開揚口起夏水達巴陵內瀉長江之險
外通零桂之漕南土歌曰後世無叛由
杜翁孰識智名與勇功預好為後世名
乃刻為一碑紀勲績一沈萬山之下一

立峴山之上曰焉知此後不為陵谷乎
後徵為司隸校尉行次鄧城卒

山簡

晉永嘉六年以尚書左僕射出為征南
將軍都督交廣四州諸軍事鎮襄陽四
方寇難天下崩分惟簡優游卒歲劉聰
逼京師簡遣督護赴難及洛陽陷沒簡
為賊嚴巖所逼乃遷夏口招納流亡江
漢歸之

郤恢

以建武將軍雍州刺史領襄

關隴之和降附者日有千計後以功改
秦州刺史

陶侃

受劉洪壁爲荊州南蠻長史

沈慶之

宋元嘉中大破羣蠻邊中兵參軍

庾亮

以都督江荆揚益梁豫六州諸軍事領
荆江豫三州刺史鎮武昌亮有恢復中

原之謀乃上疏請移鎮襄陽之石城并
遣諸軍羅布江沔王導與亮同意庾翼
以滅賊爲己任有衆四萬師次襄陽勝
氣十倍

朱序

寧康初以梁州刺史鎮襄陽是歲苻堅
將苻丕等帥衆來圍城序固守母穆氏
領百餘婢并城中女丁於西北角築城
二十餘丈賊攻之急果潰衆便因新築
城丕引退襄陽人謂此城爲

果戰破賊人情稍懈又以賊退稍遠疑
未能來守備不謹督護李伯護密與賊
通襄陽遂陷序沒於符堅堅殺伯護徇
之以其不忠也

宋武陵王休龍

元嘉二十二年為雍州刺史自晉江左
以來襄陽未有皇子出鎮帝欲經略
關河故有此授

曹景宗

齊時為冠軍中兵參軍有謀略

昌義之

梁高祖初起為建安王中兵參軍

沈約

齊初為征虜記室帶襄陽令

江革

為征北記室參軍兼襄陽令

隋薛道衡

檢校襄陽總管高祖曰朕欲令爾兼撫
百姓今爾之去如斲一臂在任清簡史
民懷之

唐李孝恭

武德元年拜荊州大總管六年遷襄州道行臺尚書時嶺表未平孝恭撫慰四十九州皆來款附

張柬之

相則天誅二張返正中宗復唐社稷以功封漢陽王仍授襄州刺史典鄉郡也

魯景

安祿山反拜為襄陽節度使初賊欲剽亂江湖賴景拒其衝故南夏以全

大元大一統志卷第三百六十

奏進

集賢大學士資善大夫同知宣徽院事臣李蘭盱

昭文館大學士中奉大夫秘書監臣兵 鉉等上進

均州

古蹟

三王城

寰宇記云此乃前漢末王康王常王鳳三人所築各自有一城今遂號為三王城

上庸城

唐李孝恭

武德元年拜荊州大總管六年遷襄州
道行臺尚書時額表未平孝恭撫慰四
十九州皆來款附

張柬之

相則天誅二張返正中宗復唐社稷以
功封漢陽王仍授襄州刺史典鄉郡也

魯景

安祿山反拜為襄陽節度使初賊欲剽
亂江湖賴景拒其衝故南夏以全

大元大一統志卷第三百六十

奏進

集賢大學士資善大夫同知宣徽院事臣李蘭盱

昭文館大學士中奉大夫秘書監臣兵 鉉等上進

均州

古蹟

三王城

寰宇記云此乃前漢末王康王常王鳳
三人所築各自有一城今遂號為三王
城

上庸城

魏略曰征北將軍申耽曾爲此太守晉
司馬宣王征破之

舊豐利城

寰宇記云在鄖鄉縣西二百四十里元
和郡縣志云本漢長利縣在長利川故
名宋於此僑置上洛郡後魏置爲豐利
郡隋立豐利縣舊唐志云後魏置豐利
郡分錫縣置豐利縣武德初屬上州
廢屬均州唐會要同又九域志云乾德
二年廢入鄖鄉

天柱山

在鄖縣錫義鄉山去縣二百里山之左
有一柱峯曰天柱山上有三石門內有
飛僊一日三朝

千丈崖

晏公類要云在武當縣又有千丈峯

琵琶谷

隋圖經云漢水經琵琶谷至滄浪洲滄
浪洲即漁父棹歌處也

萬戶谷

在武當山定心石下中鼻山之東其廣容萬戶故名

定心石

大小有二下臨萬仞巋然陡絕觀者股慄喜事者或立其上以示心術之平

錫穴

在傳楚潘崇伐康至于錫穴是也

水簾

在武當山

渚口

俗傳如此其實渚水也在鄖縣西六十里漢地理志渚水入于漢

天池

在武當山

鹽池

唐元和志又唐志並云在武當縣東南百餘池水四周上有紫氣池左右草木十餘里氣所染上如霜雪嘗之如鹽上人謂之鹽花

金泉

在州治治平元年王齊作記

石舊泉

晏殊類要云在武當縣

甘露泉

在武當山南巖泉味甘美民間往往汲取以愈諸疾

龍井

在武當山

白花泉

在武當山

參斗泉

晏殊類要云在武當縣汲水不竭圖經云雖千人汲之不減不汲亦不增又云參星下臨因以為名其山亦名參山

法華巖

昔慧哲居此誦蓮經常有龍女來聽在俞公巖之西

九卿巖

佛子巖

僊女巖

竝在武當山

俞公巖

古記隋僧慧哲在巖中誦蓮經有白衣老人自謂俞公三反來聽曰我東溟之子誦居此地限滿得還斯我所居願奉仁者

李園巖

李仲僊潘岳閑居賦註房陵朱仲家有縹李世所希有巖在千丈峯之下黃太清修道巖

陶幼安百花泉巖

並在武當縣晏殊類要云

一品鄉

在鄖縣有鄧公里按張士遜以鄧國公致仕歸光化縣乃其鄉也今鄖縣有一品鄉里曰鄧公意者因官就居于此也象之亦云然

延岑城

按北史後周武成元年自鄖鄉城移于此又云故城即後漢延岑所築而元和

郡縣志及寰宇記武當縣下又云唐顯慶四年自延岑城移治今所則郡非岑故城也况自端平三年遭兵禍而郡置治愈非其舊

國朝至元十二年歸附創立郡治復還舊

聖木

舊圖經云在武當縣東洲渚江漢中長五丈

社樹

隋圖經云南陽武當南門有社栢樹大

四十圍梁蕭順為郡守伐之言大蛇從樹腹中墮之窟數圍長三丈羣蛇數千隨入南山聲如風雨

成和聚

後漢郡國志南陽郡武當縣有此

謝羅山

圖經云晉咸和中歷陽謝允探羅道玄隱遯斯山故曰謝羅山

張黃二真人葬履壇

在龍山之頂鄖縣西北一百里昔有二

真人飛昇遺履而去其後乃蓋履于壇
有二石道士侍立壇所

望僊臺

在武當山五龍觀

梳洗臺

在鄖縣東六十里王震詩云俗緣磨未
盡空山傍粧臺溪雲惹粉黛巖花寶曆
開

宗海樓

宣和辛丑三山陸愷作記大槩謂下臨

清漢江山映帶景物之變無窮騷人之
所不能詠畫工極思莫狀其美

太和樓

前面太和峯山川環會為一郡之壯觀

紫雲亭

舊在州治占一郡之勝亭記云元符三
年晁端慤作

望僊亭

舊在州治占一郡之勝亭記云宋元符
初劉濬作

尹亭亭

宋端平三年楊恢作碑記尹殊字師魯
嘗謫此州舊有此亭而荒穢久矣繕修
一新魏了翁作記

龍洞

在武當縣

白蓮洞

在武當山

黑龍潭

在武當山

九度澗

晏殊類要云在武當縣

修多羅藏

唐肅宗賜經五千卷藏額亦肅宗所賜

希夷菴

在武當山陳搏嘗棲隱于此

伏虎菴

在武當山

鳳凰洲

王象之紀勝引晏殊類要云在鄖鄉縣

唐濮王泰塚

在鄆縣北地名長辨村

謝安謝賢二塚

在武當縣南十五里此必非晉太傅謝安也

蠻王塚

在武當縣南二百步

漢中部碑

張來君碑

魏興太守碑

並在豐利舊縣

隋韋氏神道

已漫滅

石橋記

在武當山落帽峯

舊魏興太守譚義德政碑

在鄆縣一百五十里

狼子塚

在狼子峯下後為水所壞成一小洲

乾明寺

本唐濮王泰薨妃閻氏於宮地建延福寺有浮圖記咸寧五年敕沈長卿纂文張元靚書又有上元三年建張士遜述黃通書宋太平興國中賜今名有唐經藏碑銘按延福寺碑在鄆鄉縣乾明寺上元中王府功曹沈長卿撰後火焚碑湮毀太平興國中僧海清于坎陷中依堵塙整之如故

太平興國寺

唐廣德二年詔惠禪師曰朕有一子乞

保延昌乃以太平延昌爲寺名宋太平興國二年改今名

乾興院

去鄆鄉一百二十里宰相張士遜功德院也

明道觀

唐貞觀十八年改濮王泰宮爲龍飛觀在鄆鄉縣西宋天聖八年賜朝元圖有聖祖天寧六年御坐傍有太祖太宗御容紹興十七年迎朝元圖赴行在所

唐德觀

在鄖鄉東南十五里無碑記可驗惟中尊太上老君爲聖祖以此考之自唐建焉

白鶴觀

在鄖鄉縣之西陵十五里晉帝者封禪于東嶽感仙鶴五百餘隻降于壇上天下許置觀以白鶴爲名

五龍觀

在武當山

唐濮王泰廟

在鄖縣北

唐威武公廟

按乾符三年翁洮撰記山南東道觀察使趙凝立

隋顯崇觀

在鄖縣西有碑大業五年爲祝壽之所銘存於州治後碑云大業己巳歲今六百餘年

殷少師祠

宋紹定三年楊恢知均州魏了翁作記大意云少師雖以諫死而無救於宋國之亡距今幾三千年興衰治亂亦秋豪不相涉也而是心之靈可以立天地宰萬物者昭昭赫赫與天地相爲無窮乃至因其子孫在吾地相與祝爲社祠焉嗚呼是倦倦者誰寔使之恢以比干之裔久居此土因而立祠

官蹟

濮王泰

唐貞觀中在均州建延福寺浮圖記云隆本支于衛梓昭茂葉于虞桐

殷均州

唐權德輿有此序而忘其名

李縈

虞州郡守題名云唐李縈元和十二年自均州除縈守兩郡皆有惠愛吏民甚德之

曹翰

宋太祖征蜀以翰爲均州刺史鑿山開

道商旅以濟詔翰兼轉運使

司馬周卿

通判均州先是房州竹山有金溪出金
豪族專其利監司欲命官往市皆憚險
辭周卿遂往躋攀崖巘者之終畫條目
公私俱利

尹洙

先知渭州董士廉城永洛洙奏罷之士
庶上書訟洙乃責均州監稅

李垂

自絳州還朝宰相欲用爲知制誥而垂
不往見曰道之不行命也執政惡之出
知均州郡有鹿脯羴羊角麝香山雞皮
姜蕤椒蠟之產吏白歲獻朝貴例也垂
不從

范純粹

宋哲宗朝爲戶部侍郎坐元祐黨謫居
均州

韓維

宋元祐元年爲門下侍郎後坐黨籍責

安置均州純粹維昏名賢也

陳與義

號簡齋居士宋建炎二年為州守

王煥

繫年錄云宋建炎四年江中賊犯均州知武當縣王煥率邑人保山寨賊至或勸之遁煥曰使吾有此心則不能與邑人為此來矣遂舉家俱死

凌景夏

宋紹興二十二年知均州先是景夏在

秘館與秦檜異論閑居十餘年

楊恢

宋紹定二年知均州下車之後建立比干祠以勸臣忠以勵俗壞金人犯均州甚急恢率官吏盡力固守金圍困幾旬月而恢守益固卒全一城後改知黃州兼淮西提點刑獄

人物

龐德公

圖經云山有此巖德公襄陽人居此山

後携妻子登鹿門采藥不返今有隱處

張士遜

光化人也而均州鄖鄉縣有鄧公里有功德院在焉士遜雍熙中植桐于蕭寺壬辰登第後仕至宰輔告老來寺留題有曰桐枝手植有桐孫二紀重來愧此身三匹衣魚聯貴仕十洲軒冕接清塵耕桑雖喜多新隴耆艾堪嗟少故人蕭寺前題粉壁在又書丁巳對壬辰

倦釋

陰長生

漢陰皇后族聞馬先生有道隱武當山從其學後在忠州儂都白日飛昇

謝允

真誥稽神樞云字道通歷陽人咸康中入武當山水經云允捨羅邑宰隱遁此山故曰謝羅山

劉虬

字靈預宋泰始中爲晉王府記室參軍解官辟穀隱武當山今劉爽巖是也

尹真人

南雍州記云武當山有石室相承云是
尹喜巖有銅床玉案圖經及郡縣志云
武當有尹喜巖即其處

山世遠

陶宏景云世遠即尹公弟子捨家入道
得爲太和山真人武當古謂之太和山
事見真誥

真武

隋開皇元年三月三日誕生而神靈居

武當山四十二年飛昇今有飛昇臺即
其地

陳搏

字圖南亳州人舉進士第從武當山移居

華山

黃衣道者

宋開寶中有元明往武當山朝曦欲上
宿霧半開見一黃衣人經藏中生招之
已失但聞異香馥郁詩曰八十老翁今
自說曾爲霧裏見僊人張鄧公詩集云

慧哲

姓趙襄陽人誦經出中龍子來聽

處洪

唐末居武當山時王建以盜繫獄吏縱去遁武當山處洪語曰子骨特奇宜從軍求富貴奈何爲盜建感其言隸忠武軍後爲蜀王

慧忠

住武當山七年唐天寶末安祿山遣其將武令珣圍鄧令珣問燕主滅數師憤

然曰逆雖安足問但吾生靈自厄耳祿山滅南陽山表其事肅宗召忠賜號國師

大元大一統志卷第三百六十

大元大一統志卷第三百六十一

秦進

集賢大學士資善大夫同知宣徽院事臣字蘭躬

昭文館大學士中奉大夫秘書監臣岳 等上進

房州

房陵縣 竹山縣

建置沿革

禹貢梁州之域楚地翼軫之分野鷄尾之次於辰在巳舜封堯之子丹朱于房古康庸二國之地庸以兵助周武王春秋左傳云文王十一年楚子伐麇成大心敗麇師

大元大一統志卷第三百六十

大元大一統志卷第三百六十一

秦進

集賢大學士資善大夫同知宣徽院事臣李蘭躬

昭文館大學士中奉大夫秘書監臣岳篔簹等上進

房州

房陵縣 竹山縣

建置沿革

禹貢梁州之域楚地翼軫之分野鷄尾之次於辰在巳舜封堯之子丹朱于房古麋庸二國之地庸以兵助周武王春秋左傳云文王十一年楚子伐麋成大心敗麋師

于防渚闢駟以為防陵即春秋時防渚防
渚之得名自此始戰國屬楚秦惠文王十
三年攻楚取漢中地置漢中郡始皇徙趙
王遷于房陵呂不韋之家亦徙焉徙趙王
遷呂不
韋並據王蒙
之紀勝云二漢因之房陵及上庸縣並
屬漢中郡東漢末獻帝改防為立立房陵
郡又置上庸郡建安二十四年蜀劉備遣
孟達攻房陵上庸二郡魏文帝黃初元年
以蜀將孟達來降乃合房陵上庸西城三
郡為新城以達為太守理上庸後達畔魏

降蜀司馬宣王討平之移理房陵太和二
年析新城郡地置上庸郡歷晉宋齊為新
城上庸二郡新城郡領縣六理房陵上
庸郡領縣七理上庸縣梁
天監末置岐州與郡同理房陵侯景之亂
地入西魏改新城郡為光遷國魏廢帝後
二年
周武帝廢光遷國改置遷州此據元和郡
國志及通典
隋煬帝廢州為房陵郡領縣四曰光遷竹
山房陵上庸唐武德元年改遷州又於竹
山縣置房陵郡竹山上庸武陵三縣貞觀
元年隸山南道尋廢遷州移房州于廢遷

州城舊唐志貞觀十六年省武陵縣
改光遷為房陵縣
隸山南東道唐會要在武后時中宗居房
州天寶元年改房陵郡乾元元年復為房
州梁開平元年房州刺史楊虞叛附于蜀
宋隸京南路太祖以周鄭王出居房州謂
辛文悅長者命知房州事時則開寶二年
也太宗雍熙三年十二月癸巳置保康軍
於房州以劉繼先為節度使高宗建炎初
置金房關達四州安撫使以房隸于金州
二年金人入寇公私室廬俱燼煨燼遂移

治竹山紹興三年復遷于房陵之張羅平
六月迺移理南山之南隆興元年專隸京
西路紹定四年遭兵亂焚毀明年復立州
治遷于城南五里德祐元年夏知州事黃
思賢聞江陵府歸附於是至江陵中陵行
省自納土

國朝遣千戶鎮守仍命思賢領州事遷州于舊理
至元十九年九月隸襄陽路領縣二

房陵縣

唐書宰相世系表云舜封堯之子丹朱於

防朱生陵以國爲氏左傳爲防子國元和
郡國志云本漢舊縣屬漢中郡初爲防東
漢改爲房以陵爲名隋志云舊曰房陵置
新城郡梁末置岐州後周郡縣並改光遷
舊唐志云魏改爲光遷國武德初改爲遷
州置光遷縣又改爲房州兼改光遷爲房
陵宋開寶初省永清入焉紹定四年經兵
火隨州遷理于城南

國朝遷縣于舊治

竹山縣

本古之庸國漢之上庸縣周武王會諸侯
于孟津庸人往焉尚書曰庸蜀羌茅微盧
彭濮人是也左傳曰庸帥葦蠻以叛楚使
盧戢黎侵庸後遂滅之通鑑赧王四年秦
置上庸縣故靳尚言秦將以上庸六縣易
張儀于楚後漢立上庸郡隋志云梁曰安
城西魏置竹山縣舊唐志武德元年置房
州貞觀十七年移州治房陵縣宋開寶初
省上庸縣入焉紹定四年郡遭兵禍竹山
去州一百二十里亦焚燬後僑治于縣南

國朝復還舊理

坊郭鄉鎮

房陵縣

修文鄉

宜陽鄉

夏丰鄉

房陵鄉

禮義鄉

竹山縣

寶豐鄉

里至

本州

東北至上都三千九百五十里

東北至大都三千一百五十里

東北至本路五百里

東至南漳縣界山二百二十里

南至均州房陵鄉山界二百四十里

西至金州尹店江界二百九十里

北至均州界山一百八十里

東到南漳縣四百一十里

南到歸州四百五十里

西到金州五百七十里

北到均州二百七十里

東南到峽州夷陵縣四百二十里
東北到穀城縣二百六十里
西南到歸州興山縣三百五十里
西北到金州白土關三百三十里

房陵縣

東北至上都三千九百五十里
東北至大都三千一百五十里
東北至本路五百里
東至南漳縣界山二百二十里
南至均州房陵鄉山界二百四十里

西至竹山縣倒驢坡八十里
北至均州界山一百八十里
東到南漳縣四百一十里
南到歸州四百五十里
西到金州五百七十里
北到均州二百七十里
東南到峽州夷陵縣四百二十里
東北到穀城縣二百六十里
西南到歸州興山縣三百五十里
西北到金州白土關三百三十里

竹山縣

東北至上都四千六十里
東北至大都三千二百六十里
東北至本路六百二十里
東至本州一百二十里
東至房陵縣倒驢坡界五十里
南至歸州界山六百里
西至金州尹店河界二百二十里
北至均州界山八十里
東到房陵縣一百二十里

山川

房山

在房陵縣西三十里山四面有石室似

房因名寰宇記云

鳳凰山

在房陵縣西三十里誌公和尚梁武帝朝爲國師遊行至此任錫名曰鳳凰山

九室山

在州西四十里爛柯山有仙宮唐封名爲天保之殿山上有陳搏修煉之所故名曰九室山

阜山

在房陵縣南圖志云魯文公十六年戎

伐楚西南至于阜此其地也

南山

在房陵縣南宋建炎二年正月簡齋陳與義在房州城遇金騎至奔入南山十五日抵回谷張家有詩云久謂事當爾豈意身及之避寇連三年行半天四維我非洛豪士不畏窮谷饑但恨平生志輕了少陵詩今年奔房陵鐵馬背後馳造物亦惡劇脫命真豪釐南山四程雲布襪傲嶮巖籬間老笑背無意管安危

知我是朝士亦復顰其眉呼酒軟客腳
氣本濯玉肌窮途士易德歡喜不復辭
向來貪讀書閉戶生白髭豈知九州內
有山如此奇自寬實不情老人亦解願
投宿恍世外青燈耿茅茨夜半不能眠
澗水鳴聲悲

鴈山

本景山也在房陵縣西南二百里山海
經曰荆山之首曰景山鴈南翔徧經其
上去由此改曰鴈山

定山

吳曾漫錄云房陵定山有朱仲子園三
十六所

雞鳴山

在房陵縣北百里

馬息山

在房陵縣北七十里

馬盤山

在房陵縣

黃竹山

元和郡國志云在房陵縣北百里因黃竹嶺爲名

建鼓山

在房陵縣袁崧記云登勺將山見馬鬣建鼓巖然半天元和郡國志與馬驥山相接冬夏積雪

覆船山

在房陵縣西

停舟山

在房陵縣西

爛柯山

在房陵縣西南四十里即樵人爛柯處也

石門山

在房陵縣陳簡齋詩云石門泄風無旦夜古木截道藏雷雨

罵詈山

在房陵縣四面有三十四山其名惡者目之曰罵詈山

方城山

房州圖經云楚懷王二十年秦與齊韓魏共發兵攻楚方城秦軍登山以望楚因取名望楚山元和郡國志云方城山在竹山東山上平坦四面險固山南有城周十餘里春秋庸地有四方城居其一也楚使盧戢黎侵庸方城註云在上庸縣

望夫山

在房陵縣南東渡江

兩乳山

在房陵縣

五女山

在房陵縣鄧村

女媧山

在竹山縣燕子山相對後溪劉光祖詩云女媧山下少人行洞谷聲中一鳥鳴庸城山

在竹山縣西五里舊名垂鼓山在上庸縣唐人昔居此邑山上置鼓因名垂鼓又按隋志云竹山縣有垂鼓山九域志

云

礬石山

在竹山縣北舊云山有礬石其白如雪

白馬山

在竹山縣西南山石似馬望之逼真曹

孟達嘆金城千里即此也

龍低山

在竹山縣南二里古老相傳昔有道士

王若冲於此山服柏葉白日冲天

燕子山

在竹山縣寶峯鎮之左

橫鞍山

在竹山縣庸城山相近

長蘿山

在上庸縣即竹山縣北四十里

倉樂山

在竹山縣東北百餘里舊經云昔有邑人徐無周家富積粟於此後遇饑饉民之食發倉粟以救饑鄉人德之故名此

山

長腰山

在竹山縣

望仙山

在竹山縣

二經山


在竹山縣百丈山對岸

九女山

在竹山縣望仙山之右


百丈山

在竹山縣微江對岸




國家圖書館 NATIONAL CENTRAL LIBRARY, TAIWAN, R.O.C.









國立中央圖書館 NATIONAL CENTRAL LIBRARY, TAIWAN, R.O.C.





國家圖書館 NATIONAL CENTRAL LIBRARY TAIWAN R.O.C.





國家圖書館 NATIONAL CENTRAL LIBRARY, TAIWAN, R.O.C.

3400567 v2





大元大一統志卷第三百六十五



奏進

集賢大學士資善大夫同知宣徽院事臣孛蘭盱

昭文館大學士中奉大夫秘書監臣岳 鏡等上進

南陽府

風俗形勢

史記云秦滅韓徙天下不軌之人於南陽
故其俗夸奢尚氣力好商賈漁獵藏匿難
制宛西通武關東受淮海一都會也
又曰潁川南陽夏人之居也夏人政尚忠
朴猶有先王遺風俗雜好事業多賈其任

國家圖書館 NATIONAL CENTRAL LIBRARY, TAIWAN, R.O.C.



俠交通穎川故至今謂之夏人

淳朴尚農蓋有杜召之遺風

南陽治宛此秦制也漢因之世祖起南陽

開白水真人之祥摯虞曰南陽郡治宛城

在京之南故曰南都

張衡作賦謂於顯樂土既麗且康陪京之

南居漢之陽

又曰其地勢則武闕闔其西桐栢揚其東

流滄浪而為阻廓方城而為墉湯谷涌其

後洧水溢其胸張衡賦

其山則崆江口坑五塢音竭塢五塢塢大嶼音蔡

遼刺峯在容嶺作鬼嶺五嶺嶺金香嶺許屹嶺乞魚

嶺五來嶺谷嶺峯嶺吟嶺夏嶺含嶺霜嶺雪嶺或嶺若嶺均嶺嶺嶺而

纜聯或豁爾而中絕

天封大狐列僊之陬上平行而曠蕩下蒙

籠而崎嶇坂坻截薛而成嶽谿壑錯繆而

盤紆

輿地志云三國鼎立荆州三分關羽既沒

南郡屬吳荆州之北南北雙峙魏立荆州

在北治宛南陽是也吳立荆州治江陵今

郡城是也

屈草爲宛謂方俗素偃屈茅茨以覆屋其縣因以得名輿地志云

南陽之地北有成皋之固西有商阪之阻

東有宛穰九百餘里

蘇秦說宣惠王云

豐山之峯巉崑積翠之石森爽冒寒之松

上無飛鳥下無人蹤

喬潭霜鐘賦

路分三鴉之險城有一雉之名舊圖經云

飼鴉有臺記光武指路之迷卧龍有岡識

孔明躬耕之迹舊圖經云

宛穰之北伊洛之南山水盤紆丘原曼衍

王襄辨方志云

南陽列壤分建于秦世傳爲秦頭楚尾王

襄辨方志云

疆字已非周謝國風煙猶是漢南都按唐

臣宛城懷古詩

鄧爲襄漢之藩籬南陽縣又爲鄧州之藩

籬古形勝之國也虞允文奏議云

古蹟

杜行故城

在南陽縣西南八里按漢志杜衍舊爲
南陽屬邑漢高祖以王翦刺項羽封爲
杜衍侯世祖建武二年遣祭遵擊鄧奉
破之即此地

西鄂故城

在南陽縣北四十里舊向城縣南二十
里向城今俗呼故城按水經云涓水又
東南逕臨西鄂故城應劭注云江夏有
鄂故此加西字以別之
故向城

南陽縣北六十里有故城東臨四十里
西臨向渠亦有向城按漢地理志云後
魏孝文拓定山南於西鄂縣之東古向
城內置向城縣後周顯德三年廢入南
陽縣里俗相傳今南陽縣六十里地名
故縣者是也其別一向城乃春秋時許
國向邑之人遷于此故有此號今南陽
東北有村謂聚與向城相別而得名
雒城

王襄辨方志云本故南陽縣之向城地

近南五十里按雒縣故城舊屬南陽郡
南陽縣秦文公時有陽伯者逢兩童子
路行其一子曰我一雉也得雌者伯得
雄者王二童子飛去化爲雙雉其一西
飛去陳倉陝右名寶雞縣其一東飛于
此地故其城以雉得名今南陽縣北八
十里豫山之後古墓渠聚不遠猶有居
民謂之小雉城此其遺雉也師古曰雉
弋爾反

博望城

在南陽縣東北六十里臨拓水舊屬南

陽縣漢表云武帝元朔五年封張騫爲
博望侯因以從大將軍衛青西征爲軍
前導相望水草得不乏絕

朝陽西城

王襄辨方志云古朝陽縣屬南陽縣在
朝水之陽又有西城者疑當時朝水爲
患移其城壘耳其地今屬朝王村俗呼
刁城王陽聲相近

涓陽故城

舊屬南陽郡以在涓水之陽因建此縣

漢地理志云縣有南筮聚在東北水經云涓水南入縣又西南逕涓陽縣故城今南陽西南有故城高大俗呼爲綠楊村乃古之涓陽城也

安衆故城

在南陽縣西南三十里舊有此縣即宛之西鄉也水經云湍水向南流逕安衆縣故城今地名安衆者非古之縣城也辨方志云

南鄉故城

在南陽縣百餘里地名沙堰水經云漢建安中割南陽舊壤置南鄉郡其南鄉縣城晉興寧中太守王廡之築也

濠縣故城

王襄辨方志云南陽縣北名東城子者是也古城內有寺寺有碑而刻曰濠州濠陽縣徧檢諸傳記無濠州名只有宏州在當鴉路要害處石勒自建鄴行幸斬侯脫於宛中經由此路南去石勒山不遠

武延城

在南陽縣東北二百里俗謂之西城子
即武延故城是也春秋時楚受蔡侯降
于此荊州記曰鄧州南降縣有武延故
城城之北有白石城遠望狀如層冰積
雪赫奕雲日

阿利故城

王氏辨方志云舊圖經謂此城在南陽
縣西南九十里相傳是晉惠帝割山都
縣境有曰利城苻堅之末百姓患之築

皇后城

壘寄此自謂阿利城亭營戍城水經云
南陽縣西十里有亭營古戍城永嘉初
年以南陽郡屬荊州故築戍城曰亭營
王氏辨方志云水經謂開水歷南陽縣
雉衡山逕皇后城西建武二年世祖遣
侍中傅俊持節乃迎光烈皇后于清陽
舍稅駕所在有應城由此得名

百章郭

王氏辨方志云水經云清水歷東南流

入雒縣之雒衡山東經百章郭荊州記
云張衡碑北二十里故城曰百章郭俗
呼擘璋郭也

安樂鄉

在南陽縣南百里消水經安樂鄉之東
漢桓帝封胡廣爲涇陽安樂鄉侯即此
地也

寇軍城

在南陽縣西四十五里漢縣漢大將軍
霍去病所封之城漢長史於此作碑記

去病之功

三鴉路

在南陽縣北七十里分二路東北帶西
而行者謂之三鴉路中有石山鯉魚山
拓禽山即行人來往趨西洛之便路也
石川爲第一鴉路口分水嶺爲第二鴉
路口今在汝州界者第三鴉路口也

上石堰

在南陽縣北五十里西鄂之東堰消水
東流經下向又東至斗門分爲二渠東

流者曰新河入唐州界灌黃池白玉陂
南流者曰西古渠至鎮莊漸爲枝派分
布百餘處渠各有名溉墳壩之地三十
餘頃又分界渠于東道灌黑土白土二
陂俱種以稻民賴其利

馬渡港堰

在南陽縣東七里消水南流爲栗河灌
三十陂安陽陂溉墳壩之地二十餘頃
但種以稻又云牟河渠本馬渡也舊有
古迹清水西流下注南陽縣境百餘里

與衆水連接有堰場以時停蓄入淮安
郡境西南注于湍水古馬渡港宋時用
提舉常平事毛漸奏陳始議興役元豐
年間南陽縣丞燕居冲董治工役渠成
民賴其利高下灌漑乃千餘頃俗呼爲
牟河渠渠之初成高可渡馬其後渠道
潰溢幾爲河矣

沙堰

在南陽縣百里古南鄉城之左堰蓄水
南流溉田一千餘頃

金龜潭

王襄辨方志云南陽去縣城西南有此潭昔有人於水側見一大龜長尺餘金線經絡四足各躡一小龜而行或就是飲溪水

般陂

王襄辨方志云在南陽縣西二十里上承歷陂餘水東北自故城縣界流入河謂之五魚堰是也

瓜里津

王襄辨方志云南陽縣北四十里有曰柴籬者漢王所謂瓜里津水經云津上有三梁謂之瓜里渡

七星冢

去南陽七八里間有古墓在道傍墓前立石如北斗象舊俗呼爲七星冢

故呂城

王襄辨方志云在南陽縣三十里史記云太公尚先祖嘗爲四岳佐禹平水土虞夏時於呂或封爲申姓姜氏徐廣注

曰在南陽宛縣西古縣西村名董呂即
故城也

石礮

在南陽縣三里涓水環流舊爲一城之
勝蓋可以禦水患而障城郭也其堅完
疊石猶在前賢題詠甚多惟李太白登
覽有詩云朝陟白水源暫與俗人疎島
嶼佳景色江天涵清虛日送去海雲心
閑遊水魚長歌盡落日乘月歸田廬

卧龍岡

在南陽縣界內諸葛孔明躬耕之地又
荊州記云南陽縣西七里獨樂山諸
葛孔明嘗登此山作梁甫吟古今題咏
甚衆惟王荆公安石詩云漢日落西南
中原一星黃羣盜伺昏黑聯翩各揚揚
武侯丁斯時龍卧獨摧藏掉頭梁甫吟
羞與衆爭光邂逅得所從幅巾起南陽
崎嶇巴漢間更以弱攻強暉暉若長庚
孤出照一方勢欲起六龍東迴出扶桑
惜哉淪中路怨者爲悲傷豎子祖餘策

猶能走強梁范仲淹詩有人物高傳卧
龍里之句

光武臺

在南陽縣南百里消水東地名田家作
允裕之有詩云東南地上遊荆楚兵四
衝游子十月來登高送長鴻當年亦帝
孫提劍起蒿蓬一顧渚水斷再顧新都
空雷霆萬萬古青天看飛龍巋然此遺
臺落日荒烟重誰見經綸初指麾定羣
雄白水日夜東石麟幾秋風空餘廣武

歎無復雲臺功

飼鴉臺

王氏辨方志云三鴉中大山之側有一
石臺相傳光武北趨河朔至此失路得
鴉引于馬前飼鴉於此臺後因以名

魏武帝臺

在南陽縣西北去城不遠高三丈許俗
指曰光武臺以記志考之乃光武所建
也

曲河驛

河有南北去南陽縣三十里唐時置驛
韓昌黎愈經行有詩云農發曲河驛淒
然自傷情羣鳥巢庭樹乳鷺飛蒼楹

黃連橋

在南陽縣山谷黃庭堅有詩云溪橋喬
木下往歲記經過居然指神社不敢尋
斧柯青松百尺蔽白日烏鵲散意占作
窠黃泉浸根雨飛葉造物著意固已多
風摧雷打掃地盡竟莫知爲何謹訶獨
山冷落城東路不見指名終不磨自注

云時黃連橋壞大木亦爲秋電所碎故
作

石橋

去南陽縣北五十里有鎮黃山谷有詩
與縣大夫任祖行云令尹鳴騶過石橋
想君寒夢正飄搖退思轉覺年來劇亂
似春風柳萬條

板橋

去南陽縣九十里地瀆白河有好魚鶴
鶉甚多黃山谷詩有攜手河梁愁欲別

離魂芳草不勝招之句又有解鞍板橋
頭春風困柳腰白河昏不登芳草起我
愁之句

小長安

後漢地理志云滎陽縣有小長安水經
曰縣逕小長安郡國志曰縣有小長安
聚光武攻滎陽不下引兵攻宛至小長
安與甄阜梁邱戰敗于此按圖經云故
城今在南陽縣東謝沈後漢書曰漢引
兵與甄阜梁邱戰于小長安漢兵敗

退保扶陽城周回一百二十步在縣
南三十七里滎水之東是也

魯陽關

在南陽縣界水經云古城左右連石梯
漢秀水干雲張景陽詩云朝登魯陽關
狹路阻且深即司馬芝與母過賊處關
去向城古縣八十五里松嶺山東設險
防患昔置此城

劉相公宅

南陽縣西四十里有宅基存焉相傳是

劉家宅世祖行幸章陵此為行宮也今平鄉在南陽縣南故里有劉相公宅近有地名謂之內園亦是世祖當時遺址也

張衡宅

後漢河間相衡字平子西鄆人也其故宅遺址尚存在故向城縣南三十里西鄆城東二十步郡國志云城西有平子讀書臺

鄧晨宅

大元大一統志卷第三百六十七

奏進

集賢大學士資善大夫同知宣徽院事臣李蘭財

昭文館大學士中奉大夫秘書監臣岳鉉等上進

南陽府

人物

直不疑

南陽人為郎事漢文帝其同舍有告歸誤持其同舍郎舍去已而同舍郎覺之意不疑不疑謝有之買金償後告歸者至而歸金亡郎大慙以此稱為長者景

劉家宅世祖行幸章陵此為行宮也今平鄉在南陽縣南故里有劉相公宅近有地名謂之內園亦是世祖當時遺址也

張衡宅

後漢河間相衡字平子西鄂人也其故宅遺址尚存在故向城縣南三十里西鄂城東二十步郡國志云城西有平子讀書臺

鄧晨宅

大元大一統志卷第三百六十七

奏進

集賢大學士資善大夫同知宣徽院事臣李蘭財

昭文館大學士中奉大夫秘書監臣岳鉉等上進

南陽府

人物

直不疑

南陽人為郎事漢文帝其同舍有告歸誤持其同舍郎舍去已而同舍郎覺之意不疑不疑謝有之買金償後告歸者至而歸金亡郎大慙以此稱為長者景

帝後元元年拜爲御史大夫武帝即位
與丞相綰俱以過免不疑學老子言其
所爲官如故惟恐人知其爲史迹也不
好立名

杜延年

字幼公南陽杜衍人也父周御史大夫
有三子其幼也雖明法律所行寬厚延
年本大將軍霍光吏首發大姦有大節
遂擢爲大僕右曹給事中光持法嚴延
年輔之以寬後爲北地太守徙西河太

守五鳳中徵爲御史大夫延年居父官
府不敢當舊位坐卧皆易其處是時海
內清平延年視事三歲請骸骨歸未許
稱疾篤賜安車駟馬就第數月薨子緩
仕至太常緩六弟五人至大官中弟欽
官不至而最知名

欽

字子夏少好經書家富而目偏盲故不
好爲史茂陵杜鄴與欽同姓氏俱以才
能稱京師故衣冠謂欽爲盲杜子夏以

相別欽惡以疾見詆迤爲小冠高廣才
二寸由是京師更謂欽爲小冠杜子夏
而鄴爲大冠杜子夏大將軍王鳳與欽
兄緩相善故深知欽能奏請欽爲大將
軍武庫令後日食地震詔舉賢良方正
能直言極諫者欽應詔歷陳災異以及
輔政違闕拜議郎徵詣大將軍幕府京
兆尹王章以直死欽說鳳曰今塞諫諍
之原損寬明之德宜因章事舉直言極
諫並見即從官展盡其意加于往前以

明示四方使天下咸知主上不以言罪
人也欽之補過將美此類甚多優游不
仕以壽終

李通

字次元南陽宛人父守身長九尺容貌
絕異初事劉歆好星歷識記爲王莽家
鄉師通亦爲五威將軍從事出補丞有
能名通與從弟軼謀今新室必亡漢當
復興南陽宗室惟劉伯升兄弟可計大
事時光武在宛通遣軼往迎光武通亦

相見共語移日握手極歡遂相約結通
因娶光武女弟伯姬是爲寧平公主及
光武即位徵通爲衛尉建武二年封固
始侯拜大司農帝每征討四方常令通
居守京師鎮撫百姓修宮室起學校五
年代梁爲前將軍天下既定通^王欲避
榮寵稱病乞身不許其夏引拜爲大司
空通布衣倡義助成大業性謙恭欲避
權執素有消疾自爲宰相謝病不視事
連乞骸骨令以公位歸第積三歲上司

空印綬十八年卒

吳漢

字子顏南陽宛人也家用乏常以販馬
自業往來燕薊間所至皆交結豪傑更
始立使使者韓鴻徇河北或謂鴻曰子
顏奇士也鴻召見甚悅之遂承制拜爲
安樂令漢素聞光武長者乃說太守彭
寵歸之於是遣漢將兵與上谷諸將并
軍而南所至擊斬王郎將帥及見光武
於曲阿拜爲偏將軍既拔邯鄲賜號建

策侯鄧禹又言漢勇鷲有智謀即拜漢
大將軍持節北發十郡突騎自此從光
武擊賊數有功光武即位拜爲大司馬
更封舞陽侯八年從駕上隴圍隗囂於
西城十一年討公孫述於成都平之明
年正月漢奏凱還至宛詔令過家上冢
十八年蜀又亂漢入成都又平之二十
年漢病車駕臨問所欲言對曰臣愚無
所知識惟願無赦而已慎及薨諡曰忠
侯發北軍五校輕車介士送葬如大將

軍霍光故事

陳俊

字子昭南陽西鄂人也少爲郡吏更始
立以宗室劉嘉爲太常將軍俊爲長史
光武徇河北嘉遣書薦俊光武以爲安
集掾從擊銅馬於青陽拜強弩將軍與
五校戰于安次俊下馬手接短兵所向
必破追奔二十餘里斬其渠帥而還光
武望而歎曰戰將盡如是吾何憂哉及
即位封俊爲列侯建武二年攻匡城下

四縣更封新處侯自是征伐皆有功八年討平張步十三年封祝柯侯二十三年卒

任光

字伯卿南陽宛人也少忠厚爲鄉里所愛從世祖破王尋王邑世祖自薊還狼狽不知所向聞光堅守信都即馳赴之光聞世祖至大喜吏民稱萬歲世祖以光爲左大將軍封武成侯使光將兵從所至擊賊有功建武元年世祖入洛陽

更封阿陵侯五年卒于隗

隗

字仲和少好黃老清淨寡欲所得奉秩嘗以賑卹宗族收養孤寡顯宗聞之擢奉朝請遷羽林左監虎賁中郎將又遷將作大匠建初八年代竇固爲光祿勳章和元年拜司空義行內修不求名譽和帝即位大將軍竇憲秉權會憲擊匈奴國用勞費隗奏徵憲還前後十上與司徒袁安同心畢力持重處正鯁言直

議無所回隱永元四年卒

朱祐

字仲先南陽宛人少孤歸外家劉氏往來春陵世祖與伯升皆親愛之伯升拜大司徒以祐爲護軍逮世祖爲大司馬討河北復以爲護軍常見親幸舍止於中祐侍讌從容曰長安政亂公有日角之相乃天命也世祖曰召刺姦收護軍祐乃不敢復言從征河北常力戰陷陣以爲偏將軍封安陽侯世祖即位拜爲

建義大將軍建武二年更封堵陽侯冬與諸將擊鄧奉於滎陽祐軍敗爲奉所獲明年奉破乃肉袒因祐降帝復祐位而厚加慰賜遣擊新野隨皆平之擊秦豐將張成斬之延岑敗走四年率破姦將軍侯進等圍秦豐於黎丘敗之明年夏豐窮困始肉袒降祐送洛陽斬之又與臧宮會擊延岑平之祐爲人質直尚儒學禁制士卒不得虜掠百姓軍人樂放縱多以此怨之二十四年卒

卓茂

字子康南陽宛人父祖皆至郡守茂先帝時學於長安博士江生習事詩禮及歷算究極師法稱為通儒性寬仁恭愛鄉黨故舊雖行能與茂不同而皆愛慕欣欣焉初辟丞相府史事孔光光稱為長者時常出行有人認其馬茂問曰子亡馬幾何時對曰月餘日矣茂有馬數年心知其謬默解與之挽車而去顧曰若非公馬幸至丞相府歸我他日馬主

別得亡者乃詣府送馬叩頭謝之茂性不好爭如此後以儒術舉為侍郎給事黃門遷密令吏始立茂為侍中祭酒光武即位先訪求茂謁見乃下詔褒寵以茂為太傅封褒德侯賜几杖車馬衣一襲絮五百斤後以茂長子戎為大中大夫次子崇為中郎給事黃門建武四年薨

韓歆

字翁君南陽人從攻伐有功封扶陽侯

常為沛郡太守入代侯霸為大司徒好
立言無隱諱帝每不能容因朝會問
帝讀隗囂公孫述相與書畝曰亡國之
君皆有才桀紂亦有才帝大怒以為激
發畝又證歲將飢凶指天畫地言甚剛
切坐免歸田里帝猶不能釋復遣使宣
詔切責之畝及子嬰皆自殺畝素有重
名死非其罪衆多不厭帝乃追賜錢穀
以禮葬之

趙熹

字伯陽南陽宛人少有節操從兄為人
所殺無子熹年十五常思報之乃挾兵
結客後遂往復仇而仇家皆疾病無相
拒者熹以因疾報殺非仁者心且釋之
去顧謂仇曰爾曹若健遠相避也仇皆
卧自搏後病愈悉自縛詣熹熹不相
見後竟殺之更始即位舞陰大姓有李
氏聞宛之趙氏有孤孫熹信義著名願
得降之更姓以此徵熹時年二十即除
郎中偏將軍事使詣舞陰而李氏遂降

又拜熹爲五威偏將軍拒破王尋王邑
於昆陽還拜中郎將封侯鄧奉反于南
陽及奉敗光武得熹平日與奉書乃驚
曰趙熹真長者也徵熹守南陽侯相單
車馳告南陽吏民皆自歸又以爲平林
侯相遷平原太守姦惡屏除蝗不入界
百姓歌之徵熹入爲太僕二十七年拜
太尉永平元年封郟鄉侯肅宗時爲太
傅錄尚書事建初五年卒

張堪

字君游南陽宛人早孤讓先父餘財數
萬與兄子年十六受業長安志美行厲
諸儒號曰聖童世祖微時見堪志恭常
嘉焉及即位仍拜郎中大司馬吳漢伐
公孫述時漢軍餘七日糧陰見船欲遁
去堪聞之馳見漢說述必敗漢從之乃
示弱挑戰述果出自戰死城下成都旣
拔堪先入據其城秋豪無私撫慰吏民
得其歡心蜀人大悅堪爲蜀郡太守二
年徵拜騎都尉拜漁陽太守勸民耕種

以有參穗兩歧之歌蜀郡計掾樊顯進
曰堪昔在蜀有仁有威公孫述破時珎
寶山積捲握之物足富十世而堪去職
之日來折轅車布破囊而已帝聞歎息
方徵堪會病卒

朱均

字叔庠南陽安衆人也漢明帝時以父
任爲郎年十五耽經書通詩禮善論難
至二十餘調補辰陽長俗少學者信巫
鬼均爲立學校禁淫祀以祖母喪去官

授潁川後爲論者乘傳發江夏兵三千
人解劉向武陵蠻之圍至則尚已沒伏
波將軍馬援至因令均監軍而援卒于
軍中士卒爲溫濕病死者大平均矯制
調伏波司馬呂种守沃陵長命种奉詔
入賊營告以恩信蠻人震怖即共斬其
帥而降均入營散其衆遣歸本郡爲置
長吏而還均未至先自劾矯制之罪光
武嘉其功賜以金帛令過家上冢遷上
蔡令又遷九江太守郡多虎常募設檻

寘而猶多傷害均到下記屬縣但令務
退姦貪思進忠善可一去檻寘其後傳
言虎相與東游度江浚道縣有唐后二
山民共祠之衆巫遂取百姓男女以爲
公媼歲歲改易不敢嫁娶前後守令莫
敢禁均乃下書今後爲山娶者皆取巫
家勿擾民於是遂絕永元中遷東海相
入爲司隸校尉出爲河內太守建初元
年卒于家族子意

意

字伯志父京以大夏侯尚書教授至遼
東太守意傳父業顯宗時舉孝廉以召
對合旨擢爲阿陽侯相建初中徵爲尚
書遷司隸校尉永元初大將軍竇憲兄
弟貴盛步兵校尉鄧疊河南尹王調等
羣黨出入憲門負執放縱意皆舉劾無
避二年病卒孫俱靈帝時爲司空

朱暉

字文季南陽宛人家世衣冠暉早孤有
氣決年十三王莽敗天下亂與母家屬

從田間奔入宛城道過賊白刃劫諸婦
女略奪衣物昆弟賓客皆惶迫伏地莫
敢動暉拔劍前曰財物皆可取耳諸母
衣不可得今日朱暉死日也賊見其小
壯其志乃捨之而去初光武與暉父岑
俱學長安有舊故即即位乃召暉為郎
中暉以病去卒業於太學後遷臨淮太
守吏人畏愛為之歌曰彊直自遂南陽
朱季吏畏其威人懷其惠數年生法免
建初中南陽大飢米石千餘暉盡散其

家資以分宗里故舊貧羸者鄉族皆歸
焉肅宗召拜為尚書僕射遷太山太守
入為尚書令和帝即位竇憲北征暉上
疏諫議病卒子頡頏子穆

穆

字公叔年五歲便有孝稱父母有病輒
弗飲食差乃復常及壯耽學銳意講誦
或時思至不自知亡失衣冠顛墜阮岸
其父常以為專愚初舉孝廉順帝末江
淮盜起議遣有能討賊者或說大將軍

梁冀曰朱公叔兼資文武海內奇士若
以爲謀主令可平賊冀素聞其名乃辟
之使典兵事拒帝即位穆因推災異奏
記以勸戒冀辭苦苦切遷侍御史永興
元年出爲冀州刺史有官者三人爲中
常侍並以檄謁穆穆辭不相見冀部令
長聞穆濟河解印綬去者四十人舉劾
權貴有官者趙忠喪父歸葬安平僭易
璽璫玉匣偶人穆下郡案驗吏畏其嚴
明遂發墓剖棺陳尸出之而收其家屬

帝聞大怒徵穆詣廷尉輸作左校太學
生劉陶等數千人詣闕上書訟穆公直
帝覽奏乃赦之居家數年徵拜尚書穆
既深疾宦官及在臺閣志欲除之乃上
疏指陳帝不納穆素剛不得意居無幾
憤懣發疽延熹六年卒時年六十四

馮良

字君朗南陽人少作縣吏年三十爲尉
徙佐奉檄迎督郵即路慨然恥在廝役
因壞車殺馬毀裂衣冠遁至蜀之犍爲

從杜撫學妻子求索蹤跡斷絕後見草
中有敗車死馬衣裳朽腐謂爲虎狼所
害發喪制服積十許年乃還鄉里志行
高潔非禮不動過妻子如君臣鄉黨以
爲儀表郡太守遣丞掾致禮不從年七
十終于其家

任延

字長孫南陽宛八年十二明詩易春秋
顯名太學中號爲任聖童更始拜會稽
都尉建武初徵爲九真太守後拜武威

太守

張衡

字平子南陽西鄂人祖文堪蜀郡太守
衡少善屬文游於三輔因入京師觀太
學遂通五經貫六藝永元中舉孝廉不
行連辟公府不就時天下承平日久王
侯以下踰侈衡擬兩都作二京賦因以
諷諫精思十年乃成大將軍鄧騭奇其
才累召不應衡善機巧尤致思於天文
陰陽歷算常耽好玄經謂崔瑗曰吾觀

太玄方知子雲妙極道數安帝聞術喜
術學公車徵拜郎中再遷爲大史令自
去史職五載復還乃設客問作應問以
見其志永和中自侍中出爲河間相下
卑治威嚴整法度上下肅然徵拜尚書
永和四年六十二

大元大一統志卷第三百六十七

大元大一統志卷第三百六十八

奏進

集賢大學士資善大夫同知宣徽院事臣李蘭肝

昭文館大學士中奉大夫秘書監臣岳 鉉等上進

南陽府

人物

董班

字季南陽宛人也少游太學尊事李固
才高行美不交非類嘗耦耕澤畔惡衣
蔬食聞李固以大臣無辜受誅乃星行
奔赴哭泣盡哀司隸按狀奏聞天子釋

A 1 2 3 4 5 6 M 8 9 10 11 12 13 14 15 B 17 18 19

1 2 3 4 5 6 7 8 9 10 11 12 13 14 15 16 17 18 19

太玄方知子雲妙極道數安帝聞術喜
術學公車徵拜郎中再遷爲大史令自
去史職五載復還乃設客問作應問以
見其志永和中自侍中出爲河間相下
車治威嚴整法度上下肅然徵拜尚書
永和四年六十二

大元大一統志卷第三百六十七

大元大一統志卷第三百六十八

奏進

集賢大學士資善大夫同知宣徽院事臣李蘭肝

昭文館大學士中奉大夫秘書監臣岳 鉉等上進

南陽府

人物

董班

字季南陽宛人也少游太學尊事李固
才高行美不交非類嘗耦耕澤畔惡衣
蔬食聞李固以大臣無辜受誅乃星行
奔赴哭泣盡哀司隸按狀奏聞天子釋

而不罪班遂守尸積十餘日不去桓帝
嘉其義激聽許送喪到漢中赴葬畢而
還也班與汝南郭亮同顯名三公並辟
之班遂隐身莫知所歸

宗資

字孝初南陽安衆人也舉孝廉九辟公
府有道徵不就後爲修武令時太守出
自權豪取貨賂資遂棄官去徵拜議郎
未至道疾卒南陽人重其義行

注丹

字子玉南陽滎陽人世傳孟氏易建武
十一年爲大鴻臚作易通論七篇

李善

字次孫南陽之滎陽人本同縣李元蒼
頭建武中疫疾元家相繼死沒惟孤兒
續始生數旬而貲財千萬諸奴婢私居
計議欲謀殺續分其財產善深傷李氏
而力不能制乃潛負續逃之山陽瑕丘
界中親自哺養爲生漣推燥居濕備嘗
艱勤續雖在嬰抱奉之不異長君有事

輒長跪請白然後行之關中感其行皆
相率修義續年十歲善與歸本縣修理
舊業告奴婢于長史悉收殺之鍾離意
為瑕丘令上書薦善行狀光武詔拜善
及續並為太子舍人善顯宗時辟公府
遷日南太守徙京師之官道經滄陽遇
李元故冢未至一里乃脫朝服持鋤去
草及拜墓哭泣身自炊爨執鼎俎以修
祭祀垂泣曰君夫人善在此盡哀數日
乃去後遷九江太守未至道病卒續仕

至河間

魏滿

字叔牙南陽人習京氏易教授永平中
仕至宏農太守

孔喬

字子松南陽宛人學古文尚書春秋左
氏傳常幽居修志銳情典籍至乃歷年
身不出門鄉里莫得瞻見公車徵不行
卒於家

何進

字遂高南陽宛人異母女弟選入掖庭
為貴人有寵于靈帝拜進郎中再遷虎
賁中郎將出為潁川太守光和二年貴
人立為皇后徵進入拜侍中將作大匠
河南尹中平元年黃巾賊張角等起以
進為大將軍率左右羽林五營屯都亭
修理器械以鎮京師張角黨馬元義謀
起洛陽進發其奸以功封慎侯六年帝
崩皇子辯即位何太后臨朝進與太傅
袁隗輔政錄尚書事進去除宦官以清

宮闕雖外收大名內不能斷事久不決
又欲召董卓於外助誅進謀積日頗泄
中官懼而思變張叢等詐以太后詔召
進入坐省闈尚方監渠穆拔劍斬進於
嘉德殿袁紹閉北宮門勒兵無少長皆
殺或有無鬚而誤死者進素有仁恩士
卒聞進之死皆流涕

劉廙

字恭嗣南陽安衆人也年十歲戲於講
堂上潁川司馬德操拊其頭曰孺子孺

子黃中通理寧自知不虞兄望之有名
於世荊州牧劉表辟爲從事望之以正
諫不合投傳而歸虞歸魏太祖辟爲丞
相掾屬轉五官將文學文帝器之太祖
在長安欲征蜀虞上疏使止虞弟偉坐
魏諷累誅太祖謂虞曰叔向不生弟虎
古之制也徙署丞相倉曹屬虞著書數
十篇傳世黃初二年卒

陳震

字孝起南陽人也先主領荊州牧辟爲

從事建興三年入拜尚書遷尚書令遣
使吳到武昌孫權與震升壇歃盟交分
天下以徐豫幽青屬吳并涼冀兗屬蜀
其司州之士以函谷關爲界震還封城
陽亭侯十三年卒

呂乂

字季陽南陽人也乂隨父常入蜀蜀主
用爲典校尉又遷緜竹令遷巴西太守
徙漢中太守時諸葛亮卒士伍亡命更
相重冒姦巧非一乂爲之防禦開喻勸

導數年之中漏脫自出後入爲尚書代
董允爲尚書令衆事無留門無停賓又
歷職內外治身儉約謙靖寡言爲政簡
而不煩號爲清能延熙十四年卒

李嚴

字正方南陽人也建安十八年自抄歸
宰西入蜀爲劉璋護軍拒先主於綿竹
嚴率衆降先主先主以嚴爲裨將軍成
都既定爲犍爲太守興業將軍章武二
年拜尚書令三年與諸葛亮並受遺詔

輔少主以嚴爲中都護統內外軍事留
鎮永安建興元年封都鄉侯加光祿勳
諸葛亮出軍漢中嚴當知後事移屯江
州留護軍陳到駐永安昏統屬嚴八年
遷驃騎將軍以曹真欲三道向漢川亮
命嚴將二萬人赴漢中亮表嚴子豐爲
江州都督軍典嚴後事亮以明年當出
軍命嚴以中都護署府事嚴改名平九
年春亮軍祁山平催督運事糧運不繼
平遣參軍狐忠督軍成藩喻指呼亮還

亮承以退軍平聞軍退乃更陽驚說軍糧饒足何以便歸又表後主說軍偽退欲以誘敵與戰亮具出其前後手筆書疏本未平違錯章灼情竭首謝罪負於是亮表平曲折以聞遂廢平為民徙梓潼郡十二年平聞亮卒發病死平常冀亮當自補復策後人不能救以憤激也習鑿齒曰諸葛亮之使廖立垂泣李平致死豈徒無怨言而已哉亮可謂善用刑自秦漢以來未有也

宗預

字德豔南陽安衆人建安中隨張飛入蜀建興初丞相亮以為自簿遷參軍右中郎將將命使吳孫權嘉其善對延熹十年為屯騎校尉再聘吳權握其手曰君衡金結兩國之好君年長我亦哀恐不復相見遺以大珠一斛乃還累拜征西大將軍賜爵關內侯咸熙元年內徙洛陽卒

何晏

字平叔南陽宛人進之孫母尹氏爲魏
大祖夫人晏尚公主少以才秀知名魏
明帝正始初曹爽器其才能引爲散騎
侍郎遷侍中尚書賜爵列侯晏性自喜
動靜粉白不去手行步顧影晏主選舉
宿有舊者多拔擢初夏侯玄與晏名盛
於時晏曰惟深也故能通天下之志夏
侯秦初以之惟幾也故能成天下之務
司馬子元以之惟神也不疾而速不行
而至吾聞其語未見其人蓋欲以神自

况晏坐曹爽累被誅晏與玄荀粲及王
弼競爲清談祖尚虛無謂六經爲聖人
糟粕由是天下士夫甚慕效之遂成風
流不可復制

樂廣

字彥輔南陽滎陽人父方參魏征西將
軍夏侯玄軍事廣時八歲玄常見廣在
路因呼與語還謂方曰廣神姿朗徹常
爲名士卿家雖貧可令專學必能興卿
門戶方早卒廣孤貧僑居山陽寒素爲

業人無知者裴楷引談共語歎曰我所
不如王戎爲荊州刺史舉爲秀才楷又
薦于賈充辟太尉掾太子舍人尚書令
衛瓘命諸子造烏此人之水鏡也見之
瑩然若披雲霧而覩青天王衍與人語
甚簡及見廣便覺已之煩其爲識者歎
美如此出補元城令累遷侍中河南尹
嘗有親客久不來廣問其故答曰前在
坐蒙賜酒方飲見盃中有蛇意甚惡之
既飲而疾于時河南廳壁上有角漆畫

作蛇廣意盃中蛇卽角影也復置酒於
前處謂客曰酒中復有所見否答曰所
見如初廣乃告其所以客豁然意解沉
疴頓愈河南官舍多妖怪前尹皆不敢
處正寢廣居之不直嘗外戶自閉左右
皆驚廣獨自若顧見牆有孔掘之得一
狸而殺之怪遂絕遷吏部尚書遷右僕
射領吏部代王戎爲尚書始戎薦廣而
終踐其位時人美之後以憂卒

張輔

字世偉南陽西鄂人河間相衡之孫
少有幹局與從母兄劉喬知名補藍
田令又轉山陽令轉御史中丞賈謚潘
岳石崇等共相引重及義陽王威有詐
冒事並糾劾之後爲馮翊太守死于兵
初輔嘗著論管仲不若鮑叔又論司馬
遷班固史遷著述辭約而事舉叙三千
年事惟五十萬言固叙二百年事乃八
十萬言此所以遷稱良史又論魏武不
如劉備樂毅減于諸葛亮

劉喬

字仲彥南陽人也祖廙魏侍中父阜陳
留相喬少爲秘書郎王戎引爲參軍伐
吳之役戎使喬與參軍羅尚濟江破武
昌還授滎陽令遷太子洗馬以誅揚駿
功拜尚書右丞累遷散騎常侍御史中
丞遷冀州刺史終豫州都督子挺穎川
太守挺子耽

柳

耽之子也字叔惠少登清官歷尚書左

右僕射時右丞傅迪好廣讀書而不解其義柳惟讀老子而已迪輕之柳云卿讀書雖多而無所解可謂書麓矣時人重其言

魯褒

字元道南陽人好學多聞以貧素自立元康之後網紀大壞褒傷時之貪鄙乃隱姓名而著錢神論以刺之蓋疾時者共傳其文褒不仕莫知其終

劉麟之

字子驥南陽人光祿大夫耽之後麟之少尚質虛虛退寡欲不修儀操人莫之知好遊山澤志存遯逸嘗采藥至衡山深入忘返見有一澗水水南有二石困一困閉一困開水深廣不得過欲還失道過伐弓人問徑僅得還家或說困中皆僊靈方藥諸雜物麟之欲更尋索不復知處也車騎將軍桓冲聞其名請爲長史不受

劉渢

字處和南陽人父紹仕宋位中書郎濕
母早亡紹被勅納路太后兄女爲繼室
濕年數歲路氏不以爲子奴婢輩捶打
無期度濕母亡日輒悲啼不食蓋爲婢
輩所苦路氏生謙見濕憐愛之不忍捨
恒在牀帳側既被摳捶終不去路氏病
經年濕晝夜不離每有增加流涕不食
路氏病差感其意慈愛遂隆路氏富盛
一旦爲濕立齋宇筵席不減侯王謙有
識事濕過于同產事無大小必咨兄而

後行

張耀

字景世南陽西鄂人仕魏累遷步兵校
尉永寧寺塔大興靈太后曾幸作所見
有顧問耀指畫無所遺闕太后善之後
爲別將軍歷歧東荊州刺史

樂運

字承業南陽涇陽人晉尚書令廣之八
世孫運少好學涉獵經史年十五而江
陵咸隨例遷長安其親屬多被籍沒運

積年爲人傭作皆贖免之性方直未嘗
求媚于人臨淄公唐瑾薦之爲露門學
士前後犯顏屢諫梁武德多納用建德
二年除萬年縣丞折挫豪右號稱強直
武帝嘉之特許通籍武帝幸同州召赴
行在所既至謂曰卿言太子如何人運
曰中人也齊王憲以下並在帝側顧謂
憲等曰百官佞我皆云太子聰明惟運
云中人方駭其忠直耳於是因問運中
人之狀運對曰班固以齊桓公爲中

管仲相之則伯豎貂輔之則亂可與爲
善亦可與爲惡帝知之矣遂妙選宮寮
以匡弼之起拜運京兆郡丞及武帝崩
宣帝嗣位葬訖詔天下公除帝及六宮
便議即吉運上疏諫不可自是德政不
修數行赦宥運又上疏言之奏入帝大
怒將戮之內史元巖諫獲免翌日帝頗
悟召運謂運曰朕昨夜思卿所奏實是
忠臣先皇聖明卿數有規諫朕既昏暗
卿復能如此乃賜御食賞之朝之公卿

初見帝甚怒莫不爲運寒心後見獲賞
又皆相賀以爲幸免獸口內史鄭譯常
以私事請託運不許因此銜之及隋文
帝爲丞相譯爲長史遂左遷運爲廣州
滄陽令開皇五年轉毛州高唐令運性
計直爲人所排乃發憤錄夏殷公來諫
諍事業而却之凡六百三十九條合四
十一卷名曰諫苑奏上隋文帝覽嘉之
史臣曰樂運行己之節具有古遺直之
風乎

趙文深

字德本南陽人少學楷隸年十一獻書
於魏帝後立義歸朝除大丞相府法曹
參軍雅有鍾王之則筆勢可觀當時碑
榜惟文深冀雋而已文帝以隸書謬命
文深與黎季明沈遐等依說文及字林
刊定六體成一萬餘言行于世逮平江
陵王褒入闕貴游子弟並學褒書後知
好尚難及亦改習褒書至于碑榜餘人
莫及王褒亦推先之天和元年露寢等

初成文深以題榜之功除趙興郡守

馮亮

字靈通南陽人梁平北將軍蔡道恭之甥也少博覽羣書又篤好佛理隨道恭至義陽會中山王英平義陽獲烏英素聞其名以禮接待亮性清靜後隱居嵩山感英之德以時展覲英亡亮奔盡哀宣武嘗召爲羽林監領中書舍人將令侍講十地諸經固辭不許又欲使衣幘入見苦求以幅巾就朝遂不強逼還山

數年亮雅好山水又兼工思結構山林甚得栖遊之適亮時出京師延昌二年疾篤居嵩道場寺數日卒遺戒兒子綜殮以衣幅左手持板右手執孝經一卷置尸盤石上去人數里外積十餘日乃焚于山灰爐處起佛塔經藏初藏以盛冬喪連日自雪窮山荒澗鳥獸飢窘僵尸山野無所防又時有惠春道人惠需每日往看其尸拂去塵霰禽蟲之迹交橫左右而初無所傷

韓思彥

事唐字英遠鄧州南陽人游太學事博士谷那律律爲匪人所辱思彥欲殺之律不可萬年令李乾祐異其才舉下筆成章志烈秋霜科擢第授監察御史昌言當世得失高宗召加二階待詔宏文館仗內供奉巡察劾南益州高貲兄弟相訟累年不決思彥敕尉宰飲以乳二人寤齧肩相泣曰吾乃夷獠不識孝義公將以兄弟共乳而生耶乃請輟訟使

并州方賊殺人主名不立醉胡懷刀而汗訊掠已服思彥疑之晨集重兒數百遂禽真盜後太白晝見勸帝修德帝讓中書令李義府曰八品官能言得失而卿冒沒富貴主何事耶義府謝罪義府與諸武譖思彥出爲山陽丞初尉遲敬德子姓陷大逆思彥按釋其寃至是贈黃金良馬不受至官閱月免去放蹟江淮間久之調建州司戶參軍帝召問不見卿久今何官耶思彥泣道所以然遂

復召爲御史俄出爲江都主簿又徙蘇州錄事參軍罷客汴州張僧徹廬墓三十年詔表其閭請思彥爲頌餉縑二百不受時歲凶家貧僧徹爲受一匹命其家曰此孝子縑不可輕用上元中復召見又詆外戚擅權武后惡之時已拜乾封丞乃徙朱鷲丞遷賀州司馬卒始思彥在蜀引什邡令鄧憚在座曰公且貴願以子孫委公比其斥而憚爲文昌左丞子琬

琬

字茂真少崖檢姻友勸舉茂才名動里中刺史行鄉飲餞之主人揚解曰孝子家忠于國今始充賦請行無算爵士林榮之擢第又舉文藝優長賢良方正連中拜監察御史景雲初上言國家安危在於政政以法暫安焉必危以德始不便終治反復千數百言書入不報出監河北軍兼按察使先天中賦絹非時穀賤縑貴琬曰須報則弊已甚移檄罷督

乃聞詔可開元中遷殿中侍御史坐事
貶官卒

張建封

字本立鄧州南陽縣人客隱兗州少喜
文章能議論慷慨尚氣自許以功名顯
李光弼鎮河南盜起蘇常間代宗詔中
人馬曰新與光弼麾下偕討建封中
人請前諭賊不可須臾因到賊屯開譬
禍福一日降數千人縱還田里由是知
名湖南觀察使嘗之晉辟署參謀授左

清道兵曹參軍不樂職輒去令狐彰節
度滑亳奏置幕府彰不朝覲建封非之
往見轉運使劉晏奏試大理評事使筦
漕務馬燧爲三城鎮邊使表爲判官擢
監察御史燧代李靈耀軍中事多所
諷徙鎮河東授侍御史表其能揚矣將
仕以要職盧杞不喜出爲岳州刺史李
希烈跋扈不臣壽州刺史崔昭與相聞
德宗召宰相選代昭者杞倉卒白用建
封建封討叛有功進兼御史大夫濠壽

廬觀察使遠希烈平進封階又任一子
正員官貞元四年拜御史大夫徐泗濠
節度使由是徐爲重鎮久之檢校尚書
右僕射十三年來朝召見延英殿詔朝
會赴大夫班宦者主宮市擾人建封請
間爲帝言之會詔書蠲民逋賦帝問如
何答曰殘逋積負決無可歛雖蠲除百
姓尚無所益上已賜宴曲江詔與宰相
同榻食其還鎮帝賦詩餞行又以所持
鞭賜之十六年病卒年六十六建封治

徐十年躬於所事一軍大治善容人過
至健黠亦未嘗曲法其言忠義感激故
下皆畏悅性樂士賢不肖游其門者禮
必均許孟容韓愈奏署募府有文章傳
于時

張巡

字巡鄆州南陽縣人博通羣書曉戰陣
法氣志高邁略細節所交必大人長者
不與庸俗合時人叵知也開元末擢進
士第繇太子通事舍人出爲清河令治

續最秩滿還都揚國忠用事或勸見之
巡乃調真源令而去安祿山反天寶十
五載正月賊酋陷宋曹等州譙郡太守
楊萬石降賊逼巡爲長史巡率吏哭立
元皇帝廟遂起兵討賊至睢陽與太守
許遠城父令姚閻等合遣將雷萬春南
霽雲領兵戰寧陵北詔拜巡主客郎中
副河南節度使至德二載祿山死慶緒
遣尹子琦等十餘萬攻睢陽巡勵士固
守遠自以材不巡及請稟軍事巡受不

辭有詔拜巡御史中丞遠侍御史巡與
遠及諸將盡力死守賊攻城士病不能
戰巡西拜曰狐城備竭弗能全臣生不
能報陛下死爲鬼以癘賊城遂陷與遠
俱被執巡遠罵賊不絕口遂姚閻雷
萬春等三十六人同時遇害巡年四十
九

韓翃

字君平南陽縣人侯希逸表佐淄青莫
府府罷十年不出李勉在宣武復辟之

俄以駕部郎中知制誥翊與盧綸吉中
孚錢起司空署苗發崔炯耿瑋夏侯審
李端皆以能詩齊名號大厯十才子時
有兩韓翊其一為刺史宰相請掌誥軌
與德宗曰與詩人韓翊翊後終中書舍
人

韓愈

字退之南陽安衆人也舊唐書是昌黎人新唐書是南陽人皇甫湜作神道碑本昌黎自漢興有韓襄王孫信復封王于韓餘葉遂著居太行山之南故曰南陽人王襄辨方志云是安衆人安衆故城今南陽縣西

南三十里襄南陽人生三歲而孤隨兄
所言必不差今從之
會官嶺表會卒嫂鄭鞠之如己子年七
歲讀書日記數千百言比長盡通六經
百家學貞元十四年第進士宣武節度
使董晉表署觀察推官晉卒愈徙喪出
不四日汴軍亂乃去依武寧節度張建
封辟為推官調四門博士遷監察御史
上疏極論宮市貶為陽山令有愛在民
民生子多以其姓字之改江陵法曹參
軍元和初國子博士分司東都改都官



員外郎拜河南令遷職方員外郎還爲
博士作進學解以謝諸生執政覽之奇
其才改北部郎中遷史館修撰轉考功
知制誥進中書舍人憲宗欲平蔡命裴
度以宰相慰淮西愈以右太子右庶子
充行軍司馬愈乘遽先入汴說韓宏使
之討賊淮蔡旣平愈謂度今藉聲勢王
承宗可以辭取不煩兵得柏耆受詞使
報書入鎮承宗亦降遷刑部侍郎憲宗
迎佛骨王公士庶奔走奉順愈乃上表

抗言憲宗大怒持示宰相將抵以死裴
度崔羣曰愈言抵格罪之誠宜然非內
懷至忠安能及此乃貶潮州刺史愈到
州上表謝帝覽之頗感悔持示宰相曰
愈誠愛朕然不當言天子事佛乃天促
耳皇甫鎛素忌愈即言且量移乃改袁
州愈在潮作文以示鱷魚祝之夕暴風
震電起溪中數日水涸徙六十里自是
潮無此患袁人以男女爲隸過期不贖
即沒入愈至悉計庸得贖所沒歸之父

母七百餘人因與約禁其為隸召拜國
子祭酒拜兵部侍郎轉吏部侍郎遷京
兆尹兼御史大夫罷為兵部侍郎復為
吏部侍郎長慶四年十二月丙子卒于
靖安里第年五十七寶歷元年三月癸
酉葬河南之河陽縣孟津之北嫂鄭喪
為服期以報每言文章自漢以後作者
不世出故愈卓然樹立成一家言其原
道師說數篇與孟軻揚雄相表裏而佐
佑六經云

大元大一統志卷第三百八十三

奏進

集賢大學士資善大夫同知宣徽院事臣字蘭盱

昭文館大學士中奉大夫秘書監臣岳鉉等上進

嵩州

土產

錫

有洞在州東南九十里川名懷吉川之
南九十里有山曰牛心上下各有此洞
一曰牛心二曰獅子塚三曰耍兒溝四
曰青揚塚凡四處民戶採打錫貨燒造

母七百餘人因與約禁其為隸召拜國
子祭酒拜兵部侍郎轉吏部侍郎遷京
兆尹兼御史大夫罷為兵部侍郎復為
吏部侍郎長慶四年十二月丙子卒于
靖安里第年五十七寶歷元年三月癸
酉葬河南之河陽縣孟津之北嫂鄭喪
為服期以報每言文章自漢以後作者
不世出故愈卓然樹立成一家言其原
道師說數篇與孟軻揚雄相表裏而佐
佑六經云

大元大一統志卷第三百八十三

奏進

集賢大學士資善大夫同知宣徽院事臣李蘭盱

昭文館大學士中奉大夫秘書監臣岳鉉等上進

嵩州

土產

錫

有洞在州東南九十里川名懷吉川之
南九十里有山曰牛心上下各有此洞
一曰牛心二曰獅子塚三曰耍兒溝四
曰青揚塚凡四處民戶採打錫貨燒造

丹粉見貢又州西北四十里高都川有
冶提舉司每歲辦課

膽礬

碧玉各有洞並在盧氏縣西七十里地
名七寶冶又曰清水冶

麻布

蜜蠟

松煙墨

茯苓

木通

厚朴

芍藥

天麻

杜仲

黃蘗

以上本州並出

土布

赤石脂

白芨

盧氏縣並出

國家圖書館 NATIONAL CENTRAL LIBRARY, TAIWAN, R.O.C

黃芩

茯苓

細辛

木猪苓

草烏頭

竹園

以上州縣並出

鐵

州西北四十里高都川有治

風俗形勢

性行淳朴不事華侈圖經云

嵩洛爲天下之中圖經云

兩山相對望之如闕故曰伊闕經云

伊水清見石唐韋述詩

蒼翠雙澗間逶迤聳清漢李衛公德裕詩

云高峯遠疊千層雪伊浦低臨一片天司

馬溫公詩

暴雨洗山骨羣峯鬱葱青奔湍入清伊伊

水不變清李彥詩

八灘碎波練雙闕斷天幕李彥詩

闕塞若旆馬奔騰多奇麗
兩峯對立若熊耳然

古蹟

伊闕城

古戎蠻子國六國時屬韓嘗都此漢為
新城縣隋改曰伊闕宋廢為鎮按伊闕
有山在伊闕廢縣北四十五里其伊闕
古城在今州東北九十里宋敏求河南
志云春秋左氏傳僖公二十二年平
王之東遷也周紀云夏山一名闕塞山

左氏傳晉趙鞅納王使女寬守闕塞服
度謂南山伊闕是也闕塞一名闕口西
山對立如闕形然伊水流其中易乾鑿
度曰禹通龍門闕伊闕隱機洛陽記云
洛有四闕斯其一也傳毅文都賦曰因
龍門以暢化闕伊闕以達聰

高都城

在州西北一十里河南志云東周與鄭
伐高都伊利是也

陸渾城

州北三十里按春秋左氏傳云秦晉遷
戎于此又唐魯山令元德秀隱居此處
修王城

州東北一十里

古伊陽城

在西南九十里舊縣是也

御史灘

州北九十里在古伊闕縣前臨大溪河
南志云唐康駢劇談錄曰每僚佐有入
臺者即水中先有小灘漲出石礫金沙

澄澈可愛牛僧孺爲尉一旦忽報灘出
宰邑者即與會往觀之召者宿詢其事
有老吏曰御史非西臺者若拜西臺灘
上當有一隻鷓鴣立前後居人爲則僧
孺因舉盃祝之俄有鷓鴣飛下不旬日
拜西臺御史此事記之于前不知何代
有人于大溪之上古城之隅起建廟貌
前有一堂有鷓鴣老人李翰林目之曰
鷓鴣堂於鷓鴣文集中見之今傳于世

法輪寺

州北三十里本勸戒寺宋太平興國三年建

義應侯廟

在木門山今正殿猶存廊廡三門因兵革廢

三塗龍王廟

兵革久廢今鄉民復建

韓修王廟

州北二十里

杜康廟

杜康水在伊闕舊縣東南三十里俗傳製酒于此

薄太后廟

在伊闕舊縣南道鳴皋山前十里周秦行記詳見河南祠廟

官蹟

公孫景茂

以息州刺史上儀同三司爲伊州刺史東魏置在官公清明年以疾徵吏民號泣于道及疾愈復乞骸骨又不許徙道

州刺史

張拯

事唐宰相九齡子爲伊闕令安祿山反
河洛陷焉而拯不受僞官及賊平擢太
子贊善大夫

李尚隱

先爲左臺監察御史曾劾崔湜鄭愔典
選不公俄而相踵知政事尚隱與御史
李懷讓顯言其罪湜等罷去及湜愔復
當路乃出尚隱爲伊闕令湜等伏誅玄

宗知尚隱方嚴量移定州司馬

皇甫湜

擢進士第初調陸渾尉有文聲累遷工
部郎中

尹洙

事宋宰河南有能名徙知伊陽縣當路
薦其材堪大任不當局百里之內遂召
爲館閣校勘

王豫

事宋以太祝補伊闕令司馬溫公時在

館閣以詩送之有曰百里驩迎新令賢
儒經史術畫家傳天開嶺阜竦雙闕地
雜黍麻溢一川錦雉馴飛春陌上雪鳧
高去夕嵐邊長才久屈君無恨所惜斯
民受賜偏

人物

伊尹

昔有莘氏女採桑於伊川空桑澗得子
長而賢德以相殷湯是爲伊尹因伊川
以名也空桑有二處詳見汴梁路古蹟

胡昭

漢隱士也居陸渾山

孟詵

仕唐爲同州刺史神龍初居伊陽山治
方藥睿宗召將用之以老辭賜物百段
給羊酒河南尹畢構以詵有古人風名
所居伊川

劉迺

字永夷河南伊闕人也少警穎暗誦六
經日數千言善文辭爲時推重唐天寶

中擢進士第喪父以孝聞服除中書舍人宋昱知館事廼方調因進書論知人能官人唐虞以為難諄諄數百言昱嘉之補剡尉大厯中召拜司門員外郎德宗進郭子儀為尚父時冊禮廢視詔草者不適所宜宰相崔祐甫召廼至閣草之少選文成辭義曲裁俄擢給事中權知兵部侍郎建中四年真拜兵部侍郎帝狩奉天朱泚遣人召之固稱疾篤以佯瘖不答蔣鎮之問鎮再至知不可脅

乃太息曰我嘗忝曹郎死能死寧以自染羶腥後欲污賢哲乎遂止廼聞車駕如梁州自投于牀搏膺呼天不食卒年六十子伯芻

伯芻

字素芝行修謹淮南節度杜佑奏署節度府判官府罷召拜右補闕遷主客員外郎裴垵器之擢累給事中李吉甫當國而垵卒不加贈伯芻為申理乃得贈太子少傅其後終于散騎常侍伯芻風

度高嚴善談確而動與時適子寬夫寶
歷中爲監察御史轉左補闕陳祐因著
浮屠書由供奉僧以聞除濠州刺史寬
夫劾狀敬宗怒謂宰相曰祐不繇僧得
州諫臣安受此言寬夫曰衆劾祐獨臣
草狀應伏誅推言所從恐辱國體帝諫
其言釋之

任仲

伊闕人十世同居無間言詔旌表門閭
見唐書孝友傳

宋之問

卜居陸渾有別業嘗賦詩曰洛陽城裏
花如雪陸渾山中令始發旦別河橋楊
柳風夕卧伊川桃李月伊川桃李正芳
新寒食山中酒復春野老不知堯舜力
酣歌一曲太平人

元德秀

字紫芝本州古陸渾人也仕至魯山令
愛陸渾山水於其間漆豁晦跡琴酒寓
興于文死葬州北二十五里曠曰仇柵

墓側有碑云元紫芝德秀李華之文顏
真卿之書李陽冰之篆時謂四絕碑

張士貴

盧氏縣人本名忽崱彎弓百五十斤左
右射無空發隋大業末起爲盜攻剽城
邑當時患之唐高祖移檄招之即降拜
右光祿大夫從征伐有功賜爵新野縣
公又從平洛授虢州刺史帝曰顧令卿
衣錦書游耳進封虢國公右屯衛大將
軍貞觀七年爲龔州道行軍總管破賊

有功遷左領軍大將軍卒

程顥

程頤

會祖希稜而下自中山之博野來家于
河南嘗居陸渾山中希稜孫珣仕至太
中大夫即顥頤之父也顥曰明道先生
頤曰伊川先生

許古

字道真仕金至左司諫隱居州南木門

大元大一統志卷第三百八十三

方城縣

大元大一統志卷第三百八十四

奏進

集賢大學士資善大夫同知宣徽院事臣字蘭肝

昭文館大學士中奉大夫秘書監臣岳鉉等上進

裕州

方城縣
葉縣

建置沿革

州本唐州之方城縣在漢為堵陽葉二縣屬南陽郡應卽曰明帝以為順陽縣西魏曰方城縣置襄邑縣於此後廢隋開皇三年屬涇陽郡唐武德二年置北澧州貞觀

國家圖書館 NATIONAL CENTRAL LIBRARY, TAIWAN, R.O.C.

二九二



方城

大元大一統志卷第三百八十三

大元大一統志卷第三百八十四

奏進

集賢大學士資善大夫同知宣徽院事臣字蘭肝

昭文館大學士中奉大夫秘書監臣岳鉉等上進

裕州

方城縣 葉縣

建置沿革

州本唐州之方城縣在漢為堵陽葉二縣屬南陽郡應卽曰明帝以為順陽縣西魏曰方城縣置襄邑縣於此後廢隋開皇三年屬涇陽郡唐武德二年置北澧州貞觀

A 1 2 3 4 5 6 M 8 9 10 11 12 13 14 15 B 17 18 19

INCHES 1 2 3 4 5 6 7 8 9 10 11 12 13 14 15 16 17 18 19

初改為魯州九年廢為縣後為縣屬唐州宋因其舊金泰和二年升為裕州仍以方城為倚郭縣割許州之舞陽汝州之葉縣來屬國朝癸丑年即古葉縣行隨州事就置昆陽縣為屬邑至元三年罷行州事併昆陽舞陽二縣入葉縣今領縣二隸南陽府

方城縣

春秋楚方城也本唐州屬縣漢書應劭曰明帝以為順陽西魏曰方城金泰和二年以方城為裕州之倚郭

國朝至元三年併入陽舞陽入葉縣而方城如故於此置裕州治所

葉縣

在三代為應鄉古應子之國武王子所封春秋為楚地遷許于葉即此後為封沈諸梁之邑左傳楚白公之亂葉公帥國人攻白公白公奔山而縊葉公遂老于邑焉又有父城縣屬潁川郡東漢明帝時尚書郎王喬為葉令雙鳧朝京晉葉屬南陽國父城屬襄城郡尋入葉北齊置襄州後周置

南襄城郡後魏置定南郡後周廢為縣隋
開皇中屬許州大業中省定南縣入此唐
武德二年于此置葉州州廢屬北澧州貞
觀八年屬魯州州廢屬許州開元四年折
唐許二州之屬邑置儂州至二十一年十
二月勅以儂州頻喪官吏欲廢之令公卿
議其不可否中書侍郎崔沔議曰山州四面
去餘州界雖近若據州城而言則亦懸遠
土地饒沃戶口稀疎逃歸所歸頗成泉藪
舊多劫盜兼有宿宵所以往年患之置州

鎮壓今興役已畢主司粗定累年成規一
朝廢省前功盡棄後弊方深今廢州則生
患置州則稱煩所以武德已來迭為廢置
足明利害不顧一途至于田疇潛損則與
許蔡何殊寧為土卑獨當廢省若以州管
新戶驛長難得合宜况唐許州界路僻戶
多均出傍州非無成例州以鎮俗官以理
人所在皆然豈憚其費然自創置未盈十
年州將員察屢卒于位雖天道性命聖人
罕言而共理分憂朝寄尤切視死亡不卹

何以得其歡心計不自安政必苟且下承
斯弊爲傷必多變而通之則可永久州東
新置舞陽縣即漢樊噲舊國噲豐沛故人
又高祖之姪惟勳惟舊且親且賢亦既受
封必稱吉土保全民吏庶在茲邦又南接
白羊川口村聚幽僻妖訛宿宵此爲根柢
自置縣來十減八九今若移州鎮之便可
杜絕其僂州望且未廢至今年十月移向
舞陽縣置仍改爲樊州刺史司馬詮頗聞
守法公勤宜稍加慰勞使其悅以成務庶

有益于公家至二十六年十月廢大歷三
年又置仍割汝州之襄城縣屬僂州析葉
縣南置僂鳧縣仍定爲中縣五年州廢縣
歸舊所隸來屬京西北路金泰和二年置
裕州割以來屬

國朝因之

坊郭鄉鎮

方城縣

慈孝鄉 寶德鄉 鳳臺鄉 孝義鄉

葉縣

淇河保 舞陽保 北武保 昆陽保
孟奉保 河山保

里至

本州

北至上都二十九百四十里
北至大都二千一百四十里
西南至本府一百三十里
東至遂平縣龍堂一百八十里
西至南陽縣烏龜河五十里
南至唐州泌陽縣涉河鎮七十里

北至襄城縣界一百五十五里
東到遂平縣二百七十里
西到南陽縣九十里
南到唐州一百六十里
北到魯山縣一百三十里
東北到襄城縣一百八十里
西南到本府一百三十里
東南到比陽廢縣一百八十里
西北到汝州二百二十里

方城縣

北至上都二千九百四十里
北至大都二千一百四十里
西南至本府一百三十里
東至葉縣界溝五十五里
南至泌陽縣界涉河鎮七十里
西至南陽縣界烏龜河五十里
北至魯山縣界莊家村七十里
東到遂平縣二百七十里
西到南陽縣九十里
南到唐州一百六十里

葉縣

北到魯山縣一百三十里
東北到葉縣一百三十里
西南到本府一百三十里
東南到比陽縣一百八十里
西北到汝州二百二十里

北至上都二千八百二十里
北至大都二千二十里
南至本府二百四十里
東至郟城縣界徐莊八十里

西至魯山縣界黃家莊三十里
南至方城縣界硯瓦坡六十五里
北至襄城縣界南淇河三十五里
東到鄆城縣一百四十里
西到魯山縣一百里
南到泌陽縣二百七十里
北到襄城縣六十里
東北到臨潁縣一百三十里
西南到裕州一百二十里
東南到西平縣一百五十里

山川

西北到汝州寶豐廢縣九十里

黃石山

在方城縣東北五十里乃古葛仙翁於
此升仙未詳何代至前漢張子房亦于
此山遇黃石公為師授書有碑銘在焉
又有授書亭基址在縣東北五十里按
子房得黃石公一編書在圮上今此亦
云

大梁山

在方城縣東三十里上有古寺

寶泉山

其山有泉故曰寶泉在方城縣西北七十里拐河村有古寺

七頭腦山

其山有七峯俗傳山在方城縣北二十里

碁盤山

山頂有石碁盤未詳何代俗傳山在方城縣北三十里

方城山

按地理沿革表山自比陽至方城縣相比連亘百里左傳僖公四年夏楚大夫屈完對齊侯曰楚國方城以為城杜預注云方城山在南陽郡葉縣南以言境土之遠且險也又輿地記云方城縣西有黃家山一名黃城山詳房州竹山縣見唐州山川類有方城山亦云楚國方城以為城按杜預註但云山在葉縣南也

西唐山

一名唐武山在方城縣界漢高鳳所隱處又有餅餠山在方城縣東三十里馬鞍山

在葉縣東南九十里舞陽廢城界其山頂形勢似馬鞍故云

滙水

音堆

在舞陽舊縣四十五里漢地理志云魯陽縣有魯山水經云滙水出魯陽而東北過定陵入于汝地域志定陵故城在舞陽舊縣北六十里後漢書光武破王

尋於昆陽士卒爭赴溺死滙水為之不流即此又云滙水俗稱沙河上源汝州寶豐縣和口村下流許州郟城縣東合入淮河

舞水

在方城縣之舞陽廢城北六十里漢置舞陽縣以其在舞水之陽也樊噲封舞陽侯在于此

堵水

一名柘水水經云堵水出堵陽縣此山

數源並發南流經小堵鄉謂之堵水堵
陽久省入方城

石唐河

在葉縣嘉祐治平間朝廷以河塞不通
漕運詔下守臣鑿而通之葉縣簿頓二
部夫開之山谷黃庭堅時為縣尉有詩
云楊柳青青春色深遙知河曲萬夫屯
侵星部曲隨金鼓帶月旌旗宿者疊
崧如雲聲洶洶風埃成霧氣昏昏已令
訪問津頭路行約青帘共一尊

昆水

黃山谷作詩自注云昆陽有灰水俗號
灰河圖經以為壞河考之不然光武在
昆陽恐是昆水按地理志昆陽置縣以
在昆水之陽也倘如是乎山谷詩曰田
園恰恰值春忙驅馬悠悠昆水陽古廟
藤蘿穿戶牖斷碑風雨碎文章真人寂
寞神為社豎壘委蛇女採桑拂帽村帘
誇酒好為君聊解一瓢嘗

大元大一統志卷第三百八十四

大元大一統志卷第三百八十五

奏進

集賢大學士翁善大夫同知宣徽院事日字蘭肝

昭文館大學士中奉大夫秘書監臣岳 鉉等上進

裕州

土產

錫

有洞在方城縣北三十里

滑石

出方城縣北二十里七頭腦山

生薑

國家圖書館 NATIONAL CENTRAL LIBRARY TAIWAN R.O.C.

大元大一統志卷第三百八十四

大元大一統志卷第三百八十五

奏進

集賢大學士翁善大夫同知宣徽院事日字蘭肝

昭文館大學士中奉大夫秘書監臣岳 鼓等上進

裕州

土產

錫

有洞在方城縣北三十里

滑石

出方城縣北二十里七頭腦山

生薑

國家圖書館 NATIONAL CENTRAL LIBRARY TAIWAN R.O.C.

出葉縣東八十里舊舞陽田丹村

風俗形勢

豫州之域習俗所好尚稼穡重禮文廣城
子仙風道骨千古流芳遺風所被人多壽
考葉縣圖志

鄉風務本故有絲麻縣緇之饒

南撫方城西嵩丘黃庭堅詩

汝州激灑綠不斷楚山崔嵬青更奇歐陽
修文集經行舞陽道中作

讀汝墳一詩如見文王道化之行誦昆陽

古蹟

一賦猶親世祖義師之勝唐子西文

有王喬飛危於朝中有世祖飲馬於池上

芳蹤懿跡流傳千載永為佳話張文潛文

沈諸梁邑

沈諸梁即葉音攝公也為楚葉縣尹字子

高葉公問政於子路即此邑也

昆陽城

即光武所破王尋王邑於此在葉縣

二十五里東坡蘇軾作昆陽賦大畧曰

嗟夫昆陽之戰屠百萬於斯須曠千古
而一快想尋邑之來碑兀若驅雲而擁
海猛士扶輪以蒙茸虎豹雜沓而橫潰
按昆陽即葉之葉縣王喬為葉令茲是
也去今裕州八里舊碑尚存地理沿革
表

父城

後漢馮異即此縣人光武為司隸校尉
道經于此異開門以迎茲城是也

舞陽古城

在葉縣樊噲封侯舊處屬許昌唐元和
十三年正月陳許觀察使李觀光顏奏許
州舞陽縣為吳元濟攻毀請移縣於吳
城鎮從之後廢故此有古城存焉

定陵故城

西漢有定陵縣在舞陽管內屬潁川郡
東漢因之至唐貞觀初縣廢併入舞陽
舞陽廢縣

本漢所置晉為北舞陽屬潁川郡唐貞
觀中屬許州尋廢開元十二年復置更

名舞陽五代宋因之金置裕州割爲屬縣

國朝至元三年省入葉縣與昆陽兩處各設巡檢司舊縣距許州西南一百八十里

新安鄉

在定陵廢城內丁綝封新安鄉侯

汝墳

去今葉縣二十里自此一十二里至保安鎮三十五里至古葉縣毛詩云遵彼汝墳伐其條枚謂此

高鳳隱居

在方城縣界

練光亭

在方城縣堵陽陂崔鵬有詩

女羅渠

去方城縣五十里

硯瓦坡

去州七十五里去古葉縣十三里出硯又出磨剃刀石黃山谷有詩云相傳此石非地產列仙持來自羅浮酒酣步出

雲雨上南撫方城西嵩丘林端乃見石
空洞猛獸鬪扇路上頭鳥道兔迹音謀
挽致萬牛不動五丁愁道家蓬萊見仙
仙我亦前洗爲清流探囊贈硯頗宜墨
近出黃山非遠求乃知此山自才美物
欲致用當窮搜迷邦故令成器晚不琢
元匪匠石羞蓋謝李之純少監惠之也
純名周嘗爲本道使者云

心遠亭

在方城縣治簡齋陳與義有詩謂暫時

亭中一杯酒謂此亭也

美哉亭

在方城縣治簡齋陳與義詩云忽然五
丈闕亭構如雲窠詠此景也

古墓

在葉縣東人云王喬葬處

普嚴禪云

方城縣東大栗山有故基及碑銘在焉

普濟古寺

方城縣七十里有故基碑銘在焉

雙鳧觀

在葉縣南三十里古葉縣今昆陽是也
東漢方伎傳王喬河東人孝明帝時以
尚書郎爲葉令喬有神術每月朔望常
自縣詣臺朝帝怪其來數而不見車騎
密令大史候望言其臨至輒有雙鳧從
東南飛來於是候鳧至舉羅張之但得
一隻鳧焉乃詔尚方診視則四年中所
賜尚書官屬履也每當朝時葉門下鼓
不擊自鳴聞於京師後天下玉棺于堂

前吏人推排終不搖動喬曰天帝召我
耶乃沐浴服飾寢其中蓋便立覆宿昔
葬於城東土自成墳其夕縣中牛皆流
汗喘乏而人無知者百姓乃爲立廟號
葉君祠牧守每班錄皆先謁拜之吏人
祈禱無不如應若有違犯亦能爲崇帝
乃迎取其鼓置都亭下略無復聲焉或
云此即古仙王子喬也劉仙列仙傳王
子喬者周靈王太子晉也黃山谷嘗題
詩有云青山空在衣冠古白鶴不歸宮

殿秋王令平生尊酒地千年萬歲想來游

樊噲廟

在葉縣東南九十里舊舞陽縣城內

古葉公廟

在葉縣東北三里唐開元二十三年僊州刺史張景洪建有古冢在廟後黃山谷作尉時春祀分得葉公廟有詩葉公在昔真龍去家語葉公好龍牕壁間圖畫龍形真龍爲之降葉公見而喪其魄

唐盛均作真龍對大意謂靈濟于物無求于物無求于人實龍徒也今聞葉公能畫其象則摹形趨之是欲滋手泰育蜿蜒魚類耳真烏在哉

官蹟

范睢

封應侯葉縣有故城

樊噲

以佐漢封舞陽侯

馮異

事光武以偏將軍從破王郎封應侯建武五年定功封侯改陽夏侯

吳漢

光武即位以平河功奪賊功拜為大司馬封陽侯建武二年定封廣平侯

傅俊

以偏將軍從征伐功為侍中建武二年封昆陽侯

鍾繇

事魏明帝進封定陵侯謙恭接物天下

歸重

趙矜

事唐舉明經調舞陽主簿吳少誠反矜誓不從叛以縣來歸徙襄城主簿賜牙

緹

黃庭堅

舉進士為葉縣尉自序曰庚戌歲在官舍讀漫文愛其不從於役而人性物理豁然詣理因戲作漫尉一篇簡舞陽尉裴仲謀曰豫章黃魯直既拙又狂癡往

載江湖南漁樵乃其師腰斧入白雲揮
車掉清溪虎豹不亂行鷗鳥相與嬉遇
人不產異順物無毀疵不知愛故厭不
悔爲人欺晨朝常漫出暮夜亦漫歸漫
尉葉公城漫撫病餘黎不慕非已事不
趨非吾時人罵狂癡絕魯直更喜之或
請陳漫尉壽尉葡萄卮酒行激懦氣攘
袂起哨規君子守一官焉肯苟簡爲奈
何如秋叢信狂風離披漫行恐汙德漫
止將取機漫默買猜謗漫言來詬譏漫

尉謝答客願客深長思漫行無軌躅漫
止無馬戰漫默怨者寡漫言知者稀吾
生漫叟後不卷與之齊於戲獨於子因
使目爲眉強顏不計返乾坤一醜難崑
崙視螻蝗旣化不自知悔吝雖萬塗直
道甚坦夷覆轍索孤竹奔車求仲尼以
旌招虞人賤者不可尸玉潤安可潤日
光安可滯斯言出繫表當以罔象窺賦
分有自然那用時移世吾漫誠難改盡
醉不敢解請此詩則知山谷居官之有

守也

大元大一統志卷第三百八十五

大元大一統志卷第三百八十六

奏進

集賢大學士賈善大夫同知宣徽院事臣李蘭

昭文館大學士中奉大夫秘書監臣岳鈺等上進

裕州

人物

張釋之

字季南陽堵陽人也是也今方城與兄仲同

居以貧為騎郎事漢文帝十年不得調

釋之曰久官減仲之產不遂欲免歸中

郎將哀益惜其去乃請徙釋之補謁者

國家圖書館 NATIONAL CENTRAL LIBRARY TAIWAN R.O.C.

守也

大元大一統志卷第三百八十五

大元大一統志卷第三百八十六

奏進

集賢大學士資善大夫同知宣徽院事臣李蘭

昭文館大學士中奉大夫秘書監臣岳 鈺等上進

裕州

人物

張釋之

字季南陽堵陽人也是也今方城與兄仲同

居以貲為騎郎事漢文帝十年不得調

釋之曰久官減仲之產不遂欲免歸中

郎將哀益惜其去乃請徙釋之補謁者

國家圖書館 NATIONAL CENTRAL LIBRARY TAIWAN R.O.C.

釋之既朝畢因前言便宜事文帝曰卑
之無其高論今今可行也釋之言秦漢
間所以失得帝稱善拜釋之為謁者僕
射從行上登虎園問上林尉禽獸簿十
餘問尉左右視盡不能對虎用帝膏夫夫從
旁代對甚悉帝喜欲拜嗇夫為上林令
釋之前曰今以口辯而趨遷恐天下從
風而靡爭止其實帝曰善乃止不拜就
車召釋之參乘遷公車令太子與梁王
共車入朝不下司馬門釋之追止遂劾


不下公門不敬奏之薄太后聞之免冠
謝便承詔赦太子梁王乃得入帝由是
奇釋之拜為中大夫後拜為廷尉上行
出中渭橋有一人從橋下走乘輿馬驚
使騎捕屬廷尉釋之奏當罰金上怒釋
之曰法者天下公共今更重之是法不
信於民今既下廷尉天下之平也一傾
而天下用法皆為輕重民安所措手足
上曰廷尉是也有人盜高廟坐前玉環
捕得文帝怒下廷尉治釋之奏當棄市

上欲致秩之釋之曰法如是足也假令愚民取長陵一抔土何以加其法乎帝許之當是時條侯周亞夫見釋之持平結為親友天下由是稱之景帝時出為淮南王相久之卒其子摯字長公官至大夫免以不能取容當世故終身不仕

馮異

字公孫潁川父城人也父城在漢屬潁川後屬許州今屬潁州潁川人父城人也潁川後屬許州今屬潁州好讀書通左氏傳孫子兵法漢兵起以郡掾監五縣與父城長苗萌

城守為王莽拒漢光武畧地潁川父城不下屯兵中車鄉異出行屬縣為漢兵所執時異從兄孝及同郡丁綝呂晏並從光武因共薦異得召見異曰一夫之用不足為強弱有老母在城中願歸據五城以效功報德帝曰善異歸語萌遂歸光武及光武為司隸校尉道經父城異等即開門奉牛酒迎光武署異為主簿萌為從事異因薦邑子銚期叔壽段建左隆等光武皆以為掾史從至洛陽



又至邯鄲異與姚期乘傳撫循屬縣錄
囚徒存鰥寡亡命自詣者除舉逮王郎
起光武自薊東南馳至饒陽蕪萋亭天
寒衆飢異進豆粥又至南宮遇大風雨
光武入道旁空舍異進麥飯兔肩因渡
序沱河至信都既破王郎封應侯異行
軍整齊獨屏樹下軍中號爲大樹將軍
光武即位建武二年定封陽夏侯令
異歸家上冢會宗族又討赤眉平之又
定關中定議圖蜀於是下隴討隗囂領

安定太守九年守征虜將軍領祭遵兵
明年夏與諸將攻落門未拔病薨于軍
中謚節侯

丁鴻

字孝公潁川定陵人也父綝歸世祖爲
偏將軍建武元年拜河南太守鴻年十
三從桓榮學歐陽尚書三年而明章句
善論難爲都講篤志精銳初綝從世祖
征伐鴻與弟盛居憐弟幼而共寒苦及
綝卒鴻襲封上書讓國於盛不報既葬

乃挂練經于冢前逃去留書與盛鴻與
鮑駿因事桓榮相友善及鴻亡封與駿
遇於東海駿青之子以兄弟私恩而絕
父不滅之墓可謂智乎鴻感其言乃還
就國開門授駿亦上書言教鴻經學至
行顯宗甚賢之永平十年徵至召見說
文侯之命篇篇賜衣綬廩食公車與博士
同禮頃之拜侍中十三年兼射聲校尉
建初四年徙封魯陽鄉侯肅宗詔鴻與
諸儒論五經同異于白虎觀諸儒稱之

時人歎曰敏中無雙丁孝公擢徙校書
代成封爲少府門下元和三年徙封馬
亭鄉侯和帝永元四年代袁安爲司徒
因日食上封事書奏十餘日以鴻行太
尉兼衛尉屯南北宮六年薨

韓稜

字伯師潁川舞陽人弓高侯頽當之後
世爲鄉里著姓父尋建武中隴西太守
稜四歲而孤養母弟以孝友稱及壯推
先父餘財數百萬與徙昆弟鄉黨益高

之初爲郡功曹太守葛興感病稜陰代興視事出入二年令無違者顯宗時徵辟五遷爲尚書令與僕射邳壽尚書陳寵俱以才能稱肅宗嘗賜諸尚書劔惟此三人特以寶劔自手署其名韓稜楚龍淵邳壽蜀漢文陳寵濟南推成時論者爲之說曰稜淵深有謀故得龍淵壽明達有文章故得漢文寵敦朴善不見外故得推誠和帝時遷南陽太守徵入爲太僕九年爲司空明年稜薨孫演拒

帝時爲司徒後終于司隸校尉

杜根

字伯堅潁川定陵人也父安年十三入太學號奇童根性方實永初元年舉孝廉爲郎中和熹鄧后臨朝權在外戚根以安帝年長宜親政事乃與同時上書直諫太后后怒收執根等盛以縑囊於殿上撲殺之執法者以根知名私語行事人使不加力旣而載出城外得蘇太后使人檢視遂詐死三日目生蛆因逃

竄為宜城山中酒家保積十五年酒家
知其賢厚敬待之逮鄧氏誅左右皆言
根等之忠帝謂根已死乃下詔布告天
下祿其子孫根方歸鄉里徵詣公車拜
侍御史初平原郡吏成翊世亦諫太后
歸政抵罪與根俱徵擢為尚書郎順帝
時遷濟陰太守去官還家年七十八卒

高鳳

字文通棠縣人少為書生家以農為業
而穎精誦讀晝夜不息妻嘗之田曝麥

於庭令鳳護雞時天暴雨而鳳持竿誦
經不覺潦水流麥妻還怪問之方悟之
其後為名儒乃教授于西唐山中鄰里
有爭財持兵而鬪鳳往解之已乃脫巾
叩首固請曰仁義遜讓奈何棄之于是
爭者懷感投兵謝罪鳳年老執志不怠
名聲流聞太守連召請恐不獲免自言
本巫家不應為史又詐與寡嫂訟田遂
不仕建初中將作大匠任隗舉鳳直言
到公車託病逃歸推其財產悉與孤兄

子隱身漁釣終于家

韓延之

字顯宗堵陽人魏司徒暨後仕晉位建威將軍荊州從事轉平西府錄事參軍晉將劉裕代司馬休之未至江陵密與延之書招之延之報書辭甚激厲延之以裕父名翹字顯宗于是已字顯宗名子曰翹蓋示不臣劉氏也後奔姚興泰和二年與司馬又思等入魏明元以延之爲武牢鎮將賜爵魯陽侯初延之往

來栢谷鳩省魯宗之墓因謂子孫云河洛三代所都朝廷必居此我死即可葬此子從其言陵死葬宗之墓次延之後五十餘年孝文徙其孫數家即居祖墓之北栢谷鳩

大元大一統志卷第二百八十六

大元大一統志卷第四百七十二

奏進

集賢大學士贊善大夫同知宣徽院事臣孛蘭盱

昭文館大學士中奉大夫秘書監 臣岳 鉉等上進

江陵路

人物

江上文人

寰宇記云伍子胥進千金之劍而丈人

不受

陸通

寰宇記云通字接與楚人謂之楚狂接與

國家圖書館 NATIONAL CENTRAL LIBRARY TAIWAN R.O.C.

大元大一統志卷第二百八十六

大元大一統志卷第四百七十二

奏進

集賢大學士贊善大夫同知宣徽院事臣字蘭盱

昭文館大學士中奉大夫秘書監 臣岳鉉等上進

江陵路

人物

江上文人

寰宇記云伍子胥進千金之劍而丈人

不受

陸通

寰宇記云通字接與楚人謂之楚狂接與

國家圖書館 NATIONAL CENTRAL LIBRARY TAIWAN R.O.C.

老萊子

寰宇記云楚人事親嘗服斑斕之衣年七十為嬰兒戲于親前

漢陰叟

寰宇記云楚人居漢水之陰子貢南遊見丈人為圃鑿地抱甕出灌圃用力多子貢教之鑿木為桔槔丈人曰吾聞有機事者必有機心也

陸賈

朱建

季布

兩龔

晏殊類要云並楚人

胡廣

後漢華容人利今監平帝時大司徒馬宮辟之值王莽居攝廣解衣冠垂府門而去遂亡命交趾隱于屠肆莽敗始歸鄉里

霍峻

枝江縣人守葭萌城蜀先主招之曰頭

可得城不可得

董和

南郡枝江人其子允事先主為黃門侍郎諸葛孔明出師表言其賢

潘濬

荊州人劉備入蜀濬留事孫權殺關羽于荊州濬稱疾不可權令以床輿致之權就以手拂其面即為荊州從事

石偉

南郡人孫休時仕至光祿勳逮吳平偉

遂佯狂及盲不受晉爵年八十三終于鄉里

劉之遴

南史南郡人八歲能文父虬曰此兒必以文興吾宗時任昉見而異之曰荆南秀氣果有異才後仕必過僕

唐景倩

南郡人早有令譽梁元帝在荊州為中錄事每出帝常目送之謂劉之遴曰荆南信多君子



庾域

事梁少沈靜有名鄉曲梁文帝歎美其
才曰荆南杞梓其在斯歟

殷不害

爲梁中書郎魏平江陵失母所在時甚
寒雪凍死者填滿溝壑不害行哭尋求
舉體凍僵水漿不入口者七日始得母
屍行路人皆爲流涕

劉洵

事唐江陵人以節義文墨爲時名流

岑文本

家江陵唐太宗時爲中書侍郎封江陵
縣子或勸其營產業文本曰吾漢南一
布衣徒步入闕無汗馬勞以文墨位宰
相俸稍已重尚何殖產業耶唐書云

俞文俊

江陵人初新豐山移武后以爲休應名
曰慶山文俊上言今以女主居陽位反
易剛柔故地氣隔塞山變爲災后怒流
之嶺南

段文昌

世客荊州唐太和四年檢校左僕射帥
荆南又類說云文昌少貧每聽僧口寺
齋鐘輒詣謁餐為寺僧所厭後齋罷方
鐘後入相出領荊州題會口詩曰會
聽閣黎飯後鐘或云王播題揚州佛寺
亦有詩

李建

本隴西人幼孤孝養太君長居石首
其族數百家凡有爭鬪就建決之建讀

書屬文與兄遜俱中第以文行稱白樂

天集云

梁震

唐末進士過江陵高季興欲為署判官
震恥之終身止稱前進士號荆臺處士

李堯言

李立言

李竦

堯言與王安石友善宋熙寧中除侍御
史以辭辭去未七十即上印綬其兄立

言亦自澶州納政李疎亦引疾同時里
居邦人爲之語曰元豐濟濟稱多士南
郡堂堂有三李萬鍾於我何加焉一瓢
樂在其中矣當時號曰掛冠三李見江
陵志

朱昂

朱協

兄弟致仕宋咸平初昂請老賜城東一
方爲宅陳堯咨爲之題坊曰懸車坊昂
於所居建萬卷閣又云昂歸江陵賜燕

玉津園詔各賦詩朝士榮之與弟協同
隱時號渚宮二朱

唐介

字子方荆南人仁宗朝爲御史論張堯
佐除四使因劾宰相文彥博介貶英州
別駕神宗擢拜參知政事與王安石榻
前論事不屈發疽死子淑問有父風義
問入元祐黨籍

唐恪

江陵人宋靖康中爲少宰死于節

孫偉

宋崇寧間居江陵之百里洲號七澤老
漁爲劉安世所知晚與胡安國張浚李
光相善

田偉

以燕人歸朝得江陵尉即占籍焉建博
古堂藏書三萬七千卷無重複者宋政
和中詔求遺書嘗上千卷補三館之缺

王少卿

東坡書光祿卿王公掛兔歸江陵作詩

紀行者二十四人

劉蛻

類說云荊州歲解舉人多不成名號天
荒解蛻始及第號破天荒

樂京

宋熙寧中年爲長葛知縣事不肯行助
役法棄官而去於是京西監司劾京扇
惑民情詔奪其官京江陵人也

楚江漁者

瀟湘錄載楚江邊有漁者以魚換酒輒

自歌舞不言姓氏江陵守見鉉見而問
之曰君之漁隱人之漁耶漁人之漁耶
漁者曰昔姜子牙嚴子陵皆以爲隱者
之漁也殊不知不釣其漁釣其名耶

畢漸

潛江人宋紹聖元年進士第一累官知
兗州入爲膳部員外郎出知荆南軍府
事兼提點刑獄以文學致身又剛介自
立由尚書郎典鄉郡時人榮之卒葬江
陵縣

項安世

字平父江陵人宋淳熙二年第進士試
中教官科嘗爲成都府學教授以文學
爲後進範模趙汝愚帥成都爲風聞所
誤劾去之安世語所知曰它山之石可
以攻玉此安世進德之一機也後入朝
爲館職徧歷華要朝紳敬重以直龍圖
閣將漕湖北具存政迹嘗與韓侂胄書
相喜吾相或者羞焉安世有著述十餘卷
行于世號平菴先生子寅孫容孫寅孫

仕至湖南帥終大理少卿容孫嘉定七年擢第淳祐三年為殿中侍御史奏疏簡賢不為浮辭遷吏部侍郎

仙釋

岑先生

江陵人後隱於萬州之北巖夢見巖挺之記

陳希夷

嘗過枝江安寶寺今寺有棲真臺

劉去奢

陳堯咨蕭蕭亭記云道家者則有劉去奢申文翼按天禧中去奢號和靖先生自玉清昭應宮歸于荆南之超然觀宰執而下咸賦詩送之

道士范儕

水經註云枝江縣東南二十里富域洲上有范儕精廬儕自言巴東人言未來事多驗而辭不可詳雖逕跨諸州而舟人未嘗見其濟涉

張道官

江陵人號紫府先生詳見樂府觀
釋道安

俊辯至荊州見習鑿齒曰彌天釋道安
鑿齒對曰四海習鑿齒時以為名對

隋智覬師

華容人誦經一舉通卷背誦如流能指
茅化為稻指水化為油今有茅穗村油
河陳時居長干寺後居玉泉號開山智
者禪師

僧齊已

唐詩僧與鄭谷等為文章友荆南帥南
平高王枉駕詹禮為淨室以居之有詩
八百一十首號白蓮集

僧真公

柳子厚南岳彌陀和尚碑云和尚至荆
州進學玉泉真公投公以衡山俾為教
魁人從而化者萬計

嵩嶽慧安國師

枝江人唐貞觀中至黃梅謁忍祖遂得
心要其後春秋一百二十八

金佛

詳見萬壽寺

大元大一統志卷第四百七十二

大元大一統志卷第四百七十三

奏進

集賢大學士資善大夫同知宣徽院事臣字蘭野

昭文館大學士中奉大夫秘書監臣岳 鉉等上進

峽州路

夷陵縣

宜都縣

長陽縣

遠安縣

建置沿革

禹貢荊州之域天文為鶉尾之分野夷陵又按春秋元命苞云軫星散為荊州漢地理志翼軫之分野楚荆地城甚廣自張十七度至軫一度於分春秋戰國屬楚秦伐楚為鶉尾於辰在巳燒夷陵楚襄王東徙通鑑在周赧兩漢屬

金佛

詳見萬壽寺

大元大一統志卷第四百七十二

大元大一統志卷第四百七十三

奏進

集賢大學士竇善大夫同知宣徽院事臣字蘭野

昭文館大學士中奉大夫秘書監臣岳 鉉等上進

峽州路

夷陵縣 宜都縣 長陽縣 遠安縣


建置沿革

禹貢荊州之域天文為鶉尾之分野夷陵又按春秋元命苞云軫星散為荊州漢地理志翼軫之分野楚荆地城甚廣自張十七度至軫一度於分春秋戰國屬楚秦伐楚為鶉尾於辰在巳燒夷陵楚襄王東徙通鑑在周赧兩漢屬

南郡建安十四年曹操平荊州分南郡枝
江以西為臨江郡十五年屬劉備分立宜
都郡後屬吳黃武元年改曰西陵以為重
鎮命將督軍于西陵曰西陵督晉宋齊並
為宜都郡梁兼置宜州西魏改為託州後
周以地拒三峽之險改託為峽陳嘗得之
以為重鎮通典註云隋開皇中伐陳陳人
守荆門狼尾灘並宜都界安蜀
城即宜隋大業三年改夷陵縣唐武德三
都縣界
年改峽州始從山傍據夷陵志云按通鑑
唐紀武德三年以許
結為峽州刺史字已從山元和郡縣志云
周武帝以州居三峽之口因改名峽州在

周時已從山矣不應至唐始改然舊唐書
志峽州畫作硤至引貞觀年間更改縣名
畫從硤而乾元元年州本治下牢貞觀九
改郡為州亦從硤字
年徙治步開壘天寶元年為夷陵郡乾元
元年復曰峽州五代屬高氏宋開寶三年
有其地以歸峽二州直隸京師咸平四年
隸荆湖北路建炎中移治于紫陽石鼻山
紹興五年復舊端平元年移治于江南寶
祐四年又徙治于江南舊城至元十三年
歸附

國朝十七年復遷于江北舊治領縣四



夷陵縣

本楚之夷陵白起再戰而燒夷陵是也舊唐志云漢縣屬南郡有夷山在西北因爲名蜀置宜都郡按元和郡縣志云蜀先主改臨江爲宜都郡改夷陵爲西陵縣晉太康元年西陵復爲夷陵而沈約宋志則云吳改夷陵曰西陵至晉太康初復舊舊唐志又云梁改爲宜州西魏改曰託州又改爲硤州隋縣治石臯城唐武德四年移治夷陵府貞觀元年徙治陸抗壘貞元初移

治于司馬厥十二年又遷治于司馬冠永宅地宋定峽州夷陵郡縣仍舊建炎四年州再徙紹興五年始復舊端平甲午隨州遷無定治歸附

國朝後還歸江北舊理

宜都縣

舊唐志云本漢夷道縣屬南郡元和郡縣志云漢武開西南夷由此故曰夷道縣蜀置宜都郡習鑿齒云魏武平荊州分南郡枝江以西爲臨江郡建安十五年劉備改

爲宜都縣事見沈約宋書范子長郡邑志
宋析夷道縣置富昌縣陳置宜都縣元和
志又云陳改夷道縣爲宜都縣隋志云舊
置宜都郡開皇七年廢舊唐志云隋改宜
昌屬荊州武德三年置江州領宜昌一縣
尋改爲宜都郡唐志云本宜昌縣隸南郡
武德二年更名宜都及硤州夷道置江州
六年曰東松州貞觀八年省東松州入宜
都夷陵志云貞觀初州廢以宜都長陽巴
山三縣來屬繫年錄云宋紹興元年荆南

鎮撫使解潛乞移治宜都從之此縣在昔
號爲下邑歸附

國朝以來因之

長陽縣

元和郡縣志云本漢之狼山縣武陵郡隋
開皇八年改爲長陽縣唐貞觀八年來屬
范子長郡邑志云貞觀八年移治鵝毛村
隋志云開皇八年置睦州并置巴隸南郡
武德四年以縣置睦州并置巴山鹽水二
縣八年州廢省鹽水以長陽巴山隸東松

州州廢割以來屬天寶八年省巴山入馬
五代至宋仍舊歸附
國朝以來因之

遠安縣

舊唐志云本漢臨沮縣地屬南郡晉改高
安縣後周更曰遠安縣屬峽州元和郡縣
志云本漢之臨沮東晉義熙間分置高安
縣後周武成元年改為遠安隋志云舊曰
高安置汶陽郡後周改縣曰遠安開皇七
年郡廢圖經云隋屬玉州後玉州廢割以

來屬自唐至宋並如故歸附

國朝以來因之

坊郭鄉鎮

夷陵縣

長壽鄉	安福北鄉	仙壽鄉	清風鄉
東鄉	西鄉	西上鄉	西下鄉
境上東鄉	境上西鄉	境下鄉	東上鄉
東下鄉	仙壽南鄉	安福鄉	江西上鄉
長寧上鄉	長寧下鄉		

宜都縣

長安鄉 荆山鄉 永和鄉 南鄉

北鄉

長陽縣

仁鳳鄉 靈鷲鄉 下魚鄉 上飛魚鄉

下飛魚鄉 長流鄉 天竺上鄉 天竺下鄉

東園鄉 西園鄉 安寧鄉 崇教鄉

漢流鄉 安德 就溪

遠安縣

上管鄉 下管鄉 東岸鄉 豐泉鄉

化俗鄉 甘泉鄉 蠻王鄉

里至

本路

東北至上都四千里

東北至大都三千一百里

東至江陵路松滋縣界一百四十里

西至施州建始縣界四百九十里

南至澧州石門縣界二百五十里

北至襄陽府南漳縣界三百七十里

東到江陵府二百七十里

西到施州六百三十里

南到澧州石門縣二百五十里

北到襄陽府五百里

東南到澧州三百五十里

東北到荆門州三百五十里

西南到歸州三百九十里

西北到襄陽府五百里

夷陵縣

北至上都四千里

北至大都三千一百里

東至荆門州當陽縣界九十里

西至長陽縣界九十五里

南至宜都縣界四十里

北至遠安縣界一百五十里

東到荆門州一百九十里

西到長陽縣九十五里

南到宜都縣六十里

北到遠安縣一百五十里

東南到宜都縣六十里

西南到長陽縣四十五里

東北到遠安縣八十里

西北到歸州一百一十里

宜都縣

東北至上都三千九百一十里

東北至大都三千一十里

東北至本路九十里

東至江陵路松滋縣界三十里

西至長陽縣界八十里

南至江陵路枝江縣界三十里

北至夷陵縣界六十里

東到松滋縣九十五里

西到長陽縣八十里

南到枝江縣三十里

北到夷陵縣六十里

東南到松滋縣五十里

西南到長陽縣一百里

東北到荊門州五百里

西北到夷陵縣一百里

長陽縣

東北至上都四千九百里

東北至大都三千一百九十里

東北至本路九十里
東至宜都縣界一十里
西至施州建始縣界一百九十五里
南至澧州石門縣界一百五十里
北至夷陵縣界五十里
東到宜都縣二十里
西到建始縣一百九十五里
南到石門縣一百五十里
北到夷陵縣五十里
東南到宜都縣七十里

西南到澧州慈利縣一百七十里
東北到夷陵縣六十里
西北到歸州秭歸縣一百五十里
遠安縣

東北至上都三千七百六十里
東北至大都三千一百六十里
西至本路二百四十里
東至襄陽府宜城縣界六十里
西至夷陵縣界四十里
南至荊門州當陽縣界六十里

北至襄陽府南漳縣四十五里

東到宜城縣六十里

西到夷陵縣四十里

南到當陽縣四十五里

北到南漳縣四十五里

東到^南當陽縣二十四里


西南到夷陵縣八十里


東北到南漳縣六十里

西北到南漳縣八十里

大元大一統志卷第四百七十三

第貳冊共壹百捌葉






國家圖書館, NATIONAL CENTRAL LIBRARY, TAIWAN, R.O.C.






國立中央圖書館 NATIONAL CENTRAL LIBRARY, TAIWAN, R.O.C.







3400568 v.3

大元大一統志卷第四百七十四

奏進

集賢大學士資善大夫同知宣徽院事臣字蘭肝

昭文館大學士中奉大夫秘書監臣岳鉉等上進

峽州路

山川

黃牛山

一名黃牛硤唐志夷陵縣下有黃牛山
南岸峭壁間有石色如人牽牛狀人黑
牛黃此巖既高加以江湍迂回行者謠
曰朝發黃牛暮宿黃牛三朝三暮黃牛

國家圖書館 NATIONAL CENTRAL LIBRARY, TAIWAN, R.O.C.

如故歐陽文忠公有詩曰朝朝暮暮見
黃牛徒使行人過此愁山高更遠望猶
見不是黃牛滯客舟

石鼻山

夷陵志後周移治於此其山隔大江五
百餘仞廣袤二十里下臨江流中有巨
石橫六七十丈如薜筏相傳但爲石薜
遂泯石鼻之稱

虎牙山

在夷陵縣東南三十五里盛弘之荊州

記云南荆門北虎牙二山臨江楚之西
塞鄴道元水經注云荆門在南山之半
虎牙在北山之間公孫述遣將依二山
作浮橋拒漢師下有急灘名虎牙灘一
名武牙其名雖異而事跡同

宜都山

山水記云虎牙山石壁其色紅間有石
相類虎牙歐陽脩詩云經年遷謫厭荆
蠻惟有江山興未闌醉裏人歸青草渡
夢中船下武牙灘

馬鞍山

在夷陵縣六十里通鑑黃武初陸遜攻
劉備將張南馮襲破其四十餘營備升
馬鞍山陳兵自遠即此山也

馬穴山

在夷陵縣七谷村昔有白馬出自石穴
為鄰民所逐至山下入石穴中不見又
宜都記云西望北崖有石穴舊傳常有
白馬出入其間望之則有近之即無今
穴存焉

郭道山

在夷陵縣南高五百五十丈晉郭璞結
廬其上遺基尚存

巫峽

首尾長一百六十里宋玉賦云我帝之
季女曰瑤姬未行而亡封於巫峽之陽
高唐之岨朝為雲暮為雨朝朝暮陽陽
臺之下因為立廟號為朝雲杜甫詩云
知雲雨峽忽盡下平邊又云峽內多雲
雨秋來尚鬱蒸遠山朝白帝深水謁夷

陵蕭庭直詩山勢低連巫峽遠水流初
放蜀江平秦惟肖詩風落楚江寒鴈靜
月高巫峽夜猿驚蘇東坡出峽詩忽聞
巫峽尾巖腹有穿壙仰見天蒼蒼石室
開兩向

西陵峽

在夷陵縣西北二十五里元和郡縣志
云吳志謂陸遜破劉備還屯夷陵守峽
口以備蜀即此又荊州記曰自縣沂江
二十里入峽口名西陵峽長二十里層

巖萬仞所謂三峽之一也宜都山水記
曰兩岸絕壁千仞五彩形色多有像類
楊炯詩絕壁聳萬仞長波射千里盤礴
荆之門滔滔南國紀楚都昔全盛高且
烜望祀秦兵一日侵夷陵火潛起四維
不復設關塞良難恃洞庭且忽焉孟門
終已矣自古天地闢流爲峽中水行旅
相贈言風濤無極已及予踐斯地琦竒
信爲美江山若有靈千載神知已歐陽
文忠公詩西陵山水天下佳我昔謫官

君所嗟又云昔官西陵江峽間野花紅
紫多闌斑東坡詩西陵有小邑自古擅
荆吳形勢今何用英雄久已無

明月峽

在夷陵縣高七十餘仞倚江千崖面白
如月又如扇亦曰扇子峽歐陽文忠公
詩江上掛明月李太白詩春水月峽來
白樂天詩夷陵峽中明月夜

白狗峽

杜甫詩白狗斜臨北黃牛更向東白樂

天詩黃牛渡北移征棹白狗崖邊捲別
筵錢慎詩倏忽經狼尾回旋過虎頭相
看逢白狗猶自見黃牛

羊腸山

寰宇記云在夷陵縣南七十里高十二
百丈盤曲如羊腸

羊門山

在宜都縣云羊入穴後從前山之口出
故曰羊門

仙驥山

夷陵志云在宜都縣有鹿騰凌峭壁人曰仙人所乘之驥

宜陽山

夷陵舊志云有風井穴大如甕夏出冬入樵人置笠穴口風喻之後于長陽溪口得笠則知潛通也

荆門山

在宜都縣西北五十里水經云大江東歷荆門虎牙二山間郭璞江賦云虎牙礫立以屹萃荆門閔竦而盤礴宜都山

水記云南崖有山名荆門北崖有山名虎牙唐李涉竹枝詞荆門灘急水潺湲兩岸猿啼烟滿山雅陶詩云兩崖開盡水回環一葉纔通石罅間楚客莫嫌山勢險世人心更險於山

天止山

夷陵志云在宜都縣

望州山

在宜都縣高千仞可見州又有大望州小望州石湖范成大詩云望州山頭天

四低東瞰夷陵西秭歸峽江微茫細如帶江外千峯青打圍

高筐山

在夷陵縣北七十里荊州圖記云昔堯時大水此山不沒如筐故名

龍角山

在長陽縣清江北山穴有陰陽石

重山

在長陽縣有風穴口大如甕夏則風出冬則風入春秋分則靜見元和郡縣志

鹿溪山

在遠安縣西六里鹿苑寺之側山皆鹿腫梁居士陸法和云著脚名山多矣未有如鹿溪者也遂棲隱焉石龕猶存

五龍山

寰宇記云在遠安縣有山五峯故名

百井山

寰宇記云在遠安縣西四十五里高三千五百丈有清泉數十汲之可飲因名百井山頂望江陵如在目前

松門山

在遠安縣嘗置松門寨

雲門山

在遠安縣天將雨雲霧必先起

丹山

在遠安縣元和郡國志云山有石鵝在
仙室山西復連丹山袁崧宜都記云丹
山時有赤氣籠井如丹故名

孤山

郡國志云遠安有陸抗城故城之南有

大元大一統志卷第五百三十七

奏進

集賢大學士資善大夫同知宣徽院事臣李蘭

昭文館大學士中奉大夫秘書監臣岳鉉等上進

洋州

古蹟

安固城

在興道廢縣東南七里臨漢江

白公城

漢中記云秦白起嘗為漢中太守築此
城以控制蠻獠

松門山

在遠安縣嘗置松門寨

雲門山

在遠安縣天將雨雲霧必先起

丹山

在遠安縣元和郡國志云山有石鵝在
仙室山西復連丹山袁崧宜都記云丹
山時有赤氣籠井如丹故名

孤山

郡國志云遠安有陸抗城故城之南有

大元大一統志卷第五百三十七

奏進

集賢大學士資善大夫同知宣徽院事臣李蘭

昭文館大學士中奉大夫秘書監臣岳鉉等上進

洋州

古蹟

安固城

在興道廢縣東南七里臨漢江

白公城

漢中記云秦白起嘗為漢中太守築此
城以控制蠻獠

故鐵城

在真符故縣西黃金城西北八十里城
在山上言其險峻故以鐵爲名

黃金戍鐵城

在梁州記黃金戍水陸艱險即張魯
所築按宋元嘉中氐王楊難當遣薛健
據黃金戍爲蕭承之所拔蕭坦又攻鐵
城戍拔之則是黃金城鐵城自是兩戍
今並在真符縣記以黃金戍兼爲鐵城
蓋誤

故黃金縣

沿革表云本城固縣地西漢有黃金之
名輿地廣記云舊有此谷因置戍戍乃
張魯所築昔氐王楊難當令魏興太守
薛健據黃金宋秦州刺史蕭思話使陰
平太守蕭坦攻拔之西魏始置縣屬儻
城郡隋屬漢川郡唐屬洋州開元十八
年析興道縣置華陽縣天寶三載省八
載又置宋乾德四年省黃金省真符

故興道縣

本漢城固縣地有興勢山後魏宣武帝
正始中分置興勢縣因山取名治于山
上又立儻城郡隋廢郡屬洋州州廢屬
漢川郡唐武德元年又屬洋州貞觀二
十三年改爲興道縣天寶十五載州自
西鄉徙治此有駱谷德宗僖宗幸興元
皆出此歷五代至宋並因之

國朝至元元年省入州

真符故縣

漢城固縣地又曰安陽縣地元和郡縣

志云開元十八年析興道縣置華陽縣
以其地居華山之陽故也天寶三載廢
八載王鉞奏開清水谷路復奏于黎園
置華陽縣其年鑿山得玉冊因改名真
符縣隸京兆府十一年以路遠改屬洋
州續通典云其年以縣去州偏遠移縣
就桑平店北至盤屋四百四十里宋乾
德四年省黃金入真符縣仍移縣就廢
黃金縣爲治所端平兵革荒廢

國朝乙卯年於州東十里下道垣復立縣理至元

子午道
去洋東州一百六十里元和郡縣志云
舊子午道在金州安康縣界梁將軍王
神念以舊子午道緣山避水橋梁百數
多有毀壞乃別開乾路更名子午道即
此路是也洋川志云揚妃嗜生荔枝詔
驛自涪陵由達州取西鄉入子午谷至
長安纔三日香色未變涪州志云七日
到長安不同

駱谷路

在真符縣屈曲八十里凡八十四盤

七女池

漢中舊記云興道有七女池昔人無男
養七女久沒女負土各為一冢其七冢
三在固城縣四在興道縣

八里洞

去真符縣一百里洞內有石鼓石盆石

鐘

百順池

在興道縣西二十里漢中記云明月池
東北一里有百順池可澆田五百頃

明月池

寰宇記云在興道縣西北中有一臺是
漢高祖所造

塔水鎮

輿地廣記在興道縣因神仙唐公昉畫
室升天其塔會出不得偕昇今其地有
鎮謂之塔水鎮

素靈宮

輿地紀勝云漢武帝為素靈夫人降真
內殿於太白山之前為築宮宇即其地
也唐受隋禪夢素衣神人云就太白山
之主居素靈臺以荒毀為告詔訪其地
特創臺殿命為素靈宮

金星洞

在洋州境內見唐地理志

蒙崖洞

在真符縣北四十五里洞前有所鑿貞

觀年號

儻谷

元和郡縣志一名駱谷在興道縣北三十里後延熙十一年諸葛誕反淮南關中兵東下姜維欲乘虛出駱谷按駱谷在長安西南南口曰儻谷北口曰駱谷輿地廣記曰駱口通長安唐德宗僖宗幸興元皆出此

赤阪

洋川志云在州東二十里龍亭山色其赭蜀建興八年魏司馬懿伐蜀丞相亮

待之於城固赤阪

黃金谷

元和郡縣志云黃金水在黃金縣西首畝山黃金谷南流經縣西去其谷水陸艱險魏遣曹爽由駱谷伐蜀蜀將王平拒之於興勢張旗幟至黃金谷即此

褒斜谷

在興道縣北曰斜南曰褒故曰褒斜春秋繁露云三皇抵車出谷口即今斜谷是也

聖泉

在興道縣西一里病者飲之即愈

龍泉

在興道縣之北一十里泉之上有祠曰

靈澤

寒泉

晏殊類要云在舊黃金縣北八十四里

黑龍潭

在邵之吃又闕劉家澗下

白龍潭

在西牛關外

白崖潭

在真符縣一百三十五里潭上石壁中

有印下龍跡

鵝公潭

去興道縣一十三里漢江之南有祠

湖橋

郡圃有文同詩云湖上雙禽泛泛橋邊

細柳垂垂日下庭中無事使君來此吟

詩

橫湖

書軒

水池

竹塢

荻浦

蓼嶼

以上俱在郡圃

望雲樓

唐德宗之幸梁洋登此樓御筆題一字于梁間後還京鑿取其字以歸

天漢臺

在洋州文同有詩云湖水東流舊見經銀潢左界上通靈此臺試向天文覓閣道中間第幾星

篔簹谷

谷在洋州有蘇軾與文同作篔簹谷偃竹記

待月臺

二樂榭

儻泉亭

吏隱亭

霜筠亭

無言亭

露香亭

函虛亭

溪光亭

過溪亭

披錦亭

袂亭

菑菑亭

茶糜亭

寒蘆港

野人廬

金橙逕

南園

北園

俱在洋州盡因兵廢

望雲驛

唐元稹詩云駱駝山下斧刃雄望秦嶺

邊堆頭石五六百里具符縣四十八盤

國家圖書館 NATIONAL CENTRAL LIBRARY, TAIWAN, R.O.C.

青山驛

華陽閣

唐柳宗元作館驛使壁記論扞蔽長安之名關有五而華陽居其一蓋華陽一帶寔秦蜀扞蔽重地今真符即華陽也

李襲志墓

在真符縣事唐至桂州都督永徽五年許敬宗撰碑

李孝儒墓

在真符縣事唐至衡州刺史永徽五年

有碑

李正亮墓

事周至洋州司馬唐聖歷中有碑

華陽寨

磨崖刻駱谷路寨下有小溪俟冬水落見大字刻道傍云建中三年造此得意閣迴河鎮同節度副使張大使記據舊志所紀錄云

資福院

先名玉扎院在興道縣二十三里和凝

詩云玉札水清珠履貴與師相對兩依
然

圓覺院

本名鐵佛院在興道縣二十五里太白
鳳凰二山之下舊有鐵佛像今更院名
龍華院

在興道縣內有神霄宮碑

天香院

在興道縣東一十七里謝居中闕賦識
異曰唐咸通中忽天香滿寺疑非世間

龍麝沉檀之品馥郁殊異移時乃已改
名閑寂院

醴泉院

在興道縣南十里有泉曰醴泉有檜栢
蒼然和凝詩云古栢八株堆翠色靈泉
一派逗寒聲

開化院

在興道縣西三十里有古栢文同題字
在焉

佑國院

在興道縣古栢表相傳云係晉桑維翰功德院內有維翰祠

唐僊觀

圖經云以公昉城固人王莽居攝二年公昉與郡吏噴瓜旁有真人左右莫察君獨進美瓜又從而敬禮之真人與君神藥須臾放宅仙去其塔偶出既歸則獨居山下故其川與谷皆以仙名

九仙觀

在興道縣東十五里晉九仙人跨鶴盤

旋於此由是建立道觀

靈潭祠

在興道縣十三里前有龍泉

鵝公祠

在興道縣一十三里前有石鵝一對遇水旱禱之即應

五龍潭祠

在興道縣西一里漢江東岸上有五祠慶元初祠下岸傾有龍骨一副至千餘擔

天漢王廟

鍾會之伐蜀也道出駱谷有此廟敬謁
焉晚夢王者召會至殿上如晨所有謁
者設盛禮宴之徐曰君此行何之曰伐
蜀曰禍莫大於滅人之國會曰臣子奉
命討伐蜀有可滅之隙何敢畏禍王者
顧左右沾泣曰奈何一老宮嫗附耳曰
不難不難移書諸葛公殛之可矣王者
首肯會過漢中至孔明墓大懼盛設牲
牢饗焉

宦蹟

蔡倫

後漢元初元年鄧太后封爲龍亭侯龍
亭今洋州興道廢縣東倫精于造紙未
嘗就國而龍亭之人至今造紙特盛又
每歲三月十七日民飯僧以薦忌辰昔
雖不就國而人習其業至今不能忘耶

齊映

事唐德宗以朱泚難行梁洋嚴震具軍
容至清涼川朝謁中書舍人齊映斥震

令導馬

和凝

天成中以檢校工部員外郎來爲州掌書記政餘題詠甚多嘗有一絕云官閑最好游僧舍江近應須買釣船更待浹旬無事後徧題清景作詩仙題真符縣詩云雖有黃金額其如赤子貧

張中庸

宋真宗時來知洋州政事清明人謂水晶燈籠見范蜀公東齋記事

韓億

真宗時大中祥符二年知洋州事有李申以財慶鄉里誣其兄子爲他姓盡奪其財產嫂姪訴于朝及監司申賂獄吏嫂姪受杖而去億察其寃一日盡召誣黨立庭下出乳醫示之衆皆伏罪子母後復如初億有子鎮嘉祐五年亦守是郡有惠政而郡人以父參政子居相位遂築堂榜曰襲美堂

韓琦

皇祐間拜武康軍節度使後為賢相

文同

熙寧八年知洋州事初到郡謝表云所樂有江山之勝其養得魚稻之饒疆界甚遠而民人樸淳牒訟不繁而獄犴稀少人謂此表質實無華

人物

張騫

孫猛

並城固人而洋川志人物序則有之蓋

今之洋州即漢之城固地也

李固

城固人

雍冲

宋魏國公張浚宣和間試吏興元往別鄉先生楊用中曰興元人才有可與游者公必知之用中曰興元楊冲遠可以為師洋川雍退翁可以為友浚至漢中遂以退翁為友退翁名冲方元符大臣變更元祐政事冲居太學上書數其罪

乞誅之有旨移興元府自訟齋

僊釋

李八百

居寒泉山唐公昉師事之又載神僊傳
唐公昉昔事李八百昉患無酒八百因
以杖指望酒泉湧出故後人立祠在真
符谷中

陳七子

號休復興元謂唐貞元中居褒城然非
定居也嘗有人過之於嶠臺山山高而

秀不與衆峯雜勢如聳又臺上有烟脂
巖水簾洞石磴弗培竹燒藥爐燒藥臺
下有清河水碧潭七子題詩于烟脂巖
曰朝游秦地暮嶠臺暫向人間獨往來
家在碧潭深處住從教清淺化蓬萊

釋法照

姓張興勢人南游得法而歸居北山僊
水巖下日誦阿彌陀佛用心精專每誦
一聲佛自口出久乃聲聞于朝唐代宗
召問佛法大義帝悅賜大悟禪師號命

居章敬寺久而入滅是日其家覩其歸已而入巖下巨石不復見自是人稱其念佛之所爲因建寺字爲大道場

僧自順

興道縣人姓維氏受業本縣開化院苑苑南游嘗師佛印禪師了元住南床雲房師爲侍者一日元與東坡游某寺讀某碑師執拂在旁歸坡問左右能記憶所讀碑否師獨誦十七坡奇之因問何名曰自順坡曰逆則顛攜順則菩提自

是一經品題叢林盛稱爲順菩提晚歸鄉結庵名寶光院李時雍以菩提書其榜云

大元大一統志卷第五百三十七

大元大一統志卷第五百三十八

奏進

集賢大學士資善大夫同知宣徽院事臣李蘭盱

昭文館大學士中奉大夫秘書監臣岳 鑾等上進

金州

建置沿革

禹貢梁州之域秦楚之交天官東井輿鬼
又兼得翼軫之分野虞舜居之謂之媯墟
周爲庸國地春秋戰國並屬楚周赧王三
年秦建楚師戰于丹陽楚師大敗遂取漢
中地置漢中郡西漢漢中郡治西城東漢

大元大一統志卷第五百三十七

大元大一統志卷第五百三十八

奏進

集賢大學士資善大夫同知宣徽院事臣李蘭時

昭文館大學士中奉大夫秘書監臣岳 鑾等上進

金州

建置沿革

禹貢梁州之域秦楚之交天官東井輿鬼
又兼得翼軫之分野虞舜居之謂之媯墟
周爲庸國地春秋戰國並屬楚周赧王三
年秦建楚師戰于丹陽楚師大敗遂取漢
中地置漢中郡西漢漢中郡治西城東漢

建安二十年魏武破張魯分漢中之安陽
城西縣置西城郡二十四年蜀命孟建攻
上庸上庸太守申耽以地降蜀先主以耽
弟儀爲西城太守後儀降魏文帝復使之
之黃初二年改西城爲魏興郡魏新城太
守孟達與魏興太守申儀有隙舉兵叛魏
而吳漢各遣偏將向西城以救孟達邵陵
厲公安始二年蜀蔣琬欲乘漢沔東下襲
魏興郡梁晉改安陽縣曰安康晉志魏興
郡領縣六安康西城以縣屬焉符秦遣梁

刺史韋鍾圍魏興太守吉挹於西城晉遣
毛虎生救魏興虎生兵敗秦遂拔魏興時
太元四年也宋末分魏興之安康縣置安
康郡齊因之梁承聖元年爲東梁州西魏
將王雄取上津魏興東梁州刺史安康李
遷哲降魏安康人黃衆寶及攻魏興圍東
梁州西魏廢帝三年以其地出金改爲金
州置金城郡仍領魏興郡隋開皇六年郡
廢大業三年州廢爲西城郡唐武德元年
復爲金州天寶元年改安康郡至德二年

改漢南郡乾元元年復爲金州光啟元年
置昭信軍防禦使治金州尋陞爲節度使
天祐元年改戎昭軍梁開平二年王建據
蜀改雄武軍晉天福四年置懷德軍十二
年降防禦使宋乾德五年改昭化軍節度
舊隸京西南路紹興九年胡世將爲川陝
宣撫使命郭浩以八千人守金州此金州
置帥之始也十三年以州隸利州路十四
年分利州路爲東西兩路以楊政帥東路
吳璘帥西路並以安撫兼軍帥欲其帥臣

事體均一故又升金州爲金房開達四州
路以郭浩爲金房開達安撫使遙制夔路
及京西三都自後或兼管內安撫除罷無
常舊領西城漢陰洵陽石泉平利上津六
縣

國朝置爲散州以六縣地荒不復設立
里至

本州

東北至上都五千三百里

東北至大都四千三百里

西北至本路六百里

東至均州一千一百里

西至洋州四百八十里

南至大寧州七百里

北至乾祐廢縣六百五十里

東到均州鄖縣界五百里

西到洋州饒風嶺二百五十里

南到大寧州四百五十里

北到乾祐廢縣四百五十里

東北到商州二百五十里

山川

牛山

西南到興元路西鄉縣二百五十里

東南到房州竹山縣二百八十里

西北到藍屋縣大白山瀉油關四百里

在城北五里爲金州羣山之冠上有泉
大旱不涸久雨不盈歲旱祈禱必應有
鐵佛院王象之紀勝引舊圖經云

鳳凰山

在漢陰廢縣一百五十里上有十二層

懸竦萬仞周地圖云鳳凰山爲龍子山
疊嶂十二層按道書云山十二層上有
仙人舊園又太平廣記載鳳凰山神嘗
以玉龍膏民瘵今若置錫于井甕間或
採海藻服之亦可愈瘵疾上有棲雲庵
真宗時洛人章阿父嘗隱焉安康舊志
云

魏山

在西城縣西南九里其山東西南三面
絕險不通者晉吉挹爲梁川督護苻堅

使韋鍾伐之挹於急口岐山爲壘固守
鍾三年不能下安康志云

南山

在西城縣又名吉挹城詳見古蹟

心山

在西城縣漢宣帝時北平陽厥爲漢中
守經此山有棲遁意遂不之郡學道于
此感瑞見金羊因易姓羊今縣界有羊
氏即厥之族也山下有殊草有風不偃
真無風獨搖安康志云

真山

在石泉縣有張天師古蹟

龍山

在洵鄉縣北一百二十里有靈泉旱禱

即應

鶻嶺

在上津縣防遏商州賊路地險要

留停山

寰宇記云在洵陽縣行人登之愛其峭

拔多停留縱覽因名安康志

趙臺山

在西城縣南二里梁北漢水泛溢人皆

走此山下

焦陵山

隋志在西城縣

馬跡山

洵陽縣北山上有馬跡五所因名安康

志云

西城山

在州北五里

紫荆山

在洵陽縣東南五十里有洞深可五六里號仙洞山後有石池傍有石蓮花萼相承高二丈許

五鳳山

在上津縣之柏拒村山上有石洞內有澤

梁門山

在漢陰縣東八十里梁將五神令開拓承境梁門為界之地元和郡縣志云

藥婦山

寰宇記在平利縣東南八十五里周地圖云有夫婦携子入山獵其父落崖妻子將藥救之並為三石人以此得名今頂有有古僊石藥臼尚存九域志有藥

婦山

天柱山

亦名牛山在上津縣北一百五十里又按殷武名山記云上津天柱山懸崖壁立秀出衆嶺有無名游仙洞洞口有竹

數莖寒風凜然人不敢犯

當門山

在洵陽縣東百七十里有二峯相對望

天之如門

饒風嶺

乃洋州來路紹興二年金撒離曷與四太子盡發僉軍聲言東歸太原及自於商出漢陰擣梁洋金州失守吳玠率兵徑趨金洋與之大戰饒風嶺上金兵敗

金撒離曷潛軍間道踰蟬嶺出官軍後

斷玠歸路玠按兵徑趨西縣扼其吭賊

便旋中梁山決月一夕潛遁

漢水

去州城百步其源出金牛鎮蟠塚山下

東流歷洋州縈紆千數百里而後至金

州之境水出麩金其色稍白不任貢獻

月川水

出漢陰縣東梁山山水出麩金

洵水

出洵陽縣北洵山去縣一百五十步

天心水

在長利縣

直水

源出安西路乾祐廢縣弱嶺姜子闢經

漢陰縣注於漢北流當終南子午谷路

是也

八水河

九域志

甲水

在上津縣西二百步南流注漢水

香水

在上津縣北七十里源出石城山西漢

水側石凹中水色白而味甘以上並安

康郡志輿地紀勝引用之

長利水

在上津縣亦名仙水西北自豐陽縣界

流入均州豐利縣

土產

麩金

出百川水新圖冊云越河是也

茶園

在石泉縣

杭米

粟米

小麥

大麥

蕎麥

大豆

小豆

菜豆

白檀香

蜜

蠟

梔子

蒼朮

細辛

川芎

桐子

淚香

海金沙

國家圖書館 NATIONAL CENTRAL LIBRARY, TAIWAN, R.O.C

金毛狗脊

天門冬

麥門冬

天南星

半夏

苦參

黑狗脊

杜仲

牛膝

石三稜

苦苧蘆

枳實

芍藥

常山

穀精草

蛇床子

仙靈脾

石菖蒲

葛根

五倍子

黃柏

厚朴

金釵石斛

海桐皮

草烏頭

黃蘗

蜈蚣

鹿茸

熊膽

零陵香

香白芷

五靈脂

青箱子

密蒙花

威靈仙

吳茱萸

自然銅

玄胡索

草決明

白朮

國家圖書館 NATIONAL CENTRAL LIBRARY, TAIWAN, R.O.C.

天麻

石南

升麻

白膠香

山藥

礬

河參

桔梗

地榆

大戟

天錢子

搜花

通草

烏金子

車前子

鱖魚

出上津縣嘉魚穴

風俗形勢

土地險隘其人半楚風俗畧與荆沔中郡

同安康志云

元大一統志

卷五百三十八

十三 袁氏貞節堂鈔本

國家圖書館 NATIONAL CENTRAL LIBRARY, TAIWAN, R.O.C.

詞訟絕少租賦甚微真宗咸平五年郡守
陳彭年答詔五事云

五方之民會焉其風俗各隨其力安康志
云

舟車輻輳商賈接踵秦頭楚尾一大都會
舊圖經云

俗重寒食與洋州同

其俗多獵山伐木深有楚風寰宇記云

地臨漢水境枕秦川寰宇記

為秦楚之地同上

大元大一統志卷第五百四十二

奏進

集賢大學士游喜大夫同知宣徽院事臣字蘭野

昭文館大學士中奉大夫秘書監臣岳鉉等上進

延安路

土產

石油

在延長縣南迎河有鑿開石油一井其
油可燃兼治六畜疥癬歲納壹百壹拾
斤又延川縣西北八十里永平村有一
井歲辦四百斤入路之

詞訟絕少租賦甚微真宗咸平五年郡守
陳彭年答詔五事云

五方之民會焉其風俗各隨其力安康志
云

舟車輻輳商賈接踵秦頭楚尾一大都會
舊圖經云

俗重寒食與洋州同

其俗多獵山伐木深有楚風寰宇記云

地臨漢水境枕秦川寰宇記

為秦楚之地同上

大元大一統志卷第五百四十二

奏進

集賢大學士游善大夫同知宣徽院事臣李蘭野

昭文館大學士中奉大夫秘書監臣岳鉉等上進

延安路

土產

石油

在延長縣南迎河有鑿開石油一井其
油可燃兼治六畜疥癬歲納壹百壹拾
斤又延川縣西北八十里永平村有一
井歲辦四百斤入路之

麻布

膚施縣出

風俗形勢

白翟故地俗與羌渾雜居撫之則懷安擾之則易動自昔然也寰宇記云

好尚淳厚頗知禮度延安舊志云

俗尚淳儉不崇侈靡善營市利頗習程法

膚施舊圖經云

安定之俗高武力最勤耕織圖冊云

人重稼穡棄末作而專尚農桑之務延安

舊志云

俗尚鬼神而信禱祈方輿撮要引舊圖經

云

人皆慕道而希仙宜川舊為丹州圖經云

俗謂丹州白室北頭南舌蓋言其狀似翟

而語習中夏白室即白翟語訛耳近世謂

之部落稽寰宇記引隋圖經雜記云

山形尖如碧簪故名碧簪山輿地樞要云

橫嶂高數百丈輿地樞要云

山形如卧龍是一郡之名山故曰伏龍山

寰宇記云山在膚施縣西北五里南北一帶

土俗有牡丹延安紅丹州紅皆彼產之傑然者自丹延以西尤多與荆棘無異土人或取以為薪歐陽脩花品叙云

延長有山名獨戰者以山高險峻一人獨戰可以當千寰宇記云在延長縣北四十

五里

黃河之流界限水清宜川舊志云

保安舊為郡以琴山為主山保安舊志云
保安山峯如船狀舊日郡人四時遊賞於此保安舊志云

延安古郡秦陝要區

延州秦州戶杜甫詩云

廊延之地皆荒阜饒瘠熙寧五年延州守臣趙高奏議云

古蹟

延水故城

在延安路東北一百一十里元七鄉本秦臨河縣地秦滅六國使蒙恬將兵十

萬北擊匈奴悉取河南地因河爲塞築
四十四縣城臨河徙謫戍以充之漢因
之在今廢縣理北十五里臨河故城是
也後魏于其中置安民縣并安民鎮屬
東夏州隋文帝廢鎮置安民戍唐武德
二年重置安民縣屬延州貞觀二十三
年改爲宏風神龍元年更爲延水縣取
吐延水爲名後遷在縣西骨胡川宋熙
寧八年省爲鎮入延川舊圖經云延水
豐林門山產麝香

門山故縣

方輿記云在延安路東南一百八十里
一鄉本漢定陽縣地周宣帝大象元年
分汾川雲巖二縣於本縣南六里置門
山縣北有山其形肖象如門因名唐武
德六年徙於宗斯堡不通人馬總章二
年移於原上廣德二年割屬延州宋屬
延安路金因之

國朝至元六年併入宜州

延安故城

按後魏志以東夏州爲延州在延水東
蓋以管內延水爲名也至宋慶歷五年
改卜延水西今路城是與舊城相直人
呼故城爲東州按圖經地產真臘秦膠
司馬光延安道中詩有暮烟凝塞上候
火落天涯之句

豐林廢縣

寰宇記云在府東南三十里三鄉漢高
奴地晉立爲臨河縣尋廢後魏太和元
年置廣武縣後周大叅元年徙治改爲

豐林縣隋初廢唐武德二年復置宋熙
寧五年省爲鎮入膚施有琉璃山在廢
縣北九十五里

金明廢縣

寰宇記云在府北五十里二鄉漢高奴
縣地後魏大武十二年置廣洛縣由界
內有清水所經故立廣武爲名耳隋仁
壽元年改爲金明縣避煬帝名也大業
三年省入膚施唐武德五年折置金明
縣宋熙寧五年廢爲寨入膚施

敷政廢縣

張洽地理沿革表云在州西九十五里一鄉九域志云有招安萬山二寨亦漢高奴縣地後魏太和初置因城縣後周廢尋復之隋開皇六年於其中置金城鎮唐武德二年移縣就鎮更名金城貞觀八年來屬天寶元年改爲敷政縣宋因之

國朝至元六年併入安寨

臨真廢縣

九域志云在府東南一百一十里二鄉方輿記云亦漢高奴縣地後魏大武置臨真縣屬偏城郡周武太和元年稽胡畔攻破城遂移於流川隋大業十二年賊張蒲攻破又移就曷雞城權住義寧元年稽胡首領歸國武德元年郡廢縣隸延州從曷雞城移就流川舊處宋因之金正大屬丹州

國朝至元六年併入甘泉

丹州廢城

禹貢雍州之域春秋時爲白翟所居秦屬上郡漢因之魏文帝省上郡晉陷于戎錫苻姚時爲三堡鎮後魏大統三年割鄜延二州地置汾州理三堡鎮廢帝以河東汾州同名改爲丹州因丹陽川爲名領義川樂川郡隋大業三年廢丹州於義川縣置延安郡十三年爲蕃賊劉步祿所據義寧元年於義川縣置丹陽郡唐武德元年改爲丹州領縣五二年於州置提管府管北連北廣二州貞

觀元年罷府爲州永徽二年徙於赤石川天寶元年改爲咸寧郡乾元元年復爲丹州按郡志所產有龍鬚席蠟燭香子苔參麝香元豐九域志云舊貢國朝至元六年併州入宜川縣屬延安路

古丹州城

在宜川縣東北二十九里唐永徽二年遷于丹陽赤石川口其城遂廢

廢咸寧城

在丹州東四十五里一鄉奉秦上郡地

後魏太和十八年即縣南白水川置永
寧縣屬義川郡至大統十三年改爲太
平縣隋開皇三年罷義川郡以縣屬丹
州十八年改太平縣爲咸寧縣以界內
鎮爲名宋太平興國九年併入宜川
故雲巖縣

在丹州西北七十三里三鄉職方攷云
後魏大統二年於薛河川置永平縣屬
義川郡十二年更爲雲巖縣因邑界雲
巖山以爲名大統九年大水漂蕩移於

桑樞原隋開皇三年移就廢樂川縣大
業二年入義川縣唐武德元年復置於
迴城堡又逢陰雨汲水不通咸亨四年
移居庫利川復爲河水衝注宋開寶三
年移於東南一百步宋熙寧七年廢爲
鎮併入宜川今屬延安路有雲巖村

汾川故城

在丹州東北七十里二鄉職方攷云本
漢上郡地魏太和八年置安平縣在薛
河川屬北汾州其州在河西三堡鎮東

更有南汾州魏大統十八年省北汾州
乃取丹陽川號立汾川縣初理高樹山
南善多村周保定三年移就庫利川北
甚寒原隋大業十年蕃賊郝仁朗攻陷
又移於土壁堡唐開元二十二年移於
甘泉坊圖經云縣西有殺狗嶺而黃河
在縣東北四十五里從北延州門山廢
縣來經縣界七十里南流入鄜州郡城
縣河岸頓狹狀肖槽形鄉人呼為石槽
蓋禹理水鑿石導流之處宋熙寧三年

省汾川縣為鎮入宜川屬丹川金因之
國朝至元六年同宜川入延安路

保安故城

本延州之永康鎮宋太平興國二年置
軍管二鎮一十九寨東至蕃部悉逋族
七里至延州金明縣界七十里西至蕃
部悉逋族一十里至慶陽府金湯鎮界
三十里南至延州敷政縣界一百一十
里至延州一百五十里東北至蕃部厥
移族一十里至古宥州八十里土產羊

地寒霜早不宜五穀九域志云土貢毛
毳獲蓉金升爲州正大兵亂戶口彫殘
今復爲縣

古鐵錢監

宋熙寧八年置在延安府城東建炎後
陷于金此監遂廢

黑城

在今甘泉縣管內臨真廢縣東二十五
里庫利東流川交口赫連勃勃置大象
二年於此置郡其城緣山坡崎嶇不正

遂名黑城

故雕陰縣

在甘泉縣南四十里有雕陰山司馬光
經行有詩

唐北連州城

唐地理志云武德二年於延長縣分置
此州并置義鄉齊明二縣以隸之貞觀
三年州廢省二縣入延長

廢永州城

唐地理志武德二年於金明縣東境置

永州并置洛盤新昌三埶三縣貞觀四年徙州治洛原速州廢省洛盤新昌三埶三縣入金明

延昌故城

唐地理志云武德二年置北仁州貞觀三年州廢十年以其地置洛交縣天寶元年更今名其北蘆子闕唐莊宗避諱省入延長

西和州故城

延水縣本曰安民唐武德二年析延川

置縣即縣置西和州并置修文桑原二縣貞觀二年州廢省二縣入安民隸北基州州廢來屬延州

閭門

唐志云州有府七敦化延川寧戎因城塞門延安金明儀鳳中北谷渾部落自涼州內附置二府于金明西境曰羗部落曰閭門

金蹄犢子殿

在安塞縣管內敷城廢縣西三里有古

城昔有犢子出石縫中金蹄銀角化現
坡犁王立此城廟今毀

合嶺關

舊圖經云在豐林廢縣東北

蘆子關

在延長縣境內故延昌縣北元和郡國
志云關屬延州杜工部甫塞蘆子詩五
城何迢迢迢迢隔河水延州秦北門關
防猶可倚沈括筆談云延安今有五城
說者以爲舊有東西二城夾河對立高

方典郡始展南北東三關城即杜甫以
觀則天贊中已有五城矣司馬溫公光
嘗有詩圓水猶飛檄蘆關未撤烽之句

永寧關

九域志云在延川縣宋熙寧六年冬十
月辛未詔延州永寧關黃河渡口置浮
梁永寧關與石隰周跨河相對嘗以芻
糧資延州東城路寨而津渡阻隔有十
數日不克濟者故命趙高營置以通糧
道兵民便之

神泉

在虜施縣五龍山下

暖泉井

方輿撮要云在延安府之西府居南北兩河之際河水深濁井泉苦北泉七眼其味甘美冬溫夏冷過大寒眾泉凍此泉流溢不減甚濟居人

五龍泉

在延水廢縣東一里平石縫中湧出有雄吼之聲其泉甘美可濟一方上有五

甘泉

龍堂故名方輿撮要引水經云龍泉在左山上有牧龍川多產駿馬

在甘泉縣南巖谷上泉去地一丈飛流激下其味甘嫩隋煬帝遊此飲之取入內又泉側有奇鳥一隻身青項白足赤尾如小山鵲上黑下白其聲數種

嘉泉

在虜施縣管內豐林廢縣東北耆老云水湧出飛流一丈似團碾可嘉因名

玉蓮池

方輿樞要云在宜川縣舊丹州治內池有萬頃爲一方之勝久廢舊圖經云

雲巖

在宜川縣境內舊因此巖名縣名賢多有題咏

丹巖

在丹州廢城上有仙人舊煉丹爐猶存極高峻

石碁巖

在保安廢城內巖高數十丈上有石碁枰并石碁子舊圖經云

庫碣

有川在宜川縣西北二十里從雲巖廢縣界入合丹陽川按圖經云川南是漢北是蕃蕃漢之人於川內共締香火故喚香火爲庫碣因此爲名又有小庫碣

川

石閣

有山在雲巖縣東北三十里丹延兩

界山形肖樓閣

青眉山

在延川縣西北六十里耆老云後魏有
王蕃青眉山家族居圖經云

甘泉亭

以泉得名久廢

相思亭

在上郡南三十里大山之麓二水所交
平阜上宋慶歷四年司馬溫公先適延
安過此亭下以往來者徒習其名莫詳

其義于時夏人搜道征戍未息竊感東
山采薇之義叙其情而思其勞因作五
詩庶不違周公之指且以釋亭之名爾
其一云嶺上雙流水猶知會合時行人
經過此那得不相思餘不錄

迎薰亭

在路之南城久廢司馬溫公和龐籍經
略城南八詠其一云華館壓清波坐待
南風至須知明牧賢善達吾君意

供兵碓

在郡之南城久廢司馬溫公和龐籍詩
其二有云晨暮響寒泉飛輪快風轉士
飽氣益振輕與先零戰

柳湖

在路之城南司馬溫公龐籍詩詩其三
云依依烟未歇漠漠風初靜浮花滿波
面不見參差影

飛蓋園

在路之城南久廢司馬光 and 龐籍詩其
四云軍中富餘暇飛蓋南城隈雍容陪

後乘一應劉才

翠漪亭

在路城南久廢司馬溫公和龐籍詩其
五云雕簷日華動澗漾照漪連四月芟
荷滿不似在窮邊

延利渠

在路之城南久廢司馬溫公和龐籍詩
其六云枝分清淺流縱橫貫城市還如
恩在人潤澤無終既

綠雲軒

在路之城南久廢司馬溫公和龐籍詩
其七云逼漢敵高巖綠雲構飛閣東山
草樹曛致足登臨樂

襖堂

在路之城南久廢司馬溫公和龐籍詩
其八云簫鼓震陽休組練照芳洲意氣
坐中客羞笑山陰遊

叢秀閣

創於保安郡郡治之右名勝多題詠久
廢

吃莫河

在保安縣廢州治十里源出蕃部吃
莫川南流至州城四十六里入洛河不
勝船筏

聖人道

在保安縣今廢州城東七里從蕃界末
移家族來經由廢州界一百五十里入
敷政廢縣界即赫連勃勃起自夏臺入
長安時平山谷開此道土人呼為聖人

聖道

塞門龍安金明三寨

在膚施縣丹頭綏平懷寧順安白草永平浮圖義合米脂九寨在延川招安萬安二寨在敷政惟塞門地形險阻宋初嘗以扼寇衝元昊犯順頤來闕取及恭服遂以塞門一寨給賜元豐間復取之紹聖末諸寨又展築工役並興發地得大竹根半已變石宰相章惇語客曰延安自昔無竹亦一異也客皆無語邵伯溫獨曰天地回南作北有幾矣公以今

延安爲自天地以來西邊乎惇太息曰此邵先生觀物之學也蓋惇早出于康節門下云

英烈蓮花九州臺燃燈臺四堡

呂惠卿作記曰延之爲城有地足以扞守而稅鞅於此邦者不遑省故夏人常作擾熙寧十年來帥延因時游觀南上嘉嶺北九州臺西北獵於伏虎龍頭山東閱武於武家平皆極高深之會度工傳式建四堡曰英烈曰蓮花曰九州臺

曰燃臺英烈以廟名蓮花以形名九州燃臺以山名其建之所在則予所謂敵得之足以時吾動息而我得之足以扞吾城者且延之五城惟西州之南爲終不可守即其已具之器物而均之四堡付所守之人耳因四城之餘衆而分隸焉既以其事上聞故書以刻之石

范文正公祠

在膚施縣東二里東州其祠久廢今地屬道觀遺址猶存

尸毗王寺

在豐林廢縣界即王割身救鵝之所也

廢王野寺

在雲巖廢縣北十五里古老相傳劉薩河坐禪處稽人呼堡爲可野四面懸絕惟有北面一路通人馬

甘泉寺

在甘泉縣久廢

黃帝五龍祠

在膚施縣久廢

關麓山神廟

在延長縣東六十里耆舊相傳昔時鬪戰相殺收拾人首數十萬于此山因置

古祠廟

金蹄犢子廟

在敷政縣西三里今廢

大元大一統志卷第五百四十二

大元大一統志卷第五百四十三

奏進

集賢大學士翁善大夫同知宣徽院事臣字蘭肝

昭文館大學士中奉大夫秘書監臣岳鉉等上進

延安路

官蹟

馮立

漢書字聖卿徙西河上郡太守治行略與馮野王相似民歌之曰大馮君小馮君兄弟繼踵相因循聰明賢智惠愛民政如魯衛衞德化均周公康叔猶二民

關麓山神廟

在延長縣東六十里者舊相傳昔時鬪戰相殺收拾人首數十萬于此山因置

古祠廟

金蹄犢子廟

在敷政縣西三里今廢

大元大一統志卷第五百四十二

大元大一統志卷第五百四十三

奏進

集賢大學士翁善大夫同知宣徽院事臣字蘭肝

昭文館大學士中奉大夫秘書監臣岳鉉等上進

延安路

官蹟

馮立

漢書字聖卿徙西河上郡太守治行略與馮野王相似民歌之曰大馮君小馮君兄弟繼踵相因循聰明賢智惠愛民政如魯衛衞德化均周公康叔猶二民

國家圖書館 NATIONAL CENTRAL LIBRARY, TAIWAN, R.O.C.

李廣

漢書爲上郡太守擊北方有功武帝以廣爲名將拜未央衛尉

李昉

以給事中知衡州陶穀誣奏昉爲親屬求京畿令太祖問張昭昭氣直言穀罔上太祖疑之出昉爲彰武行軍司馬後召還拜中書舍人宋史云

馬知節

自益州守徙知延州時羗以兵窺邊會

上元開門觀燈視以無爲而羗卒不敢爲寇移知鎮州

田重進

以成德軍節度使知永興軍改知延州重進以武勇知名而在鎮專務以仁厚及民約束吏人不令擾百姓卒于任

向敏中

先以集賢殿學士知永興軍會李繼遷死其子德明議納疑就命敏中爲廊延路緣邊安撫使徙京兆景德二年移知

延州受德明降事畢移鎮河南

呂公弼

自渭州徙知延州甚有治聲還為羣牧

使宋史云

范雍

自史部侍郎知河南府拜鎮武軍節度使知延州廊延路經畧安撫使適元昊驅衆十餘萬至城下雍命石元孫出戰又召劉平來援通判計用章固執以衆寡不敵無輕舉不從二將戰歿雍左遷

戶部侍郎知安州事見宋史

計用章

初用范雍辟為延州通判既就職嘗謂修城壘備器械乞朝廷加兵選將以圖討夏賊若不以為意恐闕輔之禍非年歲可弭雍不以為然元昊以兵來圍城二將陷陣都監黃德和奔還雍召用章問計用章曰屢獻言而不用今惟有一死以報國然城中老弱無辜皆公陷之至此若令同為血肉是公上負天子下

負百姓雍怒拂衣而起廷晚又召問用章曰
惟有死爾尚何言會其夜雪大作賊遂
退雍挾用章陷百姓之言而誣以罪用
章遂竄雷州其後范仲淹經略延安知
用章以忠獲罪奏雪于朝田况亦以為
言起監隨州酒明年復故官事見宋史

范仲淹

以龍圖閣直學士知永興軍時延州諸
寨失守東西四百里無藩籬人心危恐
乃以仲淹為守帥仲淹折州兵為八將

將三千人訓練整齊使吏禦賊諸路皆
用以為法賊聞之第戒曰毋以延州為
意今小范老子腹中自有數萬甲兵不
比大范老子可欺也大范謂雍也又築
青澗城以遏賊衝墾田二千頃復永平
廢砦屬羌歸業者數萬戶時議諸路進
討獨仲淹固守廊延不從逮元昊遣人
遺書以乞和仲淹以為難信書有僭號
不可以聞乃自為書令去僭號告以逆
順成敗之說甚辯元昊復有書不遜仲

淹焚其書不以聞坐奪官知耀州

吳育

以宣徽南院使判延州夏人既納款而並邊種落數侵為患龐籍守并州欲築堡備之育因謂約不先定而亟城則爭而受患者郡府也乃移文河東又籍籍書及疏於朝不報已而夏人果犯邊育以疾祈退乃以為大學士知河中府

龐籍

以陝西都轉運使為龍圖閣學士知延

州兼鄜延路經略安撫招討使自五龍川之敗戎落民居焚蕩俱盡戍兵無營壁籍按金明西北有渾州川土平沃川尾有擣子谷即夏人出入隘道命狄青築招安砦于谷旁募民耕墾得粟甚多訖故地為夏人所據者悉逐之久之夏人効順籍召李師中問其信否師中曰元昊數欺中華故疑之今用兵數歲雖戰屢勝而所攻弗克田里所掠不辨一日之費向來所已罄矣故罷兵爾貯然

公母以為功歸之朝廷則兵可罷竊計諸公不以此予人也籍未以為然既而果遣兩人以他事使西夏過延安問朝廷議罷兵云何皆曰不知及還與夏國使王延壽來籍召會兩人問延壽來意又曰不知籍曰延壽黜首與君來而君且不知者耶召裨將因問王延壽何來吾為將尚不與知耶亟書所奏事不然且遣還兩人大恐乃以情告願還使者籍曰軍令不可反君自取之而書其事

來兩人具以事聞籍自是異師中馬籍在任治城及寨皆募禁軍為之軍行出塞則俾因糧于敵馬芻皆自刈之還界其直民無飛輓之勞逮去民遮道泣曰公**線**公用兵數年未嘗以一事煩民雖以一子為香焚之猶不足報迨送數驛乃去籍召為樞密副使事宋史

狄青

寶元初補延州指使龐籍為帥知青敢勇常使當賊鋒凡數年大小二十五戰

青以智畧收奇功常被髮帶銅鑄人面
突圍陷陣往來如神夏人震畏懾服無
敢當者厥後累遷涇原副都總管後以
彰德軍節度使知延州夏人不敢犯塞
皇祐四年拜樞密副使宋史云

韓琦

康定元年西邊用兵仁宗命夏竦爲陝
西四路安撫招討使琦副之置司延安
夜有人攜匕首至卧内遽褰幃帳琦起
坐問誰則曰我來殺諫議又問誰遣汝

來曰張相公遣來蓋夏國正用事也琦
復就枕曰汝携我首去其人曰某不忍
也願得諫議帶足矣遂取帶而出明日
琦亦不治此事俄有守陴守報城樓上
得金帶者乃納之時范純佑亦在延安
語琦曰不治茲事爲得體蓋行則沮國
威今乃受其帶是墮賊計中也琦握其
手曰非琦所及尋以任福建節度敗沒
好水琦坐奪秩降知秦州事見宋史

程戡

嘉祐初年以宣徽南院使判延州治平
初加安武軍節度使戡守郡凡六年比
儕革名習事然無他智略不為言者所
與蕃官於卑恩例無序遷始用戡奏皆
得遷州夾河與兩城堞卑薄常為夏賊
攻圍登九州臺下瞰城中戡調兵夫大
增築之後以為利橫山酋豪怨夏主諒
祚欲以其屬叛取靈夏求兵為援戡言
豺虎非其相搏則未易取也癰疽非其
自潰則未易攻也諒祚久悖慢當誅衆

此宜聽許朝廷重生事遂寢不報年過
七十告老章十數上未曰臣老疾劇矣
高奴屯勁兵為要地豈養病所耶召還
至鄜城卒

郭遠

初以殿直為延州指使范仲淹帥令主
私藏端坐終日不出門外仲淹益任之
韓琦來代仲淹遠又事之琦尤器重屢
立大功累遷至副總管

程琳

慶歷七年以武昌軍節度使永興軍加
宣徽北院使廊延路經畧使判延州時
夏人數百驅畜產至界上請降言契丹
兵至衙頭矣國且亂願自歸附琳曰契
丹兵至元昊帳下當舉國取之豈容有
來降者吾聞夏人方捕叛族此其是乎
不然誘我也拒而不受已而夏人果以
兵數萬臨界上琳戒諸堡勿出兵夏人
以爲有備引去自此不復闕遼皇祐元
年加同中書門下平章事留守北京

胡瑗

慶歷初以白衣召見拜秘書省校書郎
辟丹州軍事推官瑗以湖州學法聞于
時及來丹州隨其人賢愚皆循循雅飭
其後貢舉所得士多瑗之高弟也改密
州觀察推官

薛奎

事仁宗以直船文館出知延州州有夏
人嘗寇境上奎至一以恩信結人心一
以威令來諸寨由是夏人終奎之去不

敢犯塞政成人悅召爲龍圖閣待制知
開封府以上官蹟皆見宋史

沈括

以龍圖閣待制知青州改延州帥廊延
路時王而大舉伐西夏種諤助兵入銀
夏州而不能有明年括請城永樂命徐
禧李舜舉計議邊事李稷主糧餉遂城
永樂距銀夏五十里米脂五十里賜名
銀川砦旣而賊二十萬重圍永樂城遂
陷於是漢蕃官二百三十八免丁二千

三百人皆沒焉禧舜舉稷死之神宗乃
以括始議責居隨州烏筆談云括在延
安之日新一廳事謂之五司廳延州正
廳乃都督廳理延州事五司廳理廊延
路軍事如唐之使有五司者經畧安撫
提管節度觀察處置五使今節度之職
多歸總管司觀察歸安撫司處置歸經
畧司其節度觀察兩寮并支掌惟判官
令皆治州事經畧安撫司不置佐官以
帥權當專都總管以下皆受經畧司節

制事見宋史

趙高

先是高爲汾州司法參軍而郭達宣撫陝西帥延安辟高在幕府種諤擅納絳州降羌朝廷病其生事欲議誅諤高上疏留之乃從遂活降羌數萬人留東路扞蔽後以直龍圖閣知延州事夏人屢款塞高能揣知其情遂奏言賊使請和其意必欲畫綏州界願聽本路經畧司分畫明年遂用高策以綏州爲綏德城

劉平

後自慶陽帥再帥延安元祐初渠乞埋數犯邊高搃其腹心俘馘甚衆遷樞密直學士累遷端明殿學士卒宋史云以靜難軍留後爲廊延等路兵馬都部署元昊攻保安自土門路入寇延帥范雍令平至保安與石元孫合平趨土門旣又有告賊兵趨金明圍延州雍復召平還延州平夜至三川口西四十里營令騎兵先趨延州奪門詰朝步兵未至

平與元孫還逆之行二十里過兵與偕
行至三川口遇賊與戰時平地雪五尺
餘賊于水東爲偃月陣我師于水西亦
然相嚮賊稍進我師奮擊殺賊數百人
平左耳右脛皆中流矢戰少卻郤延路
駐泊都監黃德和引兵走平轉鬪三日
賊問主將所在何不降平應之曰犬賊
不降我何降也以衆寡不敵與元孫俱
被執平罵賊不已遂見殺年六十八德
和既遁遂誣平降賊詔以兵圍其家殿

中侍御史文彥博即河中府置獄訊之
具得其實遂釋其家德和坐腰斬賜平
家信陵坊第一區贈忠武軍節度使兼
侍中謚曰節愍事見宋史

高良夫

以國子博士通判延州歐陽修行制詞
曰邊鄙之士不徒衽金革而當矢石至
于撫人民平政賦凡闕決于其間者不
亦勞乎惟爾之才久于其事今三載考
績而例當進秩爲常典以爾有勞宜推

茂恩以旌能吏

王溫恭

權保安軍判官知延州延水縣事歐陽
修制曰自西陲用兵而智謀才勇之士
奮然而爭出者非惟吾爵賞是利益士
之負其能者亦欲因時而立焉百里之
縣有民與土課日而實軍備平政以懷
邊亦足有爲將觀汝効並出衆史

史吉

宋康定初夏賊寇延州永平寨主監押

欲引兵深匿山中俟賊去復歸吉爲指
揮使帥所部數百人遮城門立于馬前
曰寨主監押欲何之二人以其謀告吉
曰如此則兵完矣如城中百姓芻糧何
此往還之跡何可掩異日爲有司所劾
吉爲指揮使不免一斬願先斬吉于馬
前不然不敢以此兵同行寨主監押慙
懼引轡而返賊至圍城吉帥衆拒守數
日而賊去朝廷以主押完城功各邊一
秩吉曰幸完城寨吾豈論功乎後官至

團練使女妻郭遠為郡夫人亦有明識
遠喜治生家甚豐夫人嘗曰我與公俱
老所食能幾何子孫皆有官公位望不
輕乎曷為多藏以敗名也

郭遵

康定元年三月癸酉廓延路經畧安撫
韓琦言昨者夏賊寇延州有西路都巡
檢使侍禁閤門祇候郭遵從劉平與賊
戰賊有跨馬舞二劍以出大呼云欲鬪
將者平問諸將無敢敵者獨行因上馬

舞二鐵簡與賊格鬪賊應手腦碎衆遂
却項之遵又橫大鋸刀率百餘人進陷
賊陣至其帳前而還凡三出三入所殺
幾百人遵馬倒為賊所害聞賊中皆歎
服其勇也乞優賜褒贈及錄其子孫詔
遵贈果州團練使母妻封郡君孝子悉
除供奉官侍禁殿直兄弟亦以差拜官

夏安期

嘉祐元年五月以龍圖閣直學士知延
州州東北阻山無城夏賊嘗衆之安期

至即令大築城方盛暑諸將曰士卒有
怨言安期益廣計數百步令其下曰敢
有一言動衆者斬躬自督役不踰月而
就延袤六里並出宋史

孫覽

以寶文閣待制知渭州改延知安府保
障有勞於吏事尤勤入爲戶部侍郎

李師中

自洛川宰改知敷政縣兼充經畧司屬
官宥州移牒保安軍以歲賜每至次年

方畢欲歲終皆得之延州以聞朝廷降
式許之師中改云依久例因論奏曰戎
人所欲無厭今許之不足以示恩徒啟
其貪心而示弱樞密院劾其擅改制書
師中曰所改者保安軍回宥州牒耳非
制書也遷提點廣西刑獄事出宋史

李若谷

自滑州改知延州夏人遣使來前守多
延之堂上若谷獨廡下飲食之遷知壽
州宋史云

种諤

自涇州郡守爲鄜延路副都總管諤上言夏主秉常爲其母梁氏所囚其事尚神宜禱其巢穴諤入對大言神宗壯之乃以諤爲鄜延路經畧安撫副使軍次綏德城遣諸將出塞朝廷罪諤輕出令還帥延安夏人聚兵于夏州諤出兵大敗之捷書聞神宗大喜復以功遷龍神衛四廂都指揮使後知延州卒于任

范純粹

以戶部侍郎出知延州府哲宗親政用事者欲啟邊釁以純粹棄地爲非降直龍圖閣復以寶文閣待制移熙州徽宗時復以舊職帥延安以課最徙知永興軍

孔平仲

自陝西轉運使徙知延安府平仲以經學飾吏事以威信待羗人甚有治狀尋移環慶奉祠

張載

自邠州司法參軍爲雲巖令雲巖併入宜川以厚俗爲先每以月吉具酒肴召鄉耆年會于庭親爲勸酬使人知養老事上之義問民疾苦常於座右書視民如傷四字呂公著言有古學神宗召見問以治道對曰爲政不以三代爲法者苟道也除崇文院校書

劉昌祚

熙豐中以昌州刺史知鎮戎軍爲鄜延路經略安撫使知延州鄜延自義合至

德靖寨綿亘七百里堡砦五十餘疏密不齊烽燧不相應昌祚立爲定式凡耕墾訓練戰守屯戍度強弱分地望圖山川形勢上之除雄州團練使元祐初移帥涇原出宋史

錢卽

崇寧末以直龍圖閣知慶州改知延安府夏國人使文檄來往多由鄜延號爲西門凡移檄與諸路理辨率由延安刊定以付邊吏夏人書至密閱其當受與

否諸邊皆稟覆自即至烏延每屈之以
禮夏人以所賜御寶大言於邊即卻不
受使人入境所舉小不如式劾引伴者
移檄夏國責其失禮出宋史

劉韜

先為陝西轉運使時六路大舉廊延帥
劉法戰歿夏人乘勝攻圍震威韜領帥
事出奇兵敗之圍遂解夏人來言國主
納款謝罪人疑其詐韜謂兵興累年我
尚不能反况彼小邦乎此情實也何疑

我即受其使因密疏以聞詔許其自新
而西邊以安進徽猷閣待制知越州

劉法

重和初為廊延帥時童貫以陝西等路
宣撫使揔諸道兵築夏靖夏制制戎伏羌等
城謂可致西賊死命逼法使北取朔方
法不可貫曰君在京師時親受命于上
前自言必成功今乃以難告何也法不
獲已引軍出塞夏人伏兵擊殺之貫隱
其敗而以捷聞使百官入賀議者切齒

法為時名將及死于兵士大夫寃之

賈炎

宣和末為延安帥時夏人因遼人納款請和且以誓表進許之已而夏使來賀生辰授以誓詔辭不取賈莫能屈但嚴迫館伴使強之而去還及境遂棄以歸炎得而表上之貫始大沮

陶節夫

崇寧三年知延安府四年春王師復銀州節夫城築才五日而畢功樓櫓城雉

歟若幻出夏人傳駭以為神未幾夏人恃契丹來索地詔廢為銀川城屬延安府節夫力陳地不可棄徽宗不從是役也節夫授劉延慶以策破賊衆七萬又俘馘咩屈凌聲以下首領三百六十三拓地幅員八百里不廢內帑中都一錢一米而收功如許未幾力丐鄉郡加龍圖閣學士知洪州會執政言節夫不可去令再任

王庶

先為直徽猷閣陝西都轉運使高宗即
位于南京除屈直龍圖閣廊延路安撫
經略使兼知延安府屬麟府丹等州告
急即扶病兼程當前帥張深副總管劉
光世勤王之役廩無餘糧兵不滿千屈
料簡鄉兵盡索甲馬得勝兵萬數騎二
千富民爭獻金穀府庫僅充屈分遣兵
將據要害賊屢獲勝捷明年金人由馮
朔清水度河破潼關降同華屠秦犯鞏
庶聞賊度江傳檄諸路約共討賊迄無

應者庶獨遣劉先烈斷河橋與賊戰于
屈泉大破之金人又犯廊坊庶從間道
據守要害時危棘報至庶掃壁赴敵將
至靈時賊由康定而退賊有自熙河還
者并趨隴坊庶檄劉延亮設伏于神水
峽邀其歸路賊知庶至一夕遁去陞集
英殿修撰遷龍圖閣待制節制陝西六
路軍馬制置永興軍路尋以曲端意異
延安失利自劾去俄丁母憂並出宋史

人物

韓世忠

字良臣延安府人從効用補官建炎初
爲御營使司左軍統制三年加奉寧軍
節度使討平苗劉大儀之役敗兀朮擒
孛堇秦檜主和戎世忠以爲不可伏兵
洪澤欲劫金使使乃由淮西去卒不能
劫檜銜之檜誣岳飛爲不軌送大理寺
世忠詰檜云岳家有此否檜云莫須有
世忠責之曰此三字何以使人心伏世
忠以樞密使罷兵柄力乞奉祠世忠杜

門謝客絕口不談兵時跨驢攜酒從一
二童奴遊西湖自適平生戰功最多十
指僅餘其四刀痕依然紹興十七年卒
年六十二追封蕞王謚忠武子彥古彥
直彥質惟彥古彥直最名世

貞女孟氏

孟氏女延安人父戍永樂城夏人攻圍
城陷父死焉女呼號徒步亟往潛入城
中獲其父尸大慟而卒夏人憐之併其
父瘞焉是役也有婦人焉賊愛其色而

欲私之婦大罵曰吾為宋氏鬼不為夏賊婦賊怒銜其喉而死

僊釋

雲巖僧忘其名

住山五十年辟穀定坐宣和三年辭衆衲去衆問其故僧曰赤羊之歲汴梁無主老僧合體今日歸去後七年是為靖康丁未果如其言

白雲片鶴

本金明縣人為道士居府之天慶觀自

稱白雲片鶴嘗游汴京見趙元鎮大聲呼曰中興名相時宣和元年也人驚異之他日又遇元鎮於道周曰吉陽相逢後元鎮紹興五年為相有重名晚歲竄海南逮至吉陽忽與白雲相見白雲曰憶疇昔之言予公將歸矣未幾元鎮果下世

大元大一統志卷第五百四十三

大元大一統志卷第五百四十四

奏進

集賢大學士資善大夫同知宣徽院事臣字蘭盱

昭文館大學士中奉大夫秘書監臣岳 鎰等上進

鄜州

洛川縣

中部縣

宜君縣

建置沿革

禹貢雍州之域星分入東井與鬼鶉首之次漢天文志北地上郡皆屬鶉首春秋白翟國秦始皇時地屬上郡漢為上郡雕陰地此據元和志及寰宇記今所上圖冊但云秦漢皆屬上郡魏武帝有馬失于詳

元大一統志

卷五百四十四

一

表氏貞節堂鈔本

A 1 2 3 4 5 6 M 8 9 10 11 12 13 14 15 B 17 18 19

尺 1 2 3 4 5 6 7 8 9 10 11 12 13 14 15 16 17 18 19

大元大一統志卷第五百四十三

大元大一統志卷第五百四十四

秦進

集賢大學士資善大夫同知宣徽院事臣字蘭盱

昭文館大學士中奉大夫秘書監臣岳 鎰等上進

鄜州

洛川縣

中部縣

宜君縣

建置沿革

禹貢雍州之域星分入東井與鬼鶉首之
次漢天文志北地上郡皆屬鶉首春秋白
翟國秦始皇時地屬上郡漢為上郡雕陰
地此據元和志及寰宇記今所上圖冊但
云秦漢皆屬上郡魏武帝有馬失于詳

元大一統志

卷五百四十四

一 袁氏貞節堂鈔本

A 1 2 3 4 5 6 M 8 9 10 11 12 13 14 15 B 17 18 19

尺 1 2 3 4 5 6 7 8 9 10 11 12 13 14 15 16 17 18 19

考暨晉陷於戎羯不置州郡於坊州中部
界置杏城鎮元和志云後魏太和十五年改鎮
為東秦州孝明二年又改為北華州此據魏志
及輿地廣廢帝二年改為廊州因秦文公
記所同
夢黃蛇自天下屬地遂於廊立廊時為名
此據元和志及職方考所載寰宇記亦同
惟圖冊則云周改為廊州蓋失於不考耳
隋大業三年罷州置廊城郡其年自杏城
遷理於五交城唐武德元年改為廊州
洛交洛川三川伏陸內部廊城六縣二年
以太天一以內部廊城隸防川元和志云三年置直羅縣

貞觀二年署都督府六年為大都督府九
年復為都督府天寶元年改為洛交郡後
升為保大軍節度使屬關內道郭子儀領
節鉞即此地也乾元元年復為廊州宋康
定二年即廊延縣治置康定軍使仍隸州
熙寧七年省三川縣為鎮入洛交金因之
國朝得地之後廢節度止立散州初領洛交洛川
廊城直羅四縣至元四年併廊城入洛川
又併洛交直羅入州自理六年廢坊州以
中部宜君二縣屬廊州今領縣三

洛川縣

本漢洛縣地屬馮翊漢志及沿革表東漢省東漢郡國志後秦姚萇置縣因洛川水以立名後魏置敷城郡隋開皇二年罷郡張洽地理地革表以縣屬廊州自高槐移隋屬上郡不同理烏歷五代宋洎金並因之

國朝不改舊名至元四年併廊城入隸本州

中部縣

本漢程道縣地屬左馮翊漢書渠搜中部都尉理所為朔方郡第七縣莽曰溝搜漢

郡國志朔方郡魏晉戎翟居之後秦姚興下無渠搜二字於所治南十八里置中部郡後魏太武改為中部縣文帝大統九年避國諱改為內部大業三年廢廊州為上郡而縣自古城移理仍隸上郡唐武德二年復於此置坊州及中部縣元和志云天寶曰中部郡屬關內道宋因之

國朝至元二年以縣隸延安縣六年廢坊州併入

中部縣屬廊州

宜君縣

春秋白翟地張洽地理沿革表云西漢左
馮翊郡朮縣地東漢左馮翊管十三城此
居其四東漢郡寰宇記云前秦苻堅於朮
朮古城北置宜君護軍元和志云後魏真
君七年改爲宜君縣又置郡大統五年又
遷於華原縣北爲理隋志云開皇郡廢屬
京兆郡唐初屬宜州寰宇記無唐初屬宜
州五字今據沿革表
云貞觀十七年廢地入雍州二十年於此
置玉華宮仍即宮南四里置宜君縣永徽
二年縣與宮俱廢龍朔三年坊州刺史竇

師倫奏再置宜君縣屬坊州天寶十二年
析置升平縣宋熙寧元年省爲鎮入宜君
圖冊云宋熙寧中改宜州金因之
秦改爲縣九域志無之

國朝初併入坊州中統元年復置屬延安路至元
六年併入中部縣十四年復置二十二年
改隸廊州

坊郭鄉鎮

洛川縣

開府村	安善村	安公村	東王村
太平村	進漢村	百谷村	王和村

石堡村 青龍村 安泉村 石泉村
得亨村

中部縣

獨戰村 立石村 唐和村 龍坊村

太平村

宜君縣

孟晃村 道臺村 姚曲村 集賢村

雷成村 雲陽村 嘉會村

里至

本州

東北至上都三千一百八十里
東北至大都二千三百八十里
東北至延安路一百八十里
東至宜川縣一百里
西至慶陽府邠州界一百三十里
南至耀州同官縣界三百里
北至甘泉縣界四十五里
東到宜川縣一百八十里
南到中部縣一百四十里
西到慶陽府寧州五百里

北到甘泉縣九十五里

西北到安塞縣併管敷政縣一百七十里

東南到安西路澄城縣二百五十里

西南到慶陽府邠州五百里

東北到甘泉縣省併臨真縣二百里

洛川縣

東北至上都三千二百四十里

東北至大都二千四百四十里

西北至鄜州六十里

東至宜川縣界七十五里

西至中部縣界八十里

南至澄城縣界一百六十里

北至本州界二十八里

東到韓城縣二百五十里

南到白水縣二百五十里

西到寧州四百里

北到甘泉縣一百五十里

東北到宜川縣一百八十里

東南到同州三百七十里

西南到中部縣一百二十里

西北到本州六十里

中部縣

東北至上都三千三百二十里

東北至大都二千五百二十里

北至本州一百四十里

東至洛川縣界五十里

西至寧州界一百五十里

南至宜君縣界一十五里

北至鄜州界五十五里

東到洛川縣并管鄜城一百二十里

西到寧州三百二十里

南到宜君縣一百四十里

北到本州一百四十里

東北到洛川縣一百二十里

東南到白水縣一百四十里

西南到三水縣二百五十五里

西北到省併直羅縣一百四十里

宜君縣

東北至上都三千三百九十里

東北至大都二千五百九十里

北至本州二百一十里
東至洛川縣界一百里
南至同官縣界三十里
西至寧州界二百里
北至中部縣界七十里
東到洛川縣併管廊城一百五十里
南到同官縣九十里
西到三水縣二百五十里
北到中部縣七十里
東北到洛川縣二百里

山川

橋山

東南到白水縣一百三十里
西南到寧州三百里
西北到本州直羅廢城一百八十里
在中部縣北一里迺軒轅黃帝葬衣冠
之所山下有沮水或曰古沮水分流潛
穿山底經過因名橋山寰宇記引史記
云黃帝葬此山陵冢存存唐大歷元年
置廟宋開寶二年勅修廟祭祀在州西

二里按李吉甫元和志寧州真寧縣東
八十里子午山亦曰橋山黃帝陵在山
上羣臣葬衣冠之所今兩存之

石堂山

寰宇記引註水經云潛水出翟道縣西
石堂山本名翟道山又穆天子傳云癸
酉天子命駕八駿之駟造父爲御南征
朔野徑絕翟道升于太行翟道即縣之
西石堂山也郭璞以爲隴西狄道則非
玉華山

在宜君縣西南四十里有唐太宗避暑
宮張齊賢燕談錄云雍熙二年玉華山
獲一角獸坊州守臣志其姓名以爲瑞十月
己亥太宰召宰臣觀之咸奏曰按瑞應
圖壯曰麒麟北曰麟昔嵐州所進麟也此
乃麒麟也請宣示中外上不許但奏於禁
中因諭輔臣曰時和歲豐是爲上瑞此
何足云

大槃山

政和重定九域志云在直羅縣直羅今

併入州

洛河

自洛川縣北三十里鄜州境南陽村西南入境流七十里至交口村東南流地理沿革表隋文帝分三川洛川縣以置此額取洛水之交故曰洛交屬鄜州舊圖經云自交口村南流入中部縣又南流一十五里至楊家莊合沮水東南流四十里至鄜城十二盤出境寰宇記云洛水在坊州東四十里按山海經云出

白柞山地理志云洛水出北地歸德縣北蠻塞中從鄜州洛川縣西南入中部鄜城二縣過入同州白水縣

沮水

自中部縣西北子午嶺發源東流二百里至本縣三十里楊家莊東南順流入洛

子午水

在宜君縣管內昇平廢縣北一百里出子午嶺東南流入中部縣合沮水樂史

寰宇記云禹貢謂漆沮二水出馮翊北
即子午水下合榆谷慈烏等川遂為沮
水

淺石水

寰宇記引水經云水出翟道山

今中部
縣即古

翟道
縣地

香川水

寰宇記云源出中部縣北香水在縣西
南三十七里自宜君縣界來南香水在
縣西南三十五里出於遺谷

泥水

寰宇記引水經云水出翟道縣泥谷按
圖經泥谷水在縣西北五十里源自栲
栲谷來

慈烏水

在宜水縣西北四十里源自昇平鎮分
水嶺東流入本縣界又石盤水在宜君
縣東五十里源自耀州同官縣大石盤
出東流入縣界

小塞門水

在今洛交廢縣西北十五里又白水按水經源出洛交縣分水嶺界

三川水

寰宇記云以華池水黑源水洛水同會謂之三水古為三川郡也杜甫寄家在鄜州身陷賊中未得脫有詩云三川不到歸路晚山稠落鴈浮寒水飢鳥集戍樓趙次公詩註云三川即鄜州華池黑水洛水所會王洙註引左傳周之亡也其三川震註涇渭洛水非是

蒲川水

寰宇記引水經云水東南流入坊州今州

廢併屬鄜州

羅川

在直羅廢縣今併入州南二里詳見古蹟

土產

石脂

在鄜州東十五里採銅川有一石窟其中出此就窟可灌成燭一枝敵蠟燭之三至元七年上司移文封扃至今不採

石炭

在宜君縣西北一百里嘉會村有一石

窟

石油

在宜君縣西二十里姚曲村石井中汲
水澄而取之氣雖臭而味可療馳馬羊

牛疥癬

土硫黃

在宜君縣西南七十里野火山

連翹

蒼朮

瞿麥

黃芩

苦參

秦艽

胡麻

以上宜君君縣出

風俗形勢

白翟故地羗渾雜居

寰宇記云

秦塞要險地連京輔漢時匈奴頻入朔方

故塞外烽火照甘泉即今渭北九峻山是也同上按九域志九峻山在醴泉縣風俗奢侈競爲習靡之習鄜洛圖經云地遠而習戰爭舊圖經云俗以夏月遊賞爲重同上

女爲男作圖經云

地近邊面人比精於製兵器坊州圖經云中邵宜君風土頗惡勇而不知義圖經云洛水之交三水所會圖經云

城枕羅原其川平直戶部尚書崔仲方云

築城以居之故曰直羅

長城因河爲塞圖經云

海邊昏霧雨塞外慘風沙司馬溫公詩云

大元大一統志卷第五百四十四

大元大一統志卷第五百四十五

秦進

集賢大學士資善大夫同知宣徽院事臣李蘭肝
昭文館大學士中奉大夫秘書監臣岳 鉉等 上進

鄜州

古蹟

秦長城

在洛交廢縣今併州東南四十里史記云
秦將蒙恬所築唐鮑容賦詩蒙公虜生
人北築秦氏冤禍興蕭牆內萬里防禍
根城成六國亡宮闕啟千門生人半爲

大元大一統志卷第五百四十四

大元大一統志卷第五百四十五

秦進

集賢大學士資善大夫同知宣徽院事臣孛蘭肝

昭文館大學士中奉大夫秘書監臣岳 鉉等 上進

鄜州

古蹟

秦長城

在洛交廢縣今併入州東南四十里史記云

秦將蒙恬所築唐鮑容賦詩蒙公虜生

人北築秦氏冤禍興蕭牆內萬里防禍

根城成六國亡宮闕啟千門生人半爲

國家圖書館 NATIONAL CENTRAL LIBRARY TAIWAN R.O.C.

土何用空中原奈何天下人骨肉尚酬
恩投沙擁海水安得不久馘乘高慘人
魂寒日易黃昏枯骨貫折鐵河中如有
言萬古驪山葬誰知野火燔

翟道故城

在中部縣西北四十里故城是也周三
里有餘址後漢省字文周曾於此城置
利人縣尋廢

杏城

在今洛交縣廢縣今併漢胡伐杏木爲柵

以抗北邊

雕山縣地

在今洛交廢縣山之陰故曰雕陰唐詩
人韋莊賦一絕云雕陰寒食足遊人金
鳳羅衣濕麝薰腸斷入城芳草路淡紅
香白一群羣

朝那膚施

在洛交廢縣漢書云匈奴南侵至朝那
膚施謂此地也

夏太后城

在洛交廢縣南三十六里赫連勃勃聞
劉裕滅姚泓令其子義真等守自將兵
入長安留太后於此築城居之

赤沙城

在中部縣西七十里古戍城也

故洛交縣

元三鄉本漢雕陰縣地屬上郡雕山在
西南故曰雕陰魏省上郡晉為戎翟所
居苻堅時為長城縣後魏及周為三川
縣隋文帝分三川以洛水交會之所故

置縣以洛交為名唐宋因之金亦仍舊
國朝至元四年以土曠人稀併入鄜州唐詩人韋
莊遊鄜州寒食城外醉吟一絕云滿街
楊柳綠絲烟畫出青春二月天好是隔
簾花樹動女郎撩亂送秋千土產龍鬚
席賦麻布

三川廢縣

州西南六十里三鄉本漢翟道縣地按
翟道縣在中部縣古城是也地理志云
翟道屬左馮翊苻秦於縣南長城原置

長城縣屬長城郡後魏廢帝三年改爲
三川取古三川縣爲名屬中部郡隋開
皇三年隸廊州唐因之宋熙寧三年省
入洛交縣爲鎮

直羅廢縣

在州西南九十里三鄉本漢雕陰縣地
魏省雕陰縣晉時戎翟所居後魏置三
川縣隋使戶部尚書崔仲方築城居之
唐武德三年分三川洛交於此置縣因
城爲名宋因之金亦仍舊

國朝至元四年以土曠人稀併入廊州

廊城廢縣

州東一百二十里三鄉本漢廊縣地屬
左馮翊後漢省後魏於此置敷政縣屬
敷政郡隋大業元年改敷字爲廊屬廊
州唐武德二年改屬坊州唐末李茂貞
建爲翟州梁開平三年改爲禧州又改
其縣爲昭化縣後唐同光元年復爲廊
城縣仍隸廊州宋康定二年即此縣置
康定軍使金廢之

國朝至元四年以土曠人稀併入洛川

故升平縣

唐天寶十二載刺史羅希與奏析宜君縣西北界升平鄉等三鄉以置之以鄉爲名東南去宜君縣三十五里尋以吐蕃侵破移縣在橫捧川宋熙寧二年省爲鎮屬宜君縣

故坊州城

禹貢雍州之域古白翟國秦屬內史漢書云朔方爲西部都尉休屠爲北部都

尉渠搜爲中部都尉故此爲中部郡焉又郡國志云廊城本秦高奴縣地翟道故城是也俗稱高樓城即春秋白翟所居魏晉陷于戎羯劉石苻姚時於州西七里置杏城鎮恒以重兵守之後魏文帝改鎮爲東秦州孝明改爲北華州廢帝改爲廊州後周天和七年世祖元皇帝作牧廊州於州界置馬坊結構之處尚存唐武德二年高祖駕幸於此聖情永感因置坊州取馬坊爲名天寶元年

分爲中部郡乾元元年復爲坊州元領
中部宜君昇平郿城四縣割郿城入郿
州宋熙寧元年又廢昇平爲鎮中部宜
君富有藥材魏恭東軒筆錄云古詞芳
洲漸生杜若謂芳香之洲渚生此香草
宋天聖間朝旨下坊州取杜若雖一時
文移之誤亦宰相不學故也宜君有磬
場此州地產龍鬚席弓弦麻非他郡所
及金因之

國朝至元六年併入中部縣屬郿州

玉華宮

在宜君縣西四十里唐貞觀十七年於
宜君縣鳳凰谷置止殿覆瓦餘皆葺茅
其地本縣人秦小龍宅太宗曰小龍出
大龍入當時以爲清涼勝於九成宮永
徽二年廢宮爲寺即以玉華爲名西有
駐鸞崖東有石室甚奧外有水散漫流
下狀如珠璣號曰水簾寺內有肅成殿
玄裝法師於此院譯經每言此閻浮之
兜率天也寰宇記云杜子美避難至郿過此

賦詩云溪回松風長蒼鼠竄古瓦不知
何王遺道構斷壁下陰房鬼火青壞道
哀湍瀉萬籟真笙竽秋色止瀟灑美人
為黃土况乃粉黛假當時侍金輿故物
獨石馬憂來藉草坐浩歌淚盈把冉冉
征途問誰是長年者蘇軾註云梁隱過
此披覽遺跡子無故碑改鑿往事蜀土
石馬在茂草間可歎也

杏城鎮

姚萇置此鎮在中部縣東七里

開元坡

在廊州城外唐韋莊詩云開元坡下日
初斜拜掃歸來走鈿車可惜數枝紅艷
好不知今夜落誰家

廊臺

在廊城舊縣之東園宋元祐二年杜純
佑來為令築臺名以廊有詩兩載廊城
著小冠一臺高築地平寬向陽花木齊
教放天下無春似此間

保大軍樓

即譙樓也蔡挺為郡守日建嘗修潤唐武元衡詩云三川會合古廊州紆紱來寬宵好夏靜守化條無一事東風獨上夕陽樓金時猶存正大末兵廢

塵玉亭

竹溪詩話云康識守廊州日建謂唐詩人羅虬作廊坊從事賦比紅兒一解為絕唱其詩曰花落塵中玉墮泥香魂應上窈娘隄欲知此恨無窮處長倩城烏夜夜啼摘塵玉二字以名亭金時厄於

兵火今犁為田矣

葦谷

谷有水東南流入三川

三川今屬唐鄭洛文廢縣

玉詩云水會三川漾碧波雕陰人唱采

花歌舊時白翟今荒壤葦谷淒淒風雨

多

鳳凰谷

唐地理志云君縣有此谷在玉華宮北

四里

詳見前註

杜甫工部故宅

在鄜州南六十里三川今存遺址工部
觀三川水漲有詩二十韻末數聯云不
有萬穴歸何以尊四瀆及觀泉源漲反
懼江海覆漂渺杵岸去漱壑松栢禿乘
陵破山門回斡裂地軸交洛赴洪河及
闕豈信宿應沈數州沒以聽萬室哭穢
濁殊未清風濤怒猶蓄何時通舟車陰
氣不滲黯浮生有蕩泊吾道正羈束人
寰難容身石壁滑側足雲雷此不已艱
險終更竭普天無津梁欲濟願水縮因

悲中林士未脫衆魚腹舉頭向蒼天安
得騎鴻鵠又有鄜州月夜詩末云何時
倚虛幌雙照淚痕乾又自序云寄家鄜
城身陷賊中於一百五日對月感歎而
作云無家對寒食有淚如金波子美脫
身至得在得左拾遺奉詔歸鄜州挈家
有詩云青袍朝士最困者白頭拾遺徒
步歸又作北征古風七十餘韻東坡蘇
子瞻曰子美北征詩識君臣大義忠義
之氣與秋氣爭光可貴也

黃原祠

在三川廢縣有水發源於破羅谷南流
經桐柏合葦川是也

揚班祠

在廊城廢縣周地圖記姚萇時立節將
軍揚班居黃梁谷北其谷西有水谷由
來無水夜中忽有人語就班借車牛十
具欲移徙我是湫神尋則聲絕班即備
車牛十具置門前至明車濕牛汗乃尋
車轍至乾谷中忽有水方二百餘步其

水極深巨測冬亦湛然每水旱祈禱有
應今按揚班湫水周一里餘二十步

軒轅廟

在橋陵東五里官為三歲一祀唐姚酢
詩有遺廟空山草木長之句

廊時祠

此漢郊祀之所也春秋白翟故地漢志
云秦文公東獵汧渭夢大蛇止於廊時
以問史敦敦曰此上帝徵君祠之於是
作廊時用三牲郊祀白帝焉杜甫北征

詩有坡陀望廓時巖谷互出沒之句

漢武廟

在洛交廢縣有僊宮城今相思川也

鳳山寺

方輿記云在廊城嘗有五色雀見因以立寺久廢

玉華寺

即玉華故宮也前已詳杜少陵九成宮註者云廊州有此宮即隋仁壽宮按九成宮在鳳翔府麟遊縣西一里而註者

蓋誤今不取

官蹟

尉遲敬德

唐武德初自同州刺史封鄂國公改廊州都督敬德為唐名將尋移夏州授開府儀同三司

王承元

自檢校工部尚書義成軍節度使徙廊坊丹延等節度使承元鎮廊奉公守瀆於州民有愛利未幾移鎮鳳翔

李愬

自太子中允出爲坊州刺史治行異等
改晉州

劉几

宋治平二年六月辛未以東上閣門使
嘉州團練使知鄜州事几初權溼原副
都總管與轉運使陳述古交訟既罷而
代几者遂發几過用公使庫錢詔几赴
永興軍聽劾御史中丞賈黯言國家任
用將帥當責以捍邊禦寇之効細故宜

略可以得死力况今西戎數擾方當以
恩威御諸將所宜思太祖寬待李漢超
等而懲慶歷中罪尹洙等之失若几苟
無大過願赦而不誅仁宗納其言故有
是命几在郡威惠兼用兵民懷之夏人
不敢犯塞後移守鳳翔

薛顏

仁宗時自河東轉運使移陝西路顏巡
按至坊州坊州今屬鄜州其州自來募人鍊礮
而誅益重至有破產被繫而不克償者

顏以爲罷坊磬而晉磬當大售遂奏罷之已而果然徙河北

胡旦

舉進士第一累官知制誥端拱元年三月坐與翟馬周草書詆執政及薦人才責爲坊州團練副使旦有大志雖在謫所著述甚富皆有補于世久之移絳州行軍司馬

种世衡

自同州僉書判官改鄜州判官初康定

元年夏人犯延安王師不利朝論以堡障衆多有分兵之患其間有遠不足守者即令罷之寇驕而貪益侵吾疆百姓受害世衡時爲大理丞領鄜州幕府建言延州東北二百里有故寬州請因其廢壘而興之以遏寇衝左致河東之衆右固延安之勢北圖銀夏之舊有是三利朝廷從之以世衡董役事世衡與兵民暴露數月且戰且城然處險苦無泉水議不可守鑿地百有五十尺始至于

石工徒拱手曰是不井矣世衡曰過石而下將無泉耶爾其屑而出之凡一畚償爾百金工復致其力過石數重泉果發飴甘而不耗萬人歡呼曰神乎雖夏兵重圍我無困渴之患用是復作數井兵民牛馬皆大足自是西陲患無泉者悉做此大蒙利焉既而朝廷署故寬州爲青澗城授以內殿承制知城事

种詒

世衡長子以西上閣門使知鄜州先是

守鎮戎護邊政成給餉無乏朝廷謂詒有幹力故命之守鄜尋告老提舉上清太平宮

种誼

詒之弟先守岷州能俘獲鬼章青宜結獻于朝遷西上閣門使徙知鄜州夏人將犯延安帥趙高以誼統制諸將賊聞誼至皆潰鄜人謂得誼勝重兵二十萬改知蘭州

薛向

先京權貨務權知廊州時大水冒城廊州兵工指揮戍延安兵聞之詣州總管王興求還興不能決乃相率逃歸至則家人無存者乃聚衆爲盜郡人震恐向遣親吏喻之曰冒法以救父母妻子人之情也而不遣汝歸者武帥不知變之過也汝聽吾言亟歸收親屬之尸吾當貸汝擅還之罪不聽吾言汝魚噍類矣皆泣謝境內乃安久之遷河北提點刑獄

李師中

舉進士知洛川民有罪妨其農時者遣歸令農隙自詣吏令當下者榜于門或召父老諭之租稅皆先期而集嘗出鄉亭見戎人代華人耕作詰之皆用兵時潛入中國人藉其力往往與爲婚媾師中以華戎不可雜處遍索境內得數百言之于帥帥用其言大索旁郡得戎人內居者甚衆但徙之極邊龐籍爲樞密副使薦其才召對轉太子中允知數政

縣經略司屬官

蔡挺

自通判涇州徙鄜州范仲淹宣撫陝西河東薦其才可用有守邊之政尋又以呂夷簡薦改開封府推官其後累歷邊任於護塞有能稱

康識

按穎濱蘇轍行制詞曰朝廷急於用人故士有以資未應格進攝事者爾以才智足用權守廊時歲月既久治辦有聞

俾正厥官益思所報

張確

宣和初自通判杭州攝睦州以平方臘功知坊州

今併入鄜州

撫懷羌族得其歡心

朝廷宴安確驛疏言金人必入寇語極諄切改汾州又移解州後以隆德死節聞贈述古殿學士

劉涇

紹聖末自真州移知坊州有學行世所謂涇溪先生也專以仁厚為政土產龍

鬚席 旨索取涇 常貢外不以奉權
貴宰相章敦末如之何元符末上書力
論不當罪元祐人立黨籍徽宗初即位
召為職方員外郎

人物

崔仲芳

隋時人戶部尚書愛其風土築城以居
之謂其城抗羅原川平而直故後人以
直羅名縣仲方嘗聞通陞塞之渠浚溉
田萬頃土人甚德之

劉延慶

鄜州人也世將家雄豪有勇數從征伐
屢立戰功累遷秦寧軍留後徽宗謂留
後乃五代藩鎮官以親信官留後務遂
改為承宣使又以破夏人俘馘有功拜
保信軍節度使童貫討平方臘徙領三
城貫北伐延慶又從之坐隨貫退兵謫
筠州子光世討逋河北賊有功復拜延
慶鎮海軍節度使後死于難光世從高
宗南渡為中興名將父子再世建節將

僊釋

門

法天

法天者本中天竺摩伽陀國僧也唐自
元和後不復譯經江南始用兵之歲法
天來至鄜州與河中梵學僧法進共譯
經義始出無量壽尊勝二經七佛贊法
進筆愛綴文知州事王龜從潤色之遣
法天同法進獻經闕下宋太祖召見慰
勞賜以紫方袍法天請遊名山許之

雜道人

不知何許人嘗游洛交之相思川不茹
葷不飲酒冬不火夏不簟遇異人得秘
訣預知休咎劉延慶敬重之道人目其
子光世曰爲救世時名將大有福德人靖
康二年春忽大哭於市別鄰里去及汴
梁臨二聖北聖乃哭之日也吁異哉見博


錄

大元大一統志卷第五百四十五

第卷兩壹百卷葉




Faint vertical text columns within a blue border, likely bleed-through from the reverse side of the page.



國家圖書館 NATIONAL CENTRAL LIBRARY, TAIWAN, R.O.C.







國家圖書館 NATIONAL CENTRAL LIBRARY, TAIWAN, R.O.C.





國立中央圖書館 NATIONAL CENTRAL LIBRARY, TAIWAN, R.O.C.





國立中央圖書館 NATIONAL CENTRAL LIBRARY TAIWAN R.O.C.



大元大一統志卷第五百四十八

奏進

集賢大學士資善大夫同知宣徽院事臣孛蘭盱

昭文館大學士中奉大夫秘書監臣岳 鉉等上進

葭州

神木縣 府谷縣 吳堡縣

建置沿革

禹貢雍州之域州有壁記云州介秦晉之間春秋為翟國秦并天下屬上郡漢為西河郡國陰縣地圖音銀漢書云以在圖水之陰故曰圖陰星入東井度

按地理志葭蘆川在河東



國家圖書館 NATIONAL CENTRAL LIBRARY, TAIWAN, R.O.C.

路石州臨泉縣其西南至延安府四百三十五里宋元符二年以葭蘆川新寨爲晉寧軍屬西河郡而西河乃汾晉地其春晉之間乎一云銀州屬闕隴入西河上郡則入尾今以晉淪于戎羯符秦建元元年因并度爲是驄馬城巡撫其地後魏屬開光郡後周保定二年置中鄉縣屬中鄉郡隋開皇元年避中字更爲真鄉縣兼廢中鄉郡以縣割隸銀州郡按地理沿革表云屬雕陰郡又按史儒林縣屬雕陰郡真鄉縣屬銀川隋大業三年郡廢改屬雕陰郡隋末沒入寇賊唐貞觀二年平梁師都復置銀州仍以

縣爲屬邑縣西北有茹蘆川一云葭蘆川天寶元年曰銀川郡屬關內道乾元元年復爲銀州唐末陷于西夏宋元豐五年廊延路經略司將所部復之即葭蘆川築爲寨朝論以此川東聯河汾夏控銀夏寔爲衝要迺令屬臨泉縣縣本河東之石州所隸也元祐二年夏人恭順詔廊延路經略司以寨地給賜紹聖四年二月己酉王師收復元符二年八月甲午樞密院言河東經略司林希奏元豐中於廊延路進築米脂葭

蘆吳堡三寨以葭蘆吳堡屬河東自是嵐石之人始戍河西致寇境在目欲出不可密睇廊府猶迂十舍自前歲復葭蘆去年築神泉今年築烏龍通接廊延稍相屏蔽又北適銀城南抵神泉幅員數百里樓櫓相望橫山之腴盡復漢土斥堠所及深入不毛士馬更為聲援繇此嵐石遂為次邊往年經始葭蘆川是為今日通道根本建軍為宜詔升為軍名曰晉寧以臨泉倚郭定胡為屬邑金初為夏人所踐皇統二年

復立軍治仍隸河東路而臨泉定胡還屬

石州大定元年升為州二十三年閏十二

月改為葭州金集禮地志云晉寧州舊葭

寧軍金徽為葭州貞元元年隸汾陽軍節

度金大定職方志管八寨曰通秦曰神泉

曰烏龍曰吳堡曰寧河曰彌川曰大和曰

神木有通安晉安二堡於通秦隸焉永作

唐安二堡於烏龍隸焉澗川彌川靖川三

堡於彌川隸焉通津於神木隸焉寧河則

本寨隸焉正大三年改隸廊延路元領吳

堡彌川通秦葭蘆四縣後又益以太和建寧

國朝收附後至元六年併通秦彌川葭蘆入州併太和入神木建寧入府谷來屬今領縣三

神木縣

春秋白翟國屬漢五原西河二郡武帝徙山東被水之民於關呂西洎朔方呂南新秦中蓋其地也後為赫連勃勃所有周隋已降為銀勝二州地屬雕陰郡唐開元初張說奏置麟州十二年割勝州之銀城連

谷二邑改置新秦郡并縣十四年廢郡以縣還隸勝州天寶元年復置尋以為新秦郡乾元元年復曰麟州升為振武麟勝等節度使兼都護以勝州為支郡後周顯德五年劉崇不賓楊侯作藩移壘小堡宋乾德五年徙治於吳兒堡即故麟州也五年升建寧軍端拱元年改鎮西軍置節度使領之又置麟府路兵馬司治新秦而銀城連谷則屬邑也新秦管神堂靜羗二寨惠寧鎮川堡堡銀州管銀城神木建寧三寨

肅定通津神木闌干四堡連谷管橫陽一
堡金皇統八年以麟府地陷西夏不曾復
立
國朝收附後創立雲州於古麟州神木寨隸延安
路至元六年廢州為神木縣又併太和縣
入馬並來屬

吳堡縣

宋九域志金大定職方志並云本石州定
胡縣寨地屬西河郡宋景德以來屢陷于
羌元豐五年盡復其爰因險阻地築起城

壁東臨汾晉西接廊延實為要衝額任武
將以屯守焉時與米脂葭蘆二寨並興既
成以米脂屬廊延路葭蘆吳堡則屬汾晉
元祐二年以米脂葭蘆給賜夏人而吳堡
等不係可予地分委官畫定界至開立壕
堦金時定胡為夏人所奪以吳堡隸通秦
寨厥後又升為縣屬葭州

國朝收附後至元元年省之二年復置仍米屬
府谷縣

張洽地理沿革表云冀州之域古并州地

秦漢爲太原郡後魏昉置嵐州隋屬樓煩郡唐屬嵐州後唐莊宗天祐七年有河朔之地將興王業以代北諸部屢爲邊患於是升府谷鎮爲縣縣本河西蕃界土人折嗣倫代爲鎮將自升縣之後嗣倫男從阮招回紇歸國詔建爲府州以扼蕃界仍受從阮爲府州刺史尋以契丹與小蕃侵擾移州於得人堡晉高祖起義呂契丹有撥立之恩賂以雲中河西之地盡去焉契丹欲盡徙河東民以實遼東人心大擾從阮

力保險要北絕其好迺遣使稟命詔從阮出師明年春從阮深入拔十餘砦漢高祖引兵南下從阮帥兵歸之尋升府州爲永安軍折振武之勝州并沿河五鎮以隸焉乾祐元年從阮舉族入覲朝廷命其子德宸爲府州團練使周顯德元年升府州爲節鎮復以永安軍爲額就拜德宸爲節度使顯德二年夏州李彝興以土壤相接惡其與已並爲蕃鎮迺扼塞道路阻絕使臣世宗召問宰相如何宰相以夏州地處邊

徵朝廷向來每與優借府州甚為逼小近
建節旄得之何利失之亡害且宜撫諭彝
興世宗曰折德辰三數年來竭盡心力禦
捍劉崇如何棄之度外且夏州雖產羊馬
博易資貨悉在中土倘與阻絕何能為者
迺命使賞詔書責其悖慢諭以安危彝興
果俛伏聽命宋因其舊府谷為縣有安豐
軍府百勝三寨斤墩靖安西安三堡並屬
河北東路金皇統八年以麟府路為西夏
所據不能取之

國朝收附之後復建州治改隸延安路至元六年
州廢以縣隸延安路二十二年來屬

坊郭鄉鎮

神木縣

碾谷村

麻寧村

深井村

九支村

盤西村

平西村

赤烽村

長建村

黑牛村

番七村

番胡村

殺麻村

上村

吳堡縣

太平村

豐化村

久安村

府谷縣

鄧曹村

胡畠村

待保村

小沒村

馬真村

合河村

盤東村

平東村

太平村

永興村

葛浮村

馮家會封

里至

本州

東北至上都二千四百三十里

東北至大都一千六百二十里

南至本路五百八十里

東至太原路界黃河五里

西至綏德州米脂縣界六十里

南至綏德州界一百四十里

北至大同路豐州界四百六十里

東到太原路臨州一百二十里

西到米脂縣一百二十里

南到綏德州併管義合廢縣界百四十里

北到大同路豐州六百二十里

東北到太原路興州一百八十里

東南到太原路石州孟門縣一百五十里

西南到綏德州一百八十里

西北到定州九十里

神木縣

東至上都二千二百二十里

東至大都一千四百三十里

南至延安路七百七十里

南至本州一百九十里

東至太原路保德州黃河界一百里

西至曳只剌八界五十里

南至葭州界一百八十里

北至古鄜州界三十里

東到保德州二百里

西到保定州一百八十里

南到葭州一百九十里

北到舊定州四十里

東北到府谷縣一百里

西南到綏德州并管嗣武廢縣二百里

東南到太原路興州一百三十里

東北到西夏一百一十里

吳堡縣

東北至上都二千六百六十里

東北至大都一千七百六十五里

北至葭州一百八十里

西至延安路四百七十里

東至太原路石州界黃河一里

西至綏德州界二十里

南至石州孟門縣界黃河五里

北至本州界七十里

東至太原路石州孟門縣一百二十里

西至綏德州一百三十五里

南至平陽路石樓縣一百五十里

北到本州一百八十里

東北到臨州一百八十里

西南到青澗縣二百七十五里

東南到石州寧鄉縣一百里

西北到米脂縣一百八十里

府谷縣

東至上都二千四百九十七里

東至大都一千五百里

南至本州四百九十里

東至太原路保德州黃河三里

西至神木縣界一百五十里
南至太原路保德州界五里
北至大同路豐州界六十里
東到大同路武州二百里
西到神木縣二百里
南到保德州五里
北到東勝州五百里
東南到太原路五百里
西南到葭州四百九十里
東北到大同路西豐州一百三十里

西北到神木縣二百里

山川

黃河

在府谷縣東自西豐州馮家會村入境
東流一百五十里至神木縣碾谷村東
南流十里經葭州長壽村至吳堡縣東
一百里下流豐化村出境

圓水

在真鄉縣屬西河郡顏師古曰圓音銀
在圓水之陰因以爲名漢書所謂西河

即銀州也凡銀州所置儒林真鄉開光
撫寧皆圓水地舊麟州之新秦連谷銀
城亦圓陰地今葭州古真鄉地神木縣
即銀州之銀城縣砦地也輿地廣記云
唐立銀州東北有無定河即圓水也土
俗以河流不定故河以無定名圓與銀
同音而漢志作圜陰顏師古註是也王
莽改曰方陰則是當時已誤爲圓字今
有銀州銀水即是舊方猶是但字變耳
以此考之則九域圖所載乞銀之說未

可信也乞銀乃苻秦驄馬城俗稱驄馬
爲乞銀因號乞銀谷後周於此立銀州
也

葭蘆川

通鑑長編云太原總四路而嵐石麟府
爲邊州麟府又孤居城外夏人爲寇輒
傳城下自離石絕河而西與秦地延州
相望而夏人據有橫山距河爲塞不得
與秦合宋元豐中嘗取得葭蘆川築爲
寨元祐初棄之紹聖四年二月知太原

府事孫覽議復取葭蘆川而其地峻絕
澗谷重阻兵不得前夏人聞之以數萬
兵屯境土覽下令須是滿五萬乃行夏
人益遣丁壯就屯而覽兵終不出賊屯
既久涉冬月飢餓戰殄覽益修戰備猶
不出兵或告賊騎數萬攻嵐石之屯垂
敗乞濟師軍吏夜請計事覽卧不起比
明乃復白官軍已據便地虜未嘗來也
覽曰吾固知之幕府問何以知之覽曰
離石塞外無賊帳就欲為寇非一月不

集豈能遠而不聞乎殆諸將以_至吾未
出兵恐不見虜軍賞輕矣幕府退下令
具糗糧嚴兵械曰夏人至矣居數日夏
兵十餘萬入寇至神堂覽厚集其陣以
待之兵方接斬數百級獲其酋長數人
賊師度不能支遂遁去覽曰可矣乃遣
王愍折克行將兵出麟府張世永王舜
臣出石嵐遂城故葭蘆未就賊數萬卒
至覽按兵不動而使張世永將輕騎由
麟州道出其後擊之賊前不能進而後

為世永擊逐大敗卒城葭蘆川而還三月庚午覽加樞密直學士賞其勞也宋史
屈野川

在銀城廢縣其川則與連谷縣相接文潞公彥博為河東轉運使日夏賊入寇圍麟州城過屈野河白草平下砦彥博與麟府路走馬承受公事樊玉率兵敗之即此處出宋史

兔毛川

在新秦廢縣九域志云紹聖三年孫覽

議於此築寨不果

土產

瑪瑙

府谷神木二縣出歲遣官採之自至元二十六年為始

鯉魚

府谷縣黃河內有之歲貢

大元大一統志卷第五百四十八

大元大一統志卷第五百四十九

奏進

集賢大學士資善大夫同知宣徽院事臣李蘭所

昭文館大學士中奉大夫秘書監臣岳 鉉等上進

葭州

風俗形勢

人性魯直勤於耕作圖冊云

神木本古麟州地其俗蕃漢互居人性勇

直好尚武力捐助守望圖經云

地瘠民寡新秦舊經云

府谷本舊府州治也地近邊而民知戰府

大元大一統志卷第五百四十八

大元大一統志卷第五百四十九

奏進

集賢大學士資善大夫同知宣徽院事臣李蘭所

昭文館大學士中奉大夫秘書監臣岳 鉉等上進

葭州

風俗形勢

人性魯直勤於耕作圖冊云

神木本古麟州地其俗蕃漢互居人性勇

直好尚武力相助守望圖經云

地瘠民寡新秦舊經云

府谷本舊府州治也地近邊而民知戰府

谷舊郡志云

民不滿十歲皆諳武藝

人尚義氣俗無浮華

府谷有花山迺地之最高者

通津西枕銀城唐地理志屬麟州金以隸

神木寨神木今屬葭州

二水交洛故名永水在府谷縣舊日升府

州為永安軍取此義也

麟州舊壤晉曰新秦戎人綏荒在河一曲

党項部族漢民並居長城云前屈野川其

古蹟

舊麟州城

右左帶樓煩之地南偏赫連之鄉惟府由
茲脣齒相輔張詠麟州通判廳壁記云

按秦武王轉徙東民以實茲土久用滋

富因以新秦民唐開元中羣蕃搆逆張

燕公說致討請城麟州所以安餘種也

周顯德末北漢弗庭楊侯志其徙城小

堡所以遏并寇也宋乾德元年又遷于

吳兒堡土產與振武同香有穀撥甘松

藥有麻黃甘草升麻當歸菴闍柒胡刺
楸遠志及白角葷端拱元年又治新秦
金為夏人所奪地遂荒

故府州城

本河西廢地界東過河至火山軍四十
里西至麟州一百五十里南過河至哥
嵐軍一百四十里北至二十六府勒浪
馬尾直鶻啜娘等蕃族四百八十里東
南過河至火山軍拮裨軍四十里南至
麟州界杓枝谷三十里西北至沒兒雀

悉命女奴越都等蕃族三百五十里東
北至唐龍鎮一百五十里按輿地廣記
府州府谷縣北至豐州羅泊川掌地一
百二十五里以羅泊川為豐州治是宋
嘉祐七年謂此川掌地方圓百餘里如
掌之平故於此置治其西五十里有沙
井嶺三十七里有暖泉峯又六十里有
龍尾房又西北九十里有超沒堆並府
州所隸今所具圖冊乃云府谷西京豐
州一百五十里西京即大同路也按舊

豐州宋慶歷元年七月始陷于西夏不知後來何以屬西京嘉祐七年再置豐州在府州管內據宋志云折從阮刺史日取契丹城堡十餘蘿泊川在中今具到圖冊云府谷北西西京豐州界六十里則又似說蘿泊川地界不能無惑更須考詳而圖志皆闕始存舊書所云

故銀城縣

在舊麟州南四十里四鄉本漢園陰縣地後魏置石城縣廢帝三年改屬歸真

郡隸綏後後周保定元年移縣於廢石龜鎮隋大業七年改爲銀城縣以隸勝州開元中自勝州割屬麟州宋九域志在州南八十里管銀城神木建寧三寨肅定神通津闕千四堡金時半陷于西夏惟存神木一寨通津一堡貞元間撥隸汾陽軍今以神木爲縣

故新秦縣

舊三鄉本朔方以南謂之新秦唐天寶取漢舊名置縣宋管二寨二堡金没于

西夏遂荒廢

故連谷縣

在舊麟州北一十里有橫陽一堡亦漢
國陰縣地屬西河郡隋文帝於此置連
谷鎮煬帝改為戍大業三年廢戍唐
貞觀八年置連谷縣屬勝州天寶元年
割屬麟州宋因之金沒于西夏遂荒

舊雲州城

即古麟州神木塞地也

國朝初置州隸延安路後廢為縣隸葭州

故通秦彌川二縣

皆晉寧州塞地通秦管通安晉安二堡
彌川管漢川彌川靖川三堡金末並置
縣

國朝至元初併二縣入州自管

葭蘆廢縣

按九域志本河東石州臨泉縣元豐五
年昉築為寨金既置葭州末年又置縣
國朝至元六年併入州自管

故太和縣

本神木寨地初置縣

國朝至元六年併入神木縣屬葭州

故建寧縣

本宋之銀城縣寨地初置縣

國朝至元六年併入府谷縣屬葭州

成宜

漢地理志云屬五原中部都尉理係同陰縣地即銀城縣界西安陽河陽武都相陽塞以上皆同陰縣地後並廢在銀城界東漢和帝永元元年車騎將軍竇

出雞鹿塞渡遼將軍鄗臨出相陽塞

南單于出蒲夷谷遂至燕然即此

造陽

史記燕亦築長城自造陽至襄平造陽即銀城縣西北之寨名也

五原塞城

漢書云光祿徐自爲出五原數塞百里築城列障至盧胸山即銀城廢縣正北所謂光祿塞是也後魏曾於此立石城縣後改焉晉太康地理志云自北地郡

北行九百里得五原塞又北出九百里
得造陽即此宋九域志銀城縣有五原
塞方輿樞要云舊麟州有西關漢武帝
徙山東貧民居之即此也寰宇記云唐
龍朔二年析豐勝二州界置瀚海都護
府總章中改爲安西大都護府北至陰
山七十里至回紇界七百里去洛陽二
千九百里在黃河北領陰山一縣屬銀
州天寶元年置其州與縣至宋並廢方
輿樞要云陰山暑月尚有雪積不消唐

歐陽詹詩有五原東北晉千里西北秦

註云秦晉之間

又宋沈括詩五原愁殺起秋風

雪壓陰山山不融之句文同賦五原行
畧云羌人鈔暴爲常人見敵不爭收若
雨自高聲勢立邊功歲歲年年皆一同
將軍玩寇五原上朝廷不知但推賞

百花塢

在府州廢治折氏世爲州刺史創北塢
於郡圃爲一州之勝金時厄於兵革

世美堂

折氏建取世濟其美之義金時兵廢

籌邊亭

折惟光建金時兵廢

官蹟

折從阮

自石晉以來任周爲靖難軍節度使世宗於府谷建府州爲永安軍即以德辰爲節度使宋初城河東沙谷砦斬首數百級建隆二年來朝太祖厚待之遣還鎮德辰卒子御勳御卿惟忠惟正惟昌

繼祖克柔皆世襲郡克行居行間無所所知名及夏人寇慶州种諤拒之會河東出師爲援克行請爲先鋒戰葭蘆川以功遂知府州夏人久闕河外克行每出必勝賊畏之紹聖中太原帥欲城葭蘆川以復故地召克行問計克行條具所見遂以師出界分遣諸將約束爲深入窮討之狀賊疑不動遂城葭蘆時河東進築八砦通道廊延帥秦希甫至議築先後克行請以兩路同時深入先築

遠者出其不意帥用其策卒滅之克行
在邊三十年戰功最多賊畏其威名號
折家父官至秦州觀察使卒以其子可
大承之可大之後可求繼之金人犯河
東可求力守城卒完久之夏人來攻可
求孤城無援城遂陷死之

曹光實

事宋太宗以汝州團練使爲銀夏等州
都巡檢使李繼遷遁入蕃部爲寇光實
掩襲至地斤澤俘斬甚衆破其族帳獲

繼遷母妻繼遷幾擒矣乃使人船光實
以降光實信之繼遷設伏光實以數百
騎赴之至葭蘆川繼遷舉手揮鞭而伏
兵起光實遂見殺時年五十五從子克
明從行祕不發喪使人傳光實命回兵
銀州乃與其僕潛入賊中獲光實尸還
葬焉

文洎

爲河東轉運使以麟府二州皆在河外
餉道迴遠迺按唐張說嘗并領州兵萬

人出合河關掩擊党項於銀城北爲河
外直道自折德辰世有府谷即大通河
保德以便府人故河關路廢而弗治將
奏復之未逮而卒于官洎之子彥博來
領漕事遂通銀州而州有積粟可守元
吳圍麟州知城中有備乃解圍去宋史云

張詠

雍熙二年六月通判麟州關決有善最
太守以喜怒爲政詠責之屢責之守愧
謝詠嘗作新秦遣懷詩有風動沙昏晝

寒多雪折松之句作廳記大槩謂廳事
敞闊獨首陽位廳停也使停息其間又
廳聽也欲聽行其教若是廳也詔令存
焉刑政係焉苟職君之務如飢嗜食待
君之民如子俟息則明恕中出刑政用
清內杜擅權之負外絕無告之民謂斯
廳也字覆疆內人用休息若忽君之令
果寇君之政駭民膏血爲妻子謀則志辱
於貪事荒於濫既厚輶橫之責亦速覆
舟之咎謂是廳也醜甚屠肆見何遊焉

賢行難著仁心易隳敢簷廳壁為為政
規詠有德于民北去也人思而祠之宋文

張旨

慶歷元年秋以屯田員外郎通判府州
州依山無外城旨築之州將曰吾州據
險敵必來來旨不聽城垂就寇大至乃
聯巨木補其罅守以強弩時中外懸隔
人心大恐庫有買馬綵數千旨檣詔賜
守卒卒皆呼萬歲賊以為萬歲州無井
民取河水飲賊斫其路旨夜開門率兵

擊賊少却以官軍壁兩傍使民出汲復
以渠泥覆草積督居民乘城力戰賊死
傷甚眾遂解去以功遷都官員外郎旨
河內人也宋史云

苗繼宣

慶歷初趙元昊圍麟州凡二十有七日
城中無井掘地以貯雨水至是水竭知
州事苗繼宣拍泥以塗橐積備火箭所
射賊有謀者潛入城中出告元昊城中
水竭不過二十日當破元昊望見塗積

解圍而去麟州之圍繼宣募吏民有能
通信求援於外者通引官王吉應募繼
宣問須幾人從行吉曰今賊騎百重無
所用衆請髡髮木羽服挾弓矢賞糗糧
詐爲羌人夜繼而出遇賊問則爲羌語
答之兩晝夜然後出寨之外走詣府州
告急府兵遣將兵救之吉復間道入城
城中皆呼萬歲速圍解詔除吉奉職本
州指揮使

衛居實

宋咸平五年以閤門祗候知麟州事六
月乙亥李繼遷來入寇四面負板薄城
者五日居實屢出奇兵突戰乃募勇士
縋城潛往擊賊賊皆披靡自相蹂踐丁
丑繼遷拔寨遁去壬辰真宗見捷書喜
以居實爲供備庫使通判以下遷秩各
賜錦袍金帶初城內乏井泉而被圍之
際暴雨沾洽人皆置器鑿地以貯之城
內雖有泉水列寨爲防而垣牆闊遠難
于固守至是遣使于河東部匠匠至州

開鑿

大元大一統志卷第五百四十九

大元大一統志卷第五百五十

奏進

集賢大學士資善大夫同知宣徽院事臣字蘭勝

昭文館大學士中奉大夫秘書監臣岳 鉉等上進

葭州

官蹟

鄭文寶

真宗時為河東轉運使李繼遷來圍麟

州州今併入神木文寶來傳晨夜赴之遂解麟

州之圍宰相寇準謂其熟西事以為陝西轉運使文寶好以功名自任見宋史

國家圖書館 NATIONAL CENTRAL LIBRARY TAIWAN R.O.C.

開鑿

大元大一統志卷第五百四十九

大元大一統志卷第五百五十

奏進

集賢大學士資善大夫同知宣徽院事臣字蘭勝

昭文館大學士中奉大夫秘書監臣岳 鉉等上進

葭州

官蹟

鄭文寶

真宗時為河東轉運使李繼遷來圍麟

州州今併入神木文寶來傳晨夜赴之遂解麟

州之圍宰相寇準謂其熟西事以為陝西轉運使文寶好以功名自任見宋史

國家圖書館 NATIONAL CENTRAL LIBRARY TAIWAN R.O.C.

武戡

嘉祐二年知麟州州自慶歷以來夏人盜耕屈野川兔毛川皆河西地莫能禁河東經畧使知太原府事龐籍戒邊將賊至斂兵毋與戰賊兵屯月餘食盡而去其年正月沒藏訛胤領兵及境欲自廊延以北盜耕屈野河西之田會國人_{有與之異議者}後抽其兵還然銀城以南_{侵耕自若}蓋以其地外則蹊徑險隘多柏叢生漢兵難入內則平壤肥沃宜

粟麥故賊不忍捐於是藉檄通判司馬光行邊至河西白草平數十里無賊蹤知州事武戡通判夏倚已築一堡為候望又與光議乘賊去出不意更增一堡以據其可_地使賊不復侵耕請地還白經略使益禁兵三千役兵五百不過一旬壁壘可成然後發臨戎臨塞二堡撤其樓櫓徙其甲兵以實新堡列烽燧以通警急徙牙城紅樓之土俯瞰其地猶指掌也有急則州及橫陽堡出兵救之賊

來耕則驅之已種則蹂踐之賊衆盛則入堡以避如是則堡外三十里之田賊必不敢種是州西五十里之內無賊也籍遂檄麟州如其議於是管勾麟府兵馬郭恩及戡以巡邊爲名往按視會詢者言賊屯沙黍浪亘十五里恩欲止而走馬承受東頭供奉官黃道元脅恩夜行無復部伍賊舉火卧牛峯戡謂恩曰賊已知吾曹出矣行至谷口恩欲休兵曰須明乃過山道元曰幾年聞郭恩名

今乃懦怯恩愠曰不過死耳比明至忽里堆賊數十人皆西走去數十步止恩等踞胡床遣從騎以蕃語呼之不應俄賊騎張左右翼自南北交至堆東有長塹其中有梁謂之斷道塢恩等東據梁口與之戰自旦至食時賊自西旁塹中攀緣而上四面合擊恩衆大潰倚方在紅樓見賊騎自西山大下與推官劉公弼率城中諸軍閉門乘城堪趨城東扶門以入恩與道元皆爲賊所執恩大罵

賊語不休遂自殺賊遣道元還詔贈恩
同州觀察使封其妻呂氏為京兆郡君
官其子弟恩開封人也上遣御史按其
事籍坐不以築堡事聞改知青州久人
人以戲築堡為是

張居

宋熙寧四年春以崇儀副使知麟州
城井泉不足軍民及於城外沙泉前後
郡守欲築城以包之而土多沙礫不果
馬居命鑿去舊土而城之城成人以為

使語聞詔遷西京左藏庫使神木等寨
官亦稟命鑿以泉濟居人

張亢

元昊叛以亢為廊延路兵馬鈐轄徙并
代都鈐轄照應麟府等處兵甲是時夏
人圍麟府州屯琉璃堡縱遊騎擾邊麟府
閉壘不出亢至命開闔縱民出入時有
禁卒數千無鬪志乃募役卒取敢戰者
得數百人使擊賊有功以首級獻者亢
以錦袍衣之禁卒慙請効死亢度其可

用命擊破琉璃堡明年亢築建寧砦亢使虎翼萬勝兩軍更其旗幟夏人來爭亟趨萬勝而犯之遂大潰斬首二千級不踰月遂築清塞百勝中候建寧鎮川五砦而麟府之路始通出宋史

种諤

韓絳宣撫陝西諤時爲皇城副使知青澗城絳召與計事命諤節制麟府兵委以便宜招納築囉凡城二十九日而成分兵守之諤還軍綏德其後夏人聚兵

入寇諤自綏德出塞至米脂城大敗夏賊捷書來諤進兵銀石夏州盡橫山之地不見賊會班師乃還事見宋史

何灌

由武舉爲府州黃河東岸巡檢賈胡曠有水泉子夏人常越境南汲灌慮其爲邊患盡抑絕之夏人忿聚兵于山馳薄官軍灌迎高射之發輒中或著崖石皆沒鏃後三十年賊官蕭太師者會灌於雄州言水泉子之戰歎何巡檢神射灌

曰灌是也累功遷內殿崇班宋史云

司馬朴

光猶子宏之子也朴初調晉寧軍士曹

參軍音寧即今葭州也通判不法轉運使王似

諷朴伺其過朴不可曰守貳爲長官使
下吏得臨之不唯亂常人且不食吾餘
矣死不敢奉教似賢而薦之靖康元年
黨禁解同判西京國子監明年春以兵
部郎死於節事見宋史

人物

張岳

府谷人也慶歷元年九月爲麟府路巡
檢使與都巡檢王凱大敗夏賊于青眉
浪又入免毛川敗之岳初以貲爲牙將
有膽畧善騎射天聖中西夏阿遇有子
來歸阿遇寇麟州掠邊戶約送子然後
歸所掠州遷其子而阿遇仍背約安撫
使遣岳岳徑造帳中以逆順諭阿遇阿
遇語屈阿遇抽佩刀貫大齧嚼岳岳就
刀食阿遇復弦弓張鏃指岳腹而毅岳

食不輟阿遇撫岳背曰真男子也遺岳
馬橐駝歸所掠如故約岳時年十八名
動一軍是年元昊犯邊岳以教練使從
折衝閔破賊斬其軍主教保以功補三
班差使賊犯府州又大敗賊衆賊破豐
州岳與諸將一日數戰斬獲萬計邊禮
賓副使出宋史

朱昭

字彥明府谷人也初浮湛班行人無知
者後爲震威城監押會城主闕攝其事

金人陷忻代踰石嶺闖圍太原夏人乘
虛入寇遂薄震威昭募蕃漢士得精銳
千餘分數隊夜薄賊營賊驚亂多所殺
獲震威距府谷三百里最孤遠諸城旣
下賊怒獨不得昭遂約金人併攻降將
有與昭故人者語之曰天下事已矣忠
安所施昭罵曰汝旣背義偷生尚敢以
言誘我乎矢石亂下賊衆散走後二日
昭召諸軍議曰城將破妻子不可汙賊
手汝等幸先殺我家出城血戰而圖大

功不勝則暴骨吾境內大丈夫平生事
畢矣因盡殺其家人納之井中部將賈
宗望毋過前昭呼曰媼我鄉人也吾不
欲手刃請自入井媼從之軍士有家屬
在城中者亦皆自殺昭因諭其衆曰我
與爾曹俱無累矣倘我先死汝有得脫
者願馳至府谷言狀會部落子陰與賊
通者告之曰朱昭與其衆各殺其妻子
將出戰人雖少皆死士也賊大恐以利
啗守陴者果得登城昭知之勒軍士於

通衢接戰自暮達旦尸填街不可前遂
於城所推處躍馬出馬蹶墮城壕中賊
兵肆集雷譟曰得朱將軍矣賊始欲生
致昭昭瞑目仗劍無敢向者既知不可
得天爭發昭罵賊死年四十六昭在震
威能與士卒同甘苦以是士心爭奮凡
被圍百日而城陷云

折可適

字遵正世爲府州刺史因家焉郭達帥
鄜延見之曰真將種也薦之試藝廷中

爲廊延路經畧司屬官擢知寧岷環蘭
四州再知鎮戎軍皆有功章案帥太
原築石門峽好水川時熙河秦鳳環慶
三路兵會涇原無慮三十萬聽命於案
案以可適爲前軍統制副王文振會熙
河卒二千人失道赴坑谷死文振懼歸
罪可適劾其擅興違節制奪官而罷案
留之權第十三將差統將鬼名阿理監
軍昧勒都逋皆西夏用事人密詔圖之
會二首以放牧爲名窺伺境上可適出

兵銜枚夜襲之俘其家屬部族簿所得
十餘萬其地即天都山也可適請以荻
葦川爲砦南年爲州詔名砦曰臨羌州
曰西安以可適知州事累遷武康軍留
後知渭州拜淮康軍節度使復帥涇原
卒年六十一子彥質

彥質

字仲古登崇寧進士第靖康元年直祕
閣致仕尋落致仕加直龍圖閣爲河東
宣撫司參謀官累遷宣撫副使建炎初

累責昌化軍紹興六年入擢樞密參大
政奉祠宰相秦檜主和我彥質切責之
坐是又流竄雖在謫所而剛直之氣不
少屈號葆真居士檜死復官職三十年
卒彥質每以家世忠節不得歸中原爲
恨事見宋史

楊政

字樂道新秦人第進士仁宗時知制誥
嘉祐七年四月終于龍圖閣待制穎濱
蘇轍爲哀詞畧云家世將家有功於國

政始以文詞得官厥後將兵于南方與
蠻戰亦有功其爲將與士卒同甘苦飲
食比其最下者而軍將常處其先以此
得死力常學李靖兵法知其出入變化
之節政爲人謹畏平居遇細事若不能
決人皆怪其能將以破賊疑其無以處
之不知其中有甚勇者人不及也政素
病瘦甚羸然其讀書勤苦過於少年好
爲詩喜大書皆可愛有子曰祖仁政之
卒也家無餘財

貞女賈宗望母

宗望戍震威夏人乘間入寇城危急其
母勉宗望死國事將士有自殺家屬者
母曰朱將軍必不負國我老身忍負將
軍即赴井死宗望亦自刎是日軍士母
妻及女多自死無一汙賊者事聞詔褒
異之事並出宋史

大元大一統志卷第五百五十

大元大一統志卷第五百八十四

奏進

集賢大學士資善大夫同知宣徽院事臣字蘭肘

昭文館大學士中奉大夫秘書監臣岳鉉等上進

成州

古蹟

八景樓

在裴公湖又八景堂故仇子子美祠鳳
臺醉仙巖仙人龕鹿玉山泥公山裴湖
爲八景宋游師雄詩有行盡秦川路誰
如此一州半湖無盡藏八景最高樓又

貞女賈宗望母

宗望戍震威夏人乘間入寇城危急其
母勉宗望死國事將士有自殺家屬者
母曰朱將軍必不負國我老身忍負將
軍耶赴井死宗望亦自刎是日軍士母
妻及女多自死無一汙賊者事聞詔褒
異之事並出宋史

大元大一統志卷第五百五十

大元大一統志卷第五百八十四

奏進

集賢大學士資善大夫同知宣徽院事臣李蘭肝

昭文館大學士中奉大夫秘書監臣岳鉉等上進

成州

古蹟

八景樓

在裴公湖又八景堂故仇子子美祠鳳
臺醉仙巖仙人龕鹿玉山泥公山裴湖
爲八景宋游師碓詩有行盡秦川路誰
如此一州半湖無盡藏八景最高樓又

張舜民詩有八景更從何地覓一湖惟
有此樓高之句

德惠堂

在州治端平兵廢

杜少陵故居

在同谷縣龍峽之東天寶末避亂居此
所謂面勢龍泓頭是也互見東柯谷

杜少陵姪佐草堂

在東柯鎮少陵棄官之秦寓止姪佐之
居故有東柯遂疎懶之句互見東柯谷

子美樹東柯谷

杜甫故居後為寺後園山下大樹至今
呼為子美祠

諸葛壘

元和郡縣志云俗謂下募城在天水縣
東二里

姜維鐵堂莊

在天水縣東十里鐵堂峽四山環抱其
對面有古墓相傳云維之祖塋按蜀志
維冀人但存基址耳

司馬宣王壘

元和郡縣志云俗名上募城在天水縣東二里魏明帝太和五年諸葛亮攻天水詔大將軍拒之此其壘也

木門

在天水縣十里張郃追諸葛亮于此中飛矢死

天河

紹興間守臣李脩已申請金人侵地不已今乞截自黑谷中心天河為界

地網

自金人陷陝西天水長道並當邊面地勢平行兵騎四布縱橫無礙步兵不能扞制隆興中四川宣撫使吳玠乃荆地網其制於平田間縱橫鑿為渠每渠濶八尺深丈餘連綿不斷如網然明年金人來犯礙以地網始不得肆天水元管三百六十三條後稍增為五百四十四條四川制置司利州西路安撫司歲于農隙差民開濶近歲雨水湮沒已深于

於舊

石榴關

去天水縣九十五里去成州二百五十里防把秦州隴城縣入東柯谷路并向北馬寨入永川谷路

現子關

去天水縣一百里去成州二百五十里對隴州吳山路

上店堡

去天水縣二十里紹興置後廢

白環堡

去天水縣一十五里紹興置後廢

阜郊堡

在天水縣東北四十里去成州一百九十里本擁塲也下視秦州赤谷川去秦州才三十里

南谷寨

在天水縣東南五十里去成州一百二十里舊日成州守臣文愷言天水縣阜郊堡乃南谷寨可以保聚吳玠置此以

防靖安堡

平作寨

去天水縣一百里去成州二百里防遏
茅谷楊楊等來路此舊之守備也

湫池堡

去天水縣七十里去成州九十里舊日
以防秦州隴城縣入本州界東柯谷及
北之馬寨入永川谷路

靖安堡

去天水縣三百去成州一百四十里

舊日以防秦州赤谷自死牛盆指揮店
董家河來路入河池

赤沙鎮

輿地廣記云天水以赤沙鎮爲治所

夕陽鎮

宋慶歷元年從經略司之請柵一寨置
兵戍守

龍門鎮

杜甫詩有石門雲雷隘古鎮峯巒集之
句在同谷縣後改爲府城鎮

漢武進馬臺

在天水縣東三里圖經引太平廣記云
漢武元鼎中西巡狩至赤砂驛羗氏有
千里馬築臺拜表以進

鳳凰臺

在鳳凰山漢世嘗有鳳棲於此故云魯
百能詩有臺迥鳳曾棲之句杜祈公行
按部過此有對竹只宜思穴鳳之詩

大人迹

重修九域志云在唐天后時成州有大

人迹

秦文公墓

按史記秦文公葬于西山谷天水古西
縣地其西有山名秦嶺疑其地云

楊將軍墓

有碑在州西十里同谷舊志載隋大將
軍宕州總管茂林公楊氏墓碑皇祐中
州庠取以刻文會得他石乃再立于將
軍墓側唐漢陽太守趙承碑秦府法曹
楊恭撰開元十二年建兵廢

李彦琛修經閣碑

在鳳凰山唐天復七年天雄軍指揮使
知成州李彦琛修經閣碑判官韋汶撰
天復七年即天祐四年是年二月唐禪
于梁彦琛稱天復七年猶稟唐之正朔
也亦可尚矣

醉仙巖

在州南一十五里巖壁間有仙像如世
所畫醉仙狀俗呼道士崖
唐刺史劉公重修水亭

記乃大順元年節度副使劉崇魯述兵
廢

虎穴

在龍穴中杜甫寄贊上人詩徘徊虎池
上面勢龍泓頭又發同谷縣詩停騎龍
潭雲回首虎崖石

大雲寺

有碑在鳳凰山上去州七里創始莫考
殿後崖上有刻字云漢永平十二年重
修寺主廣昌記又經閣崖上刻云梁大

同九年按永平年號是時佛法始入中國不同可疑

甘露寺

在同谷縣西十里

吉祥寺

在同谷縣西八十里

鳳凰寺

有獅子洞在同谷縣東去鳳凰寺東南三里

龍洞院

在州城西南十五里院後有睹佛堂

常寂院

在泥陽鎮寺有蔣之奇張舜民游師雄留題張德文老詩云策馬過泥陽平田眼界長山川秦鄜杜水竹漢梁洋蓋泥陽一望平川粳稻水竹為闕外樂土故也

彌勒院

今為禪慧院在府城鎮殿有古佛上垂青蓋人以手摩佛膝其蓋自隨手左右

俗號磨膝佛

法雲寺

有僧姓辛氏講大經章句旁穿直貫機鋒不可觸住真州長蘆叢林號秀鐵壁異國大長公主造法雲寺成有詔秀為開山第一祖開堂日宋神宗遣中使降香雲門宗風自是興於西北士大夫日夕問道元祐五年八月卧疾曰平生生死夢三者無所揀安坐說偈而化

勝仙寺

在天水縣東一百一十里麥積山之東山巖頗秀名仙人崖

華藏院

在天水縣東十五里山巖聳秀羣峯屹峙左右溪水潺潺出兩山間有夏錫堯詩云十里溪橋一徑斜川雲深處有僧家蕭疎佛殿丹青古寂靜禪菴水竹遮

五仙觀

在同谷縣西南三十里有五仙洞

漢武帝廟

在天水縣東二十里平蘭嶺有唐開元
二十六年楊恭祠

雷公廟

在州西十里有唐咸通十年刺史李記

漢高祖廟

在天水縣東五里

旌忠廟

俗呼三聖廟在州城北其神三其一羊
首人身莫知其自或曰金人犯殺金平

神常有陰助今繪其靈異於壁普慈志
云景思忠普慈人西南蠻犯涪井思忠
以先鋒陷陣死之思立戰死熙河及永
樂之陷思諶不屈死之後建廟于杭即
旌忠觀之三聖廟是也

官蹟

廉范

事東漢自武威太守改除武都太守隨
俗化導各得其宜建初中遷蜀都太守

孔奮

建武五年為姑臧長在職四年清廉被
徵既至京師除武都郡丞時隴西餘賊
隗茂等夜攻府舍殘殺郡守賊畏奮追
急乃執其妻子欲以為質奮年已五十
惟有一子終不顧望窮力討之史民感
義倍用命焉郡多氐人便習山谷其大
豪齊鍾留者為羣所信向奮乃率屬鍾
留等令要遮鈔擊共為表裏賊窘懼逼
急乃推奮妻子以置軍前冀當退却留
擊之愈厲遂擒滅茂等奮妻子亦為所

殺世祖下詔褒美拜為武都太守奮自
為府丞已見敬重及拜太守舉郡改操
為政明斷甄善疾非見有美德愛之如
親其無行者忿之若讐郡中稱為清平
後移疾去官卒于家

馬融

陽嘉二年自從事中郎轉武都太守時
西羌反畔將軍烏賢與護羌校尉胡曠
征之而稽久不進融知其將敗上疏乞
自劾朝廷不能用三遷桓帝時為南郡

太守

虞詡

先為懷令羌寇武都郡太守以詡有將帥之才遷武都太守羌帥衆數千遮詡于陳倉峭谷詡停軍不進而宣言上書請兵須到當發羌聞之乃分鈔傍縣詡因其散兵日夜進道兼行百餘里令吏士各作兩竈日增倍之羌不敢逼既到郡兵不滿三千而羌衆萬餘攻圍赤亭數十日詡乃令軍收強弩勿發而潛發

小羌羌以為矢力弱不能至并兵急攻詡於是使二十彊弩共射一人發無不中羌大震退詡因出城奮擊多所殺明日悉陳其兵衆令從東郭門出北郭門入貿易衣服回轉數周羌不知其數更相恐動詡計賊當退乃潛遣五百餘人於淺水設伏候其走路賊果大奔回掩擊大破之斬獲甚衆賊由是敗散郡遂以安詡始到郡戶裁盈萬及綏聚荒餘招還流散二三年間增至四萬餘戶

鹽米豐賤十倍於前後坐法免

李翕

靈帝建寧四年為武都太守開西陝及天井道有政績

諸葛亮

事蜀太和三年遣將陳咸攻武都陰平二郡雍州刺史郭淮引兵救之亮自出至建威淮退亮拔二郡以歸

楊阜

天水人三國時劉備取漢中以通下辨

阜為武都太守請依龔遂故事安之而已

蕭思話

宋元嘉中為梁南秦二州刺史有德政

劉道真

裴方明

宋元嘉十四年道真為梁南秦二州刺史十八年楊難當寇漢中道真破之文帝又遣方明討之大捷以道真為雍州刺史方明梁南秦二州刺史

裴守真

唐武后時為成州刺史政不務威嚴吏民懷之

种師道

事宋神宗時權同谷宰有猾吏訟牒彌二年不決師道閱其牘窮日之力不可竟然所訟止母及其兄而已師道引前詰之曰母兄法當訟乎吏遂服罪

晁說之

宋宣和中來知成州時民訴旱說之以

為十分盡蠲其稅轉運使大怒督責甚峻因丐老而歸

郭執中

宋建中靖國初應詔言事執中所論鯁直蔡京籍為元祐黨斥居成州二十餘年因家焉紹興初金騎至成州執中集鄉豪守禦金以兵脇遣人招執中乃立刺其使

趙璧

紹興六年知天水縣金騎至縛璧以去

壁臨終辭氣自如一無所撓事平贈直

秘閣

李師顏

紹興初川陝宣撫使長浚承制命知成州金人陷陝西也師顏為耀州守獨率所部來歸金人服其忠義遣其弟師文招之師顏不顧師文卒為所害由是峻擢用之

劉宥

宰天水後挂冠而金騎至木門追及宥

人物

趙壹

掠其行囊視其詰命曰隨我去官汝宥罵曰我為南朝鬼不為爾完顏官遂遇害後贈直秘閣官其子

按王象之紀勝字元叔漢陽西縣人漢光和元年舉郡上計京師司徒袁逢受計計吏數百皆拜伏壹獨長揖逢大奇之又往造河南羊陟不遇哭于門下陟與語亦大奇之明旦從車騎奉謁名動

京師十辟公府不就

王澤

同谷農家自高曾至其子六世不異居

任棠

東漢上邽人今天水縣屬上邽隱居守道之士

王仁裕

五代字德輦天水縣人也仁裕喜爲詩少嘗夢剖其腸胃以西江水滌之顧見江中沙石皆爲篆籀之文繇是文思頓進平生爲詩萬首爲百卷號西江集嘗

知貢舉仁裕門生王溥李昉和凝范質皆至宰相時稱得人

劉愿

事宋天水縣人天資耿介臨川王氏新書盛行學者靡然向風愿獨不喜穿鑿附會之說潛心伊洛之學後以八行舉

釋

太乙玄君

天水縣尹氏之女嫁李靈飛爲妻老君乘日精駕九龍化爲五色流珠下入女

口中而寄胎託孕歷八十一年因攀李
樹而生老君誕於左脇既生之後老君
乃指李樹曰此吾姓也聖母在天號玄
妙玉女既誕大聖即爲太乙玄君乃授
老君化出行教之旨授道既畢即有仙
樂駭空流靄野千乘萬騎五帝上真迎
聖母玄君歸于玉清之上至今爲太乙
玄君

尹喜

天水縣人周康王時爲大夫遇老君授

道德經訖謂喜曰千日功成求我於蜀
青羊之肆然後西化流沙八十餘國矣
號文始先生

成道人

天水人蕭散自如母曰汝異時何以立
身曰毋厭兒遂去十餘年杳無音問一
日引鶴而來以藥進母母服之疾愈

雷守聲

同谷人行天心正法頗靈名聞朝廷嘗
宣入內療后妃疾立愈賜號洞元法師

宣和五年遷元素大夫

祖月

結茅成州部落山提舉茶馬趙彥博爲之贊曰開悟諸衆生及我與一切

僧法秀

姓辛氏已見法雲寺

大元大一統志卷第五百八十四

大元大一統志卷第五百八十五

奏進

集賢大學士資善大夫同知宣徽院事臣李蘭肝

北文館大學士中奉大夫秘書監臣岳鉉等上進

蘭州

建置沿革

禹貢雍州之域古西羌地秦併天下爲隴西郡地後漢書西羌傳曰羌無弋爰劍曾孫及忍子研最豪健故羌中號其後爲研種秦始皇時務并六國兵不西行故種人得蕃息逮秦既并天下築長城以界之衆

宣和五年遷元素大夫

祖月

結茅成州部落山提舉茶馬趙彥博爲之贊曰開悟諸衆生及我與一切

僧法秀

姓辛氏已見法雲寺

大元大一統志卷第五百八十四

大元大一統志卷第五百八十五

奏進

集賢大學士資善大夫同知宣徽院事臣李蘭肝

北文館大學士中奉大夫秘書監臣岳鉉等上進

蘭州

建置沿革

禹貢雍州之域古西羌地秦併天下爲隴西郡地後漢書西羌傳曰羌無弋爰劍曾孫及忍子研最豪健故羌中號其後爲研種秦始皇時務并六國兵不西行故種人得蕃息逮秦既并天下築長城以界之衆

羌不復南渡至漢興冒頓兵殲破東夷走
月氏臣伏諸羌景帝時研種留河率種人
求守隴西塞于是徙留河等於狄道安故
今州之西南有狄道安故城即其地也
屬隴西郡昭帝元年置金城郡為金城
沿音牙浩音疊門之地霍去病伐匈奴出
臯蘭即此平帝元始四年金城塞外羌獻
魚鹽地乞內屬漢得西毒石室以為西海
郡東漢建武十二年省金城郡入隴西永
平元年復置三縣並屬魏晉以為重鎮姜

維嘗以兵攻狄道不克茲是前涼張寔析
置廣武郡張駿又分置武始郡西秦乞伏
因仁南涼禿髮烏孤所分據後魏後周並
為武始郡隋開皇元年郡廢立為蘭州蓋
取臯蘭山以為名煬帝初州廢復置金城
郡隋末淪於薛舉唐武德二年平之復置
蘭州八年置都督府督蘭河鄯廓四州貞
觀六年又督西鹽州十二年又督涼州後
督蘭鄯儒淳四州蘭州領金城狄道廣武
三縣顯慶元年罷都督府天寶元年改曰

金城郡屬隴右道二載割狄道縣置狄道郡乾元元年復爲蘭州寶應元年陷西蕃宋元豐四年九月乙酉熙河路都大經制使李憲收復蘭州蘭州古城東西約六百餘步南北約三百餘步大兵自西市新城約百五十餘里將至金城有天澗五六重僅通人馬憲言今招納已多若不築城無以固降羌之心今築州城及通過堡又乞置建爲帥府以鎮洮爲屬郡並從之又乞置龕谷寨東關皋蘭二堡六年又置阿干西

關二堡崇寧三年收復蘭泉置縣以爲之屬金置定遠定羌城大定二十二年陞龕谷阿干定遠爲縣正大三年州陷河西以龕谷爲金州治所定遠屬烏甲午年歸附國朝仍舊治蘭州領阿干一縣及司候司至元七年併司縣入本州

里至

東至上都五千三十里
東至大都四千七百五十里
東南至本路四百三十里

東至金州界橫嶺四十五里

西至積石州界骷髏窩一百三十五里

南至臨洮府界摩雲嶺七十里

東至庄浪州界搏麻灣一百里

東到金州九十里

西到積石州三百五十里

南到臨洮府二百二十五里

北到庄浪州二百五十里

東南到隴西縣四百三十里

西北無城邑

東北無城邑

西南無城邑

山川

皋蘭山

在州正南五里隋文帝置蘭州下有五
眼龍泉祈禱有應圖經山下地勢平夷
可屯百萬兵霍去病以鞭卓地而出泉
輿地樞要云

碣砂山

去州四十五里其上產硫黃

黃河

在州正北東流四十五里至金州界其源見於積石

阿干水

在州西南四十里

土產

鐵

有冶一所去州五十里

磁

有窯一所去州四十五里辦課

梁米

水梨

硫黃

防風

升麻

白礬石

風俗形勢

尚武務農

民俗質朴而力於耕臯蘭志云

地勢平夷郡志云

國家圖書館 NATIONAL CENTRAL LIBRARY TAIWAN

蘭於隴右號雄郡地控邊垂史天常學記
云

古蹟

蘭泉廢城

州附郭本漢金城縣地屬金城郡漢昭
帝始元元年置隋置五泉縣唐咸亨二
年復為金城天寶元年改為五年縣唐
寶應元年陷于西蕃宋宗寧三年復之
置蘭泉縣金時廢

宛川城

在州西即乞伏國仁所都後至乞伏慕
末為赫連定所滅

狄道安故城

在五泉廢縣西南昔研羌留河所聚之
處

長城

亦經蘭水縣之南

漢榆中縣故城

在蘭泉縣東後漢時羣羌亂隴廩相曹
鳳上言西羌為害自建武以來居大小

榆中實以土地肥美又近塞內北阻大河因以爲固緣山濱水以廣田畜故能強大常雄諸侯是謂此地

石窰城

在州城北黃河畔諺云夏禹決河故道文宣王廟

在城東南隅宋哲宗元祐六年州學有碑其年六月二十四日史天常撰

金城關

在州之西南臨河

臯蘭堡

元豐四年置在州西南九十五里有蘭泉

東關堡

元豐四年置在州東一十八里舊勝如鬻狐堡

久陷于西蕃元豐五年復之旋廢六年置

夜雨巖

泉脉自巖而下夜深露氣重而泉溜山

愈多輿地樞要云

甘泉

地有泉香甘烹茶尤妙

蓮蕩

方圓四十里水面清香可掬輿地樞要
云兵廢

春野綠秀

建于郡治後到春月百卉爭秀

霍將軍廟

郡人祀之遇水旱祈禱有應

官蹟

霍去病

事漢以將軍伐匈奴出皋蘭即此

霍諱

舉孝廉稍遷金城太守性篤厚能以恩
信化誘殊俗其為羌所敬服遭母憂自
乞歸行喪

辛慶忌

以謁者補金城長史舉茂才遷郎中又
遷車騎將軍朝廷多重之

蘇則

自武都太守徙金城太守喪亂之餘吏民飢流戶口耗損則撫循有方外招懷羌人得其羊牛以養貧老與民分糧而食旬月間流民皆歸乃明爲禁令干犯者戮從教者必賞親自教民耕種歲大豐收由是歸附者衆

薛訥

破吐蕃於蘭州以功拜羽林大將軍

种誼

以西上閣門使知鄜州爲熙河蘭岷路鈐轄知蘭州蘭與通遠皆絕塞中間堡鄣不相接質狐麻子川田美宜稼皆棄不耕誼請城納米堡李諾大柳平結珠扼其要害募民耕植以省餽運於是城李諾平凡二十四日而成賜名定遠邊東上閣門使紹聖初再知蘭州誼在郡審形勢以制賊簡士卒列器械以強兵廣倉廩通輸糴以足食公賞罰以申軍政明聽斷以清民訟又建立學校以崇

教化未幾卒於官

折可適

自環州徙知蘭州有功績徙鎮戎

張叔夜

調調蘭州錄事參軍叔夜善談兵而本州本先零故地極寒恃河爲阻每冰合則嚴飭守備卒介胄累月不得息叔夜曰是當求其要害以守之于是博攷山川講求利病上書力陳取天都山之策謂天都介五路之間乃西羌嘯聚之區

彼欲舉兵以寇諸路則必就彼點集然後議所向以故每一聚兵則五路不得奠枕書再上樞庭行其策果得其地建爲西安州用薦者改知襄城縣

人物

辛雲京

蘭州人有膽決以擒生斬馘常冠軍積功授開府儀同三司後至右僕射同平章事

渾瑊

本鐵勒九姓之渾部世^為臯蘭^蘭都督遂
家于此父釋之有才武從朔方軍積戰
功多累開府儀同三司試太常卿寧朔
郡王廣德中與吐蕃戰沒殲年十一善
騎射隨釋之防秋朔方節度使張齊立
戲曰與乳媪俱來耶是歲立跳盪功後
二年從破賀魯部拔石堡城龍駒島勇
常冠軍署折衝果毅後又從李光弼定
河北肅宗即位又從郭子儀復西京討
安慶緒積功累官遷檢校尚書右僕射

同中書門下平章事兼靈鹽豐夏定遠
西城天德軍節度使貞元四年進檢校
中書令十五年卒年六十四

大元大一統志卷第五百八十五

大元大一統志卷第五百八十六

奏進

集賢大學士贊善大夫同知宣徽院事臣李蘭肝

昭文館大學士中奉大夫秘書監臣岳 鑄等上進

會州

建置沿革

禹貢雍州之域古西羌地秦屬隴西漢昭
帝分天水隴西張掖各二縣為金城安定
二郡此為枝陽縣地屬金城郡後漢屬金
城武威二郡後魏廢帝元年置會寧縣其
地所屬不改西魏因立會州尋廢至後周

國家圖書館 NATIONAL CENTRAL LIBRARY, TAIWAN, R.O.C.

大元大一統志卷第五百八十五

大元大一統志卷第五百八十六

奏進

集賢大學士贊善大夫同知宣徽院事臣李蘭肝

昭文館大學士中奉大夫秘書監臣岳 鑾等上進

會州

建置沿革

禹貢雍州之域古西羌地秦屬隴西漢昭
帝分天水隴西張掖各二縣爲金城安定
二郡此爲枝陽縣地屬金城郡後漢屬金
城武威二郡後魏廢帝元年置會寧縣其
地所屬不改西魏因立會州尋廢至後周

保定二年移於鳴河省縣改置會寧防隋
改會寧防爲鎮尋又廢鎮復縣屬平涼郡
唐武德二年平李軌置西會州貞觀八年
以此州倉儲殷實改爲粟州其年又爲會
州天寶元年改爲會寧郡乾元元年復爲
會州領會寧烏蘭二縣寶應初沒于吐蕃
宋元符二年復之崇寧三年置敷川縣金
大定二十二年十二月置保川縣而舊縣
名並廢矣明年陷于河西僑治州之西南
一百里會州城名新會州天興三年金亡

國朝開闢疆土而此州歸附遂棄新會州遷于所
隸西寧縣至元七年併縣入州

里至

- 東至上都四千六百五十里
- 東至大都四千三百七十里
- 西南至本路二百六十里
- 東至德順州界席家堡一百二十里
- 西至定西州界西鞏鎮龜兒嘴五十里
- 南至本路界匝梅嶺九十里
- 北至中興府界黃河畔二百六十里



東到德順州二百七十里
西到定西州一百四十里
南無城邑
北到中興府四百里
東南到秦州三百五十里
西北到金州三百里
東北到開城路三百里
西南到隴西縣二百六十里

山川

黃河

在州正北古城二百六十里東北流至
西夏界一百里發源見于積石

土產

硝

有窟一處去州城北一百里朱家嘴今
辦課

防風

蕤蓉

柴胡

風衝以上藥見貢

風俗形勢

習武尚農

黃河之畔土形如龜在州北二百六十里
相傳夏禹治水決河故迹

古蹟

廣武故城

寰宇記云在蘭州北微西二百二十里
漢枝陽縣地前涼張駿三年分晉興於
此置廣武郡又為南京禿髮烏孤所都
至傳檀為乞伏熾盤所滅於此隋開皇

三年罷郡置廣武縣屬蘭州唐寶應初
陷于吐蕃宋元豐四年李憲收復蘭州
則廣武故城已廢莫尋其蹤詢之鄉耆
此去向北微西有枇杷山攷之寰宇記
廣武縣琵琶山在縣西峻險曲折似琵琶
首則是訛琵琶為枇杷矣今會州是
枝陽縣地
則廣武故城亦漢枝
陽縣地故繫之於此

浩疊故城

浩音閭
疊音門

漢縣廢城在廣武故縣西南有河所經
俗呼此水為閭門河蓋疾言而音類耳

因水以名

今州浩疊城附於廣武故城後蓋同是枝陽縣地也

允吾故城

允音沿吾音牙

漢縣廢城在廣武廢縣西南

保川縣

本漢鵝陰縣地周太祖置會寧縣屬會州隋大業二年改為涼川縣唐武德二年又改為會寧開元四年別置涼川縣九年又省寶應初其地沒于土蕃宋元符三年復之築保川城金大定二十二年置縣明年會州陷于河西遷州治于

會川城而縣屬如故金末兵亂地荒

古烏蘭城

本漢祖厲縣地屬安定郡後漢屬武威郡前涼張其縣入于涼州別置祖厲縣周武帝西巡於此置烏蘭關又置在會寧關西南四里又移于東北七里平川置復沒吐蕃宋元符間收復崇寧三年置敷川縣後廢

廢保川縣

有二鄉及會寧鎮會川城宋元符三年

收復會州築保川城至金大定二十二
年戶有三千三百五十一遂陞爲縣金
末兵廢

廢西寧縣

本秦州甘泉堡金大定二十二年十二
月陞爲縣有司言延安府已有甘泉縣
改爲西寧縣貞祐四年十月陞爲州以
甘谷雞川治平三縣隸治平本德順之
一寨也金末兵亂並廢

國朝開闢疆土以西寧仍爲縣屬會州至元七年

併縣入本州

廢通安寨

又有平西寨皆屬會州金大定二十三
年會州及平西寨陷于河西別於會川
城置新會州惟存通安一寨乙未年歸
附

國朝舊會州既來屬惟領西寧縣通安寨至元七
年以寨併入本州

會安關

本唐武德會寧鎮後廢鎮置闕寨字記

云關東西去州一百八十里宋元符三年復會州而關亦來歸金大定八年十二月改爲會安關嫌與會寧同府名也

烏蘭關

舊在烏蘭縣西南唐寶應中其地陷于吐蕃元符間收復而關無生聚徒存其名耳

黃河堰

唐於會寧郡置新泉軍開元七年河流漸逼州城刺史安敬忠率團結兵作起

堰河水向西北流遂免湮沒寰宇記云大定職方志云敬忠築黃河堰

河池

其地因雨生鹽西去州一百二十里寰宇記云大定職方志謂黃河堰有河池因雨生鹽曰會州會州之置似不因此

文宣王廟

有古基在州城縣東北

國朝至元九年創修一殿

大元大一統志卷第五百八十六

大元大一統志卷第五百八十七

奏進

集賢大學士資善大夫同知宣徽院事臣字蘭盱

昭文館大學士中奉大夫秘書監臣岳 鑄等上進

西和州

建置沿革

禹貢雍州之域古西羌之地元和郡縣志
西和州 西傾山在洮州之西今在東井
 圍鳥鼠接西北此則雍州之域明矣
 州處其東北此則雍州之域明矣
 與鬼之分此據晉天文志及唐志則以為
鷓首之次而陳卓及范蠡鬼谷
先生張良諸葛亮譙周京房張衡皆云隴
西入營室四則營室亦富為本州之分野
 六國時為秦地在秦時為隴西郡之臨洮

大元大一統志卷第五百八十六

大元大一統志卷第五百八十七

奏進

集賢大學士資善大夫同知宣徽院事臣字蘭盱

昭文館大學士中奉大夫秘書監臣岳 鑄等上進

西和州

建置沿革

禹貢雍州之域古西羌之地元和郡縣志
西和州 西傾山在洮州之西今在東井
 圍鳥鼠接西北此則雍州之域明矣
 州處其東北此則雍州之域明矣
 與鬼之分此據晉天文志及唐志則以為
鷓首之次而陳卓及范蠡鬼谷
先生張良諸葛亮譙周京房張衡皆云隴
西入營室四則營室亦富為本州之分野
 六國時為秦地在秦時為隴西郡之臨洮

縣始皇築長城長城今州西二十里起崆峒山自山旁洮水而東知是秦臨洮在此矣自秦末至西漢迄魏晉並為隴西郡地南齊志隴西郡領梁簡文帝大寶元年宕四縣而無臨洮縣昌王桀彌定為獠甘所襲彌定奔魏魏討獠甘破之復納彌定於宕昌始置岷州於渠林川南有岷因山以為稱仍領同和郡寰宇記在西魏大統十年又改為臨洮郡隋開皇三年郡廢為岷州義寧二年改置岷州此據唐地理志唐武德初置總管府管岷宕洮疊所紀云

等州貞觀元年屬隴右道天寶元年改和政郡乾元年復為岷州代宗廣德元年因羌畔岷廓河蘭等四州盡淪于吐蕃大中五年沙州首領張義潮奉瓜沙蘭岷等十一州歸于有司詔以義潮為歸義軍節度使咸通三年義潮卒自後瓜沙岷疊諸州隸歸義軍所領者皆為吐蕃奴部渾末所據宋熙寧五年王韶言自唐吐蕃陷河隴今宜以時併有之絕夏人右臂遂攻河州破木征而岷州本令征以城降六年復

爲岷州隸熙河路後隸秦鳳路割秦州之
大潭長道二縣爲屬邑州初治溢樂縣尋
以縣戶口凋殘廢之崇寧三年復置祐川
縣以爲附郭紹興四年叛將慕容洵相繼
降金而洮岷之地復失宣撫使吳玠復五
路以李永琪守岷州遂徙治于白石鎮十四
年改岷曰西和避金主阿骨打諱以郡曰和政故
也淮西亦有和州故加西字以別附于和
州路領長道大潭祐川三縣戊戌年歸附
國朝因之大潭祐川自軍興久廢惟有長道一縣

里至

至元七年亦併入本州

東至上都四千五百里

東至大都四千二百二十里

西北至本路四百里

東至成州界黃竹一百二十里

西至安西州界閭井三百里

南至階州界青院界一百七十里

北至寧遠縣界馬務裏二百一十里

東到成州二百里

西到安西州二百里

南到階州四百里

北到隴西縣四百里

東南到沔州六百里

西北無城邑

東北到秦州七百里

西南到岷州七百里

山川

祁山

在長道縣縣南十里上有城極嚴固開

山圖云漢陽西南有祁山九州之名阻天下之奇峻蜀志云諸葛亮率諸軍攻祁山南安天水三郡叛魏應亮即此

岷山

在故溢樂縣南一里舊日因此山以名州九域志云岷山山黑無樹木其西有天神洮水經其下即夏禹見長人受黑玉書處唐志云溢樂縣下有岷山通典亦同

隴山

在漢陽西魏以長道縣爲漢陽縣按通典漢陽有大坂曰隴坻亦曰隴山其阪凡回上者七日乃越通鑑光武建武八年隗囂反使王元拒隴坻即此地元和郡縣志云每山東人西役升此瞻望莫不悲思隴上有水東西分流因號水爲分水驛行人歌曰隴頭流水鳴聲嗚咽遙見秦川肝腸斷絕東去大震闕五十里上多鸚鵡

邽山

在大潭縣南

朱園山

在大潭故縣漢地理志云天水冀縣有此山大潭本秦州地

崆峒山

在故溢樂縣西二十步

通靈山

在大潭縣七十里四山環合二水滢流有清泉巖飛落如玉繩亦一奇也

獨起山

在今州東十里和政舊志云

伎兩山

和政舊志云大潭故縣西南六十里連成州界

雞峯山

和政舊志云在州東北十五里又云其形如圭古名圭峯

闊博山

唐地理志云在古和政縣

金通山

和政舊志云在和政古縣南一里

玉泉山

和政志云在今州北一里

青微嶺

和政志云在疊州買馬路

賢隱山

在今州之宕昌寨西南有院上有三故閣姚大師少時移疾結庵於其間有題詩

摩雲嶺

去宕昌寨三十里山下即臨江

洮水

元和郡縣志西南自溢樂古縣界流入
漢地理志出西羌中經岷山之下北至
枹罕東入于河

漢水

在古長道縣南有諸葛壘左右有豐草
亮所植也

白江

出疊州入宕昌歷江油花石峽過武階
下文龍至昭化合嘉陵江

濁水

寰宇記云從長道縣界穿大潭舊鎮入
階州

落門水

在大潭縣西

西漢水

在長道古縣東北自秦州上邽縣界流
入

鹽官水

在長道古縣一里自天水縣界流入

土產

鹽井

去州東六十里地名鹽官

欵冬花

貢

甘草

風俗形勢

其民勇敢好獵舊志云

州境通吐谷渾至青海之塞南直白馬氏地西連熙鞏北並洮疊在熙河為重地圖

經云

大元大一統志卷第五百八十七

大元大一統志卷第七百六十三

奏進

集賢大學士資善大夫同知宣徽院事臣字蘭肝

昭文館大學士中奉大夫秘書監臣岳鉉等上進

平江路

支郡

崑山州

常熟州

吳江州

嘉定州

親領

錄事司

吳縣

長洲縣

建置沿革

禹貢揚州之域吳地斗分野周禮職方氏

大元大一統志卷第五百八十七

大元大一統志卷第七百六十三

奏進

集賢大學士資善大夫同知宣徽院事臣字蘭肝

昭文館大學士中奉大夫秘書監臣岳鉉等上進

平江路

支郡

崑山州 常熟州 吳江州 嘉定州

親領

錄事司 吳縣 長洲縣

建置沿革

禹貢揚州之域吳地斗分野周禮職方氏

揚州數曰具區浸曰五湖周時爲吳國釋
名曰吳虞也封大伯于此以虞其志也按
史記周太王長子曰太伯太伯弟仲雍避
少弟季歷奔荆蠻自號勾吳吳人立以爲
君太伯卒無子弟仲雍立太伯初適吳築
城在平江門外自太伯至王僚二十六王
平都之今無錫縣有吳城是也仲雍傳國至
曾孫周章武王克殷因而封之又封周章
弟虞仲子故夏墟謂之虞仲從太伯至吳
子壽夢十九世當魯成公時盛大稱王吳

入州來楚一歲七奔命蠻地之屬於楚者
吳盡取之始大通于上國吳王闔閭西破
楚入郢北威齊晉興伯名于諸侯築大小
城都之魯定公十四年吳伐越越子迎擊
之敗之槁李吳王闔廬傷將指卒其子夫
差三年乃報越越于夫椒越王以甲楯
五千棲于會稽因太宰嚭以行成于吳乃
以百里封勾踐臣妾于吳而浙江以西盡
爲吳有魯哀公十三年吳會黃池越入吳
而越及吳平十七年三月越子伐吳吳子

禦之笠澤夾水而陳越子爲左右句卒使
夜或在或右鼓譟而進吳師分以禦之越
子以三軍潛涉當吳中軍而鼓之吳師大
亂遂敗之二十二年冬越滅吳吳地盡爲
越有後六世周顯王三十五年越王無疆
伐楚楚人大敗之乘勝盡取吳地東至
浙江楚成王曾孫考烈王其相春申君黃
歇乃自淮北更封江東復還相楚使其子
爲假君留吳秦始皇二十五年王翦定江
南之地降百越之君置會稽郡時會稽郡

治吳非治山陰也項梁項羽初起羽擊殺
會稽假守殷通即此地也漢爲會稽郡高
帝五年封荆王賈十二年封吳王濞景帝
四年平吳王濞更屬江都國除爲郡東漢
順帝時陽羨令周喜山陰令陰重上書以
吳越二國周旋一萬一千里以浙江山川
險絕求得分置遂分浙江以西爲吳郡浙
江以東爲會稽郡三國屬吳孫氏創業亦
肇跡於此歷晉至梁不改陳置吳州隋開
皇九年平陳改曰蘇州蓋因州西姑蘇山

以爲名場帝大業初復爲吳州尋改爲吳郡唐武四年平李子通復置蘇州德六年陷于輔公柘七年平公柘復立蘇州置蘇州都督督湖杭暨治于吳吳城九年罷貞觀元年隸江南道天寶元年改爲吳郡乾元元年復爲蘇州二年分置長洲軍大歷五年廢南唐升爲中吳軍節度錢氏納土歸宋太平興國三年改爲平江軍政和三年改爲平江府

國朝至元十三年收附以後升爲平江路領一司

六縣今改四縣爲州而屬焉

錄事司

本在城地舊設四廂以領民事歸附

國朝之初設四廂至元十四年改立錄事司以在城民戶屬之

吳縣

本秦舊縣也吳之故國太伯之邑元和郡縣志云本吳王闔廬所都秦置縣以會稽稽郡故項羽擊殺會稽假守殷通遂舉吳中兵是會稽治吳縣明矣漢順帝永建四

年分會稽郡立吳郡治吳縣晉志吳郡仍治吳縣宋志又云宋孝武大明七年廢屬南徐八年復舊而宋志齊志皆為吳郡治所隋志云陳于縣置吳州隋平陳改曰蘇州而縣仍隸焉宋為平江府治所歸附國朝以來因之

長洲縣

本吳之長洲苑因江洲得名枚乘諫吳王
渑曰不如長洲之苑吳大帝封長沙王果
于此晉廢以地併入吳縣唐萬歲通天元

年又析吳縣之地復置之在郭下分治州
界宋仍唐舊為平江府屬縣歸附

國朝以來因之

坊郭鄉鎮

錄事司

利娃鄉 永定鄉 鳳凰鄉 上元鄉

道義鄉 鳳池鄉 大雲鄉 東吳上鄉

樂安上鄉 樂安下鄉

吳縣

靈巖鄉 橫山鄉 太平鄉 大吳鄉

鳳凰鄉 永定鄉 利娃鄉 大吳鄉
吳苑鄉 至德鄉 胥臺鄉 南宮鄉
長山鄉 長洲鄉 西華鄉 遵禮鄉
震澤鄉 蔡仙鄉 姑蘇鄉 洞庭鄉
長壽鄉

長洲縣

大雲鄉 道義鄉 上安鄉 鳳池鄉
習義鄉 陳公鄉 蘇臺鄉 東吳鄉
尹山鄉 吳官鄉 依仁鄉 益地鄉
金鵝鄉 彭華鄉 武邱鄉 儒教鄉

樂安上鄉 樂安下鄉 吳上鄉

里至

本路

西北至上都四千三百六十四里
西北至大都三千五百六十四里
東至大海二百二十里
西至常州路界一百三十二里
南至嘉興路界一百一十里
北至大江一百八十里
東到大海二百二十里

西到常州路界一百三十二里
南到嘉興路界一百一十里
北到江陰路大江一百八十里
東南到嘉興路一百五十里
西南到湖州路二百二十里
東北到大江二百三十里
西北到常州路一百八十里

錄事司

里至與本路同

吳縣

西北至上都四千三百六十四里
西北至大都三千五里
東至本路長洲縣一里
西至湖州路界一百三十里
南至本路吳江州界四十里
北至本路長洲縣界五十里
東到本路長洲縣一里
西到湖州路一百六十里
南到本路吳江州四十五里
西南到湖州路烏程縣一百六十里

東北到本路長洲縣一里
西北到本路長洲縣界五十里

長洲縣

西北至上都四千三百六十三里
西北至大都三千五百六十三里
東至本路崑山州界三十里
西至本路吳縣一里
南至本路吳江州界四十里
北至常熟州界五十里
東到崑山州七十里

西到本路吳縣一里
南到吳江州四十五里
北到常熟州一百五里
東南到松江路一百三十五里
西到本路吳縣一里
東北到常州路無錫州一百五十一里
西北到常州路無錫州九十九里

山川

姑蘇山

在吳縣西三十里姑蘇臺在其上舊志

A 1 2 3 4 5 6 M 8 9 10 11 12 13 14 15 B 17 18 19

1 2 3 4 5 6 7 8 9 10 11 12 13 14 15 16 17 18 19

云連橫山之北也後或曰姑胥或曰姑
餘其實一也太史公嘗登姑蘇之臺云
以望五湖

寫籙山

在吳縣西六十里舊傳赤松子食桂實
石脂于此吳都賦云赤須蟬蛻而附麗
謂此也

靈巖山

在吳縣西二十一里吳王館娃宮故地
有琴臺西施洞亦名峴石山舊志云有

秀峯寺古故宮之境景物清絕又云下
瞰太湖望洞庭兩山滴翠叢碧在白銀
世界中亦宇內絕景山前十里有採香
徑舊來置寺于此

橫山

在吳縣西南十里據湖山之中以鎮西
南舊志云

華山

在吳縣西六十三里山半有壑曰天池
舊志云池生千葉蓮花昔人服之羽化

故以名山隋志在吳縣於羣山獨秀望
之如屏長林荒楚翁鬱幽邃舊有興教
寺據山畔

天平山

在吳縣西二十里此山最為膏萃有卓
筆峯白雲泉苑文正祠廟義學在其下
舊志云巍然特出羣峰拱揖郡之鎮也
楊備詩云人間多少險巖路縱是天平
還不乎蘇子美詩云吳會括衆山戢戢
不可數其間號天平突兀爲之主

洞庭包山

在吳縣西一百三十里郡志云下有大
洞潛通五嶽號林屋洞即第九洞天也
吳中記云吳國西有具區澤中有洞庭
包山舊無三班謂蛇虎雉也侯景亂後
乃有蛇虎蘇子美水月院記中有山七
十二惟洞庭稱雄其間民俗魯朴以橘
柚爲常產每秋高霜餘丹苞朱實與長
松茂樹相差間於巖壑間望之若圖畫

虎丘山

在長洲縣西北九里又名海湧山中有
劔池越絕書吳王闔閭葬山下葬之三
日金精上騰為白虎蹲踞其上故名虎
丘又世說秦始皇嘗登此將發吳塚有
白虎出始皇拔劔刺虎虎隱入山因名
虎丘顧野王虎丘山序有云高不抗雲
深無藏景卑非培塿淺異踈林路若絕
而復通石將斷而更綴抑巨麗之名山
大吳之勝壤也

陽山

大元大一統志卷第九百五十六

在長洲縣西北九里又名海湧山中有
劔池越絕書吳王闔閭葬山下葬之三
日金精上騰為白虎蹲踞其上故名虎
丘又世說秦始皇嘗登此將發吳塚有
白虎出始皇拔劔刺虎虎隱入山因名
虎丘顧野王虎丘山序有云高不抗雲
深無藏景卑非培塿淺異踈林路若絕
而復通石將斷而更綴抑巨麗之名山
大吳之勝壤也

陽山

大元大一統志卷第九百五十六

仁覽

字紫芝仕晉為青州從事非其志父子
褰裳歸西山從許旌陽游後得道昇仙
宋封為冲道真人

應智瑱

建城人賦性剛毅遭難不懼隋大業中
郡盜媚興蕭銑林士宏攻掠江南智瑱
于華林山置雲棚城召義兵保靖一方
唐武德五年歸高祖以為靖州刺史功
德及民愛如父母今本路城隍是也

幸南容

高安人也唐貞元九年第進士累遷國
子祭酒後有神異百姓呼為龍王為立
廟祀之

宋練

高安人唐孝友傳練為長沙掾四世同
居以孝行聞咸通九年觀察使裴休表
其行義詔旌表門閭

鄧璠

袁州圖經云璠高安人唐元和中權知

袁州興崇學校有古循吏之風詔令再任

任濤

高安人數舉不第而工於詩李騭廉察江西特免郡役有援例訟者騭判曰江西境內為詩得及濤者即與免役濤詩清婉多佳如露團沙鶴起人卧釣舟流至今傳誦事見據言

沈彬

字子文高安人也嘗夢著錦衣貼月而

飛識者知其當以才名驚世嘗夢賦仙謠云玉殿大開從客入金桃爛熟沒人偷鳳鷲寶扇頻翻翅龍怯金鞭或轉頭又觀山水圖經詩云須手筆安排定不怕山河整頓難其氣度如此後吳先主授以秘書郎

易延慶

字餘慶上高人以德行稱見唐允功二賢堂記按國史孝友傳延慶事周世宗為大理寺丞出知濠州宋乾道六年以

父喪棄官結廬墓側開寶四年墓產紫芝九年復產玉芝十八莖好事者繪以爲圖徐鉉爲之賦

劉渙

字凝之筠之高安人舉進士爲顯上令以剛直不屈于上位即棄官而歸家于廬山之陽時年且五十歐陽修與渙同年進士也高其節作廬山高以美之渙居廬山三十餘年環堵蕭然饘粥以爲食而游心塵垢之外超然無戚戚之意

恕

以壽終

字道原少穎悟俊拔讀書過目即成誦年四歲坐客有言孔子無兄弟者恕應聲曰以其兄之子妻之一坐驚異年十八試經義說書皆第一釋褐爲鉅鹿簿遷和川令司馬光修資治通鑑奏請同編脩恕於魏晉以後事尤能精詳考證前史差謬司馬光悉委而取決焉王安石與恕有舊欲引脩三司條例恕以不

習金穀爲辭因言不應以財利爲先及
呂誨得罪知鄧州恕往見安石爲條陳
所更法令不合衆心者宜復其舊則議
論自息安石怒遂與之絕方安石用事
呼吸成禍福恕奮厲不顧直指其事或
面刺安石至變色無所隱諱及司馬光
出知永興軍恕以親老告歸南康乞監
酒稅以就養有詔即官下編脩恕奏請
乞身詣光議脩書許之恕居母喪又詔
就第續成前書喪未除而卒年四十七

著十國紀年四十二卷資治通鑑外紀
十卷包義至周厲王疑年譜共和至熙
寧年略譜各一卷行世

劉義仲

字壯輿高安人有祖父遺風仕至修史
檢討嘗褰裳去蔡京曰吾但知有天子
不知有權臣既忤蔡京不復仕卒于廬
山有祠在釣山故居

唐允功

高安人號曰書厨丞相趙鼎嘗書潛心

居士以贈紹興中侍從太薦薦以賢良
不受

鄧文瑞

高安人四世同居五百餘口州以上聞
詔旌表門閭今旌義鄉玉虛觀即其故
居按本路圖冊云

幸元龍

字震父高安人登第仕至郢倅上書雪
濟邸之冤攻時相史彌遠之惡言甚痛
切亦與彌遠書救魏了翁真德秀洪咨

僊釋

教真君

夔胡夢昱諸君子以存國體竟以直忤
彌遠遭劾屏廢而卒真德秀狀其行甚
惜之有松垣集行世

按方輿記上高縣北五里有教嶺真君
得道飛昇之所

趙吉

高安人也狂而落魄兩目皆翳自言生
一百二十七年矣元豐三年蘇轍謫居

高安吉往見曰吾知君好道而不得要
陽不降陰不升故肉多而浮面赤而瘡
教轍挽水以溉百體經旬諸疾皆愈又
嘗往黃州見蘇軾後屍解于興國軍

六祖馬祖

唐僧六祖以佛法再傳馬祖興于江南
于是高安有五道場而客僧接迹見蜀

江志

良价禪師

高安洞山良价師問雲巖和尚百年後

忽有人問還邈得師真如何祇對雲巖
曰但向伊道即這箇是師良久雲巖曰
承當這箇事大須審細師猶涉疑後因
過水覩影大悟前旨

戒禪師

冷齋夜話云蘇子由責高安時雲庵居
洞山有聰禪師蜀人居聖壽寺一夕雲
庵夢同子由出迓五祖戒禪師聰亦夢
同迎戒禪師俄東坡書至曰已至奉新
旦夕可相見子由攜兩衲候于城南建

山寺東坡至坐定理夢事以語軾曰軾
八九歲時夢身是僧往來陝右又先妣
方娠夢一僧來托宿瘡而眇雲庵驚曰
戒陝右人也失一目暮年棄五祖來高
安終于大愚逆數蓋五十年東坡時年
四十九年後與雲庵書其略曰戒和尚
不識人嫌強顏復出亦可笑矣

明香真人

蜀江志云李八百之妹也初修道于華
林元秀峯後于峯南六十里五龍岡設

壇道成冲舉唐天寶中即其地爲元陽
觀

大元大一統志卷第九百五十六

大元大一統志卷第九百五十七

奏進

集賢大學士資善大夫同知宣徽院事臣字蘭肝

昭文館大學士中奉大夫秘書監臣岳 鉉等上進

新昌州

建置沿革

本漢建成縣地屬豫章郡吳孫權黃武中
析置宜豐縣晉武帝省入望蔡梁初復置
隋廢入建城唐武德中置靖州復置宜豐
縣以屬焉八年州廢省縣入高安南唐保
大十年以宜豐舊地為高安之鹽步鎮宋

大元大一統志卷第九百五十六

大元大一統志卷第九百五十七

奏進

集賢大學士資善大夫同知宣徽院事臣字蘭肝

昭文館大學士中奉大夫秘書監臣岳鉉等上進

新昌州

建置沿革

本漢建成縣地屬豫章郡吳孫權黃武中
析置宜豐縣晉武帝省入望蔡梁初復置
隋廢入建城唐武德中置靖州復置宜豐
縣以屬焉八年州廢省縣入高安南唐保
大十年以宜豐舊地為高安之鹽步鎮宋

太平興國七年春割高安上高二縣地陞
鹽鎮鎮爲新昌縣屬筠州慶厯初改筠州
爲瑞州縣亦屬焉

國朝至元十二年收附之初因之十四年陞瑞州
爲路縣屬如故元貞元年升爲州仍隸瑞
州路總管府

坊郭鄉鎮

天德鄉	太和鄉	義鈞鄉	天寶鄉
太平鄉	宣風鄉	廣賢鄉	新安鄉
里至			

東北至上都五千一百七十五里

東北至大都四千四百一十五里

東至本路一百二十里

東至高安縣宜豐橋界七十五里

南至上高縣凌口界三十里

西至萬載縣連香嶺界六十里

北至分寧縣八疊嶺界八十里

東到高安縣一百二十里

西到瀏陽州三百五十里

南到上高縣四十里

北到寧州三百里

東南到臨江路一百六十里

西南到萬載縣一百二十里

東北到奉新縣一百六十里

西北到分寧縣一百八十里

山川

鹽嶺

在州南古稱五鹽此其一也

折桂峯

在州東一名文筆峯

黃蘗山

在州西北九十里廣賢鄉一名鷲峯山

世傳昔有一僧自西土來謂此山似吾

佛國靈鷲山故名庚溪詩話云唐宣宗

微時以武宗忌之遊跡爲僧游方外至

黃蘗與黃蘗禪師同觀瀑布黃蘗得一

聯云千巖萬壑不辭勞遠看方知出處

高宣宗讀之曰溪澗豈能留得住終歸

大海作波濤又建橋于半山名之曰龍

興

五峯山

在州西北一百里廣賢鄉山有五峯東曰歸雲曰積翠西曰月桂曰羅漢中曰佛巖因名

黃岡山

在州西北八十里廣賢鄉

八疊山

在州西北八十里天寶鄉以盤曲之數故名

滕江

在州東十里源出龍興路分水界流一百五十里至本州宣風鄉與上高縣凌江合流會錦江而入章江焉

土產

鐵

州有鐵冶二所一名上煌一名黑口置鑪炭辦官課

香附子

半夏

香薷

本州並出

風俗形勢

士秀而文漸無珥筆之風故號曰江西小道院表其俗之美也

靈鷲五峯黃岡八疊俱峙列于州之西北

古蹟

濯湖

按輿地紀勝云在州之東門外昔許遜濯衣其中湖水至今清澈不受垢汙土人名爲真君濯衣湖

五色泉

在州淨惠院之側土人謂之乳泉取而酌之五色光瑩

陶淵明書堂

按輿地紀勝在州延禧觀之七里山又有洗墨池藏書墩在書堂前其墓猶存觀內又有淵明祠其故里在義鈞鄉至今居民多姓陶氏

瑞芝亭

在州治內黃庭堅詐記略曰晉陵邵君

協爲新昌宰視事之三月靈芝五色十
二生於便坐之室吏民來觀相與言曰
吾令君殆將有嘉政以福我民乎山川
鬼神其與知之矣不然此不特而秀不
根而成非人力所能致而自至者何也
乃根與闕其室四達爲亭命曰瑞芝
度門院

在州北二十里有樞密聶山書堂

淨覺院

按輿地絕勝在州之五峯山環寺皆奇

峯按傳燈錄常觀禪師駐錫之地

黃蘗山

在州西北廣賢鄉鷲峯爲江西名利事
實已見黃蘗山下

洞山寺

在州東北之洞山上去州三十餘里悟
本禪師塔在寺之右有洞山錫尚存乃
祖師往昔供僧之用南平王鍾傳所施
山峻林密萬竹圍繞溪流清澈石徑縈
紆前有溪聲橋三上亭伏虎廟真塵外

勝境也

文廟

在州治之南有書樓甚偉講堂在其側
隆道觀

在州治之東昔許旌陽游憇于此

真武堂

在州治之北其內有道家者流事香火
甚嚴

官蹟

邵協

事宋為新昌宰視事之三月靈芝五色
十二生於便坐之室黃庭堅為作瑞芝
亭記

人物

陶潛

字元亮按圖經載元亮家宜豐縣東二
十里後徙家柴桑暮年復歸故里宜豐即今
新有故跡在州之義鈞鄉潛少懷高尚
博學善屬文穎脫不羈任真自得為鄉
里所貴嘗著五柳先生傳以自况親老

家貧起爲州祭酒不堪吏職解歸州召
主簿不就躬耕自資遂抱羸疾復爲鎮
軍建威參軍事謂親朋曰聊欲絃歌以
爲三逕之資可乎執事者聞之以爲彭
澤令在縣公田悉令種秫穀曰令吾常
醉於酒足矣素簡貴不私事上官郡遣
督郵至縣吏白應束帶見之潛歎曰吾
安能爲五斗米折腰事鄉里小兒晉義
熙三年解印去縣乃賦歸去來頃之徵
著作郎不就旣絕州郡覲謁所之唯田

舍廬山游觀而已遇親朋即痛飲欣然
無忤酣醉即反刺史王宏甚欽重之後
自造烏潛稱疾不見旣而語人曰因疾
守閑幸非潔志慕聲豈敢以王公紆軫
爲榮耶宏遣人伺之要酌于道歡讌窮
日潛不營生業唯遇酒則飲時或無酒
亦雅詠不輟嘗當夏月虛閑高卧北牕
下清風颭至自謂羲皇上人性不解音
而畜素琴一張絃微不具每朋酒之會
輟撫而和之曰但識琴中趣何勞絃上

聲宋元嘉中卒年六十三有文集行于世

雷孝友

新昌人宋乾道中以詞賦魁南省仕至樞密兼參政卒贈太師

僊釋

僧惠洪

新昌人字覺範一名德洪俗姓彭氏禪學造詣釋註金剛楞嚴經博通儒書能文尤工於詩名動京華與陳了翁黃山

谷游山谷以詩稱其韻勝不減秦少游氣爽絕類徐師川韓子蒼罕分寧惠洪從高安水館之雲巖寺寺僧三百各持一幅紙求詩于惠洪斯須立就有甘露集林間錄冷齋夜話天厨禁臠行于世張無盡陳了齋鄒志完諸公評其詩文以爲晉唐以來詩僧之冠韓駒子蒼誌其墓

問長老

居新昌清涼禪院嘗手寫蓮華經字如

黑蟻卧不就席者二十年故蘇軾詩有
誰信吾師非不睡睡蛇已死得安眠轍
詩云蒲團布衲一繩麻心地虛明睡亦
忘

大元大一統志卷第九百五十七

大元大一統志卷第九百五十八

奏進

集賢大學士資善大夫同知宣徽院事臣字蘭野

昭文館大學士中奉大夫秘書監臣岳 鉉等上進

撫州路

錄事司 臨川縣 崇仁縣 金谿縣

宜黃縣 樂安縣

建置沿革

禹貢揚州之域於天文爲星紀斗分春秋
時爲吳地哀二十三年越滅吳其地屬越
戰國時楚敗越遂屬楚秦併天下屬九江

黑蟻卧不就席者二十年故蘇軾詩有
誰信吾師非不睡睡蛇已死得安眠轍
詩云蒲團布衲一繩麻心地虛明睡亦
忘

大元大一統志卷第九百五十七

大元大一統志卷第九百五十八

奏進

集賢大學士資善大夫同知宣徽院事臣字蘭野

昭文館大學士中奉大夫秘書監臣岳 鉉等上進

撫州路

錄事司

臨川縣

崇仁縣

金谿縣

宜黃縣

樂安縣

建置沿革

禹貢揚州之域於天文爲星紀斗分春秋
時爲吳地哀二十三年越滅吳其地屬越
戰國時楚敗越遂屬楚秦併天下屬九江

郡漢高帝六年分九江置豫章郡按漢志
豫章郡所統縣十八南城居其一此爲南
城縣地後漢和帝永元八年析南城北境
爲臨汝縣屬豫章三國吳太平二年以豫
章東部置臨川郡領臨汝南城二縣又增
置宜黃安浦新建西平西城東興南豐永
城八縣隸揚州晉惠帝元康元年割豫章
臨川等郡隸江州領縣十改西平爲西豐
西城爲西寧宋因之省西寧領縣九齊因
之以臨川郡徙治南城梁復臨汝分新建

西寧置巴山郡又置巴山大豐新安三縣
及取廬陵之興平豫章之豐城以益之凡
領縣七臨川郡領臨汝南城宜黃安浦西
豐南豐永城又析臨汝爲定川縣凡領縣
八陳因之隋平陳罷郡爲州命總管楊武
通奉使安撫因以撫名州隸洪州都督府
開皇九年廢巴山郡併新建興平宜黃安
浦巴山西寧六縣置崇仁縣屬撫州又併
西豐定川入臨汝改爲臨川縣廢大豐新
安二縣入豐城割豐城還洪州廢南豐永

城入南城大業三復改撫州爲臨川郡年
領臨川南城崇仁邵武四縣十四年陷入
林士定賊唐武德五年平士宏復置撫州
領臨川南城邵武崇仁永城東興將
樂八縣而以興平之地還吉州今永豐縣
是也七年省東興永城將樂三縣又割邵
武屬建州八年省宜黃貞觀元年以撫州
隸江南道景雲二年復置南豐開元二十
一年分十五道採訪使以撫州隸江南西
道天寶元年復改爲臨川郡乾元元年復

爲撫州置治於臨州舊城西津之西赤岡
至寶應二年刺史王圓以不便於民遷於
西陸然虛右擁左未協地形至中和五年
刺史危全諷始遷今治領臨川南城崇仁
南豐四縣五代梁龍德元年僞吳楊溥升
爲昭武軍節度晉天福二年僞唐李昇取
吳遂屬南唐以南城縣置建武軍即今建
昌軍也宋乾德六年僞唐李煜復置宜黃
縣開寶四年平江南降爲軍州事隸江南
西道淳化二年以南豐屬建昌軍五年以

A 1 2 3 4 5 6 M 8 9 10 11 12 13 14 15 B 17 18 19

金谿場置金谿縣依舊領縣四建炎四年
隸江南東路紹興四年復隸江南西路十
九年割崇仁縣天授忠義樂安三鄉并吉
州永豐縣雲蓋鄉增樂安縣領縣五
國朝至元十二年收附之初仍爲撫州十四年升
爲撫州路總管府領一司五縣隸江西等
處行省

錄事司

舊爲本州在城地宋設三廂領之
國朝至元十四年創設錄事司領在城民事

臨川縣上

古豫章之境後漢和帝永元八年分豫章
南城縣西北境爲臨汝縣此置縣之始也
吳太平二年以豫章東部置臨川郡分臨
汝爲新建縣於郡南又置西平縣晉改曰
西豐宋齊因之梁分新建西寧置巴山郡
大通二年分臨汝北境置定川縣隋平陳
改臨川郡爲撫州開皇九年廢巴山郡以
新建入崇仁省西豐定川二縣入焉改爲
臨川縣太業初復爲臨川郡唐武德五年

又改爲撫州宋因之淳化五年割歸德順
德順政入金谿升爲縣外尚存一十八鄉
一百九都紹興十九年析惠安穎秀二鄉
一十四都併入崇仁縣令領臨汝等十六
鄉隸撫州路

崇仁縣上

本後漢臨汝縣地吳孫亮太平二年分臨
汝爲新建縣屬臨川郡梁普通三年改爲
巴山縣輿地廣記云梁置巴山郡以縣屬
焉隋平陳巴山郡縣俱廢開皇九年廢新

建西寧巴山興平宜黃安浦六縣置崇仁
縣此置縣之始也南唐李煜割崇仁縣南
境待賢僊桂崇賢三鄉入宜黃場後升爲
縣宋紹興間多盜漕使勾光祖從縣丞張
詠之議請于朝割縣西南天授樂安忠義
三鄉置樂安縣却割臨川縣穎秀惠安二
鄉入崇仁

國朝因之仍隸撫州路

金谿縣中

古豫章境土在唐爲撫州臨川之上模鎮

五代周顯德五年南唐李煜折臨川近鎮
歸政一政立金谿場按舊傳有谿水色如
金宋淳化五年陞場爲縣割臨川縣之歸
德歸政順德順政四鄉隸焉景德二年又
以饒州安仁縣延福白馬永和三鄉入金
谿後併永和白馬爲一鄉今領六鄉

國朝因之隸撫州路

宜黃縣

本後漢臨汝縣地吳孫亮太平二年分置
宜黃縣屬臨川郡宜黃水出黃土嶺曰黃

水縣名黃取諸此晉宋齊梁因之隋平陳
併宜黃入崇仁唐武德五年析崇仁復置
宜黃縣八年省南唐以崇仁之僊桂崇賢
待賢三鄉置宜黃場宋開寶初改場爲宜
黃縣

國朝因之隸撫州路

樂安縣

古豫章境土吳太平二年以豫章東部置
臨川郡隋平陳改臨川郡爲撫州北地皆
屬焉宋紹興十九年江西漕勾光祖從崇

仁縣丞張詠之所諫以其地介於永豐寧
都豐城新城四縣之間山澤多盜民不寧
居請于朝割崇仁縣之天授樂安忠義三
鄉併吉州永豐縣之雲蓋鄉置樂安縣因
樂安縣爲名舊志以爲取縣名之義欲民
樂安安居也

國朝因之隸撫州路

坊郭鄉鎮

錄事司

東隅

西隅

南隅

北隅

臨川縣

臨汝鄉

長壽鄉

長寧鄉

廣西鄉

靈臺鄉

廣東鄉

招賢鄉

延壽鄉

畫安鄉

崇德鄉

明賢鄉

安寧鄉

積善鄉

長樂鄉

長安鄉

新豐鄉

崇仁縣

長安鄉

禮賢鄉

青雲鄉

崇仁鄉

惠安鄉

穎秀鄉

金谿縣

歸政鄉

歸德鄉

順政鄉

延福鄉

順德鄉 永和鄉

宜黃縣

崇賢鄉 僂柱鄉 待賢鄉

樂安縣

忠義鄉 樂安鄉 雲蓋鄉

天授鄉

里至

本路

北至上都五千一百四十五里
北至大都四千三百八十五里

東至饒州路安仁縣一百二十里

西至富州界牌六十里

南至南城縣界山七十五里

北至進賢縣界牌五十五里

東到信州路三百八十里

西到臨江路二百八十里

南到建昌路一百二十里

北到隆興路二百一十里

東南到邵武路六百七十里

西南到吉州路四百五十六里

東北到饒州路四百二十四里

西北到瑞州路二百八十里

錄事司

里至與本路同

臨川縣

北至上都五千一百四十五里

北至大都四千三百八十五里

北至本路總管府二里

東至安仁縣腰鋪一百二十里

西至本路崇仁縣界四十五里

南至南城縣界游原七十五里

北至進賢縣界南陽曾坊五十五里

東到饒州路安仁縣一百六十里

西到崇仁縣一百二十里

南到南城縣一百五十里

北到進賢縣一百五十里

東南到金谿縣九十里

西南到宜黃縣一百二十里

東北到餘干縣一百七十五里

西北到富州一百六十里

崇仁縣

北至上都五千二百六十五里
北至大都四千六百伍里
東至本路一百二十里
東至臨川縣栢葉塘六十里
西至樂安縣界長山四十里
南至宜黃縣界孤嶺六十里
北至富州界界嶺三十五里
東到臨川縣一百二十里
西到新淦州二百八十五里

金谿縣

南到吉水州二百五十里
北到富州一百四十里
東南到宜黃縣八十里
西南到樂安縣一百三十五里
東北到進賢縣一百九十里
西北到清江縣二百四十里

東至貴溪縣界仙巖五十五里
西至臨川縣界東漕市四十五里
南至南城縣界澤源嶺五十里
北至臨川縣界望州嶺六十里
東到信州路貴溪縣一百四十五里
西到宜黃縣二百一十里
南到建昌路南城縣一百七十五里
北到臨川縣九十里
東南到光澤縣三百三十里
西南到南豐州二百一十里

宜黃縣

東北到安仁縣一百二十五里
西北到崇仁縣二百一十里
北至上都五千二百六十五里
北至大都四千五百五里
東北至本路一百二十里
東至南城縣箬嶺一百二十里
西至崇仁縣界孤嶺四十里
南至寧都縣界黃土嶺一百六十里
北至臨川縣界檣港橋六十里

東到金谿縣一百七十里
西到樂安縣一百二十里
南到南豐州一百四十里
北到富州二百二十里
東南到南城縣一百二十里
西南到寧都縣二百八十里
東北到臨川縣一百八十里
西北到崇仁縣八十里

樂安縣

北至上都五千三百八十五里

北至大都四千六百二十五里
北至本路二百四十里
東至崇仁縣界丁家原三十里
西至永豐縣界羅蔡五十里
南至寧都縣界大木嶺一百八十里
北至富州界丁山嶺八十里
東到宜黃縣一百二十里
南到寧都縣四百里
西到吉州永豐縣一百二十里
北到富州二百四十里

東南到南豐州二百六十里
西南到吉州一百三十里
東北到崇仁縣一百三十五里
西北到新淦州一百六十里

大元大一統志卷第九百五十八

第肆州壹百拾捌葉



國家圖書館 NATIONAL CENTRAL LIBRARY TAIWAN, R.O.C.





國立中央圖書館 NATIONAL CENTRAL LIBRARY TAIWAN R.O.C

